

WANI

NIUSPEPA BILONG YUMI OL PAPUA NIUGINI STRET! 27 YIA NAU

32 pes

Namba 1,301

Wik i stat long Fonde Jun 3, 1999

60t

**Blek maket bia
hevi long
Westen Hailans**

pes 2

**Lak na Pok
stap yet
wantaim Skate**

pes 3

**Angoram distrik
kisim K1 millien**

pes 5

**Tokpilai
KANAGE**

pes 26

**Lukim Mosbi
So spesel
- 6 pes**



Kalabus lain i go fri... • Ol OPM paitman long West Papua i holim pasim ol 11-pela lain manmeri bilong Indonesia na haitim ol long bik bus bilong Bewani long Wes Sepik na Indonesia boda. Difens Fos na plis bilong PNG bin go lusim ol long dispela wik. Gavman bilong Papua Niugini bai kisim ol na givim ol i go long han bilong Indonesia Gavman.

Pangu rausim Pundari na Genia

JOE KANEKANE i raitim

GRUP bilong Pangu Pati i rausim pinis Spika bilong Palamen John Pundari na namba tu lida bilong Pangu bilong Sauten rijen Kilroy Genia.

Dispela bilong wanem tupela man i kamapim wanpela politikel pati bilong tupela yet we wanpela i pati lida na narapela em i namba tu bilong em.

Long wanpela pepa we lida Chris Haiveta, wantaim lida bilong Momase rijen Samson Napo na memba bilong Maprik Sir Pita Lus ol i tok olsem pati i oraitim lida bilong Pati long toktok wantaim ol arapela pati long fomim neks gavman.

Ol lida i tok tu olsem Pangu no inap larim ol arapela lain long kam tokim pati long wanem rot ol i inap long go long wanem pati i sanap long ol lo bilong em na tu em i fri long wokim disisen bilong em.

Ol i wokim dispela tok tok bihain long lida bilong oposisien Bernard Narokobi i bin tok olsem lida bilong Pangu Pati i no bin toksave long em taim em i bin go wantaim Praim Minista long Westen provins long opim wanpela plaiwut faktori.

"Pangu no inap long larim ol arapela pati long wokim disisen bilong

em, " dispela stetmen i tok. Long seim taim tu ol toktok i wok long kamap olsem Praim Minista Bill Skate i rausim PDM pati long gavman i no tru.

Dispela em toktok i kam long nuis daireka bilong opis bilong Praim Minista Chris Hawkins. Em i tok em i kirap nogut long harim olsem Mista Skate i rausim PDM long gavman long wanem aste tasol PDM i tok ol bai sanap wantaim dispela gavman i go inap long 2002.

"Mi no harim wanpela samting long aste sapos dispela kain samting i wok long kamap. Tasol mi no ting bai Praim Minista i wokim kain pasin olsem," em i tok.

Sampela tok win i kam olsem Praim Minista bai rausim sampela Minista long wok bilong ol, tasol i no gat ol nem i kam aut.

Taim ol niuslain i bin askim lida bilong PDM Pati Sir Mekere Mourata long tingting bilong em sapos Praim Minista i rausim pati bilong em, em i bekim na tok olsem Praim Minista i bos na em i laik bilong em.

Mista Morauta i tok bikpela tingting bilong em em long strongim Pati olsem bai nogat bruk bruk pasin namel long ol yet maski sapos em i stap wanpela bekbensa long wokim olsem.

Ambane rausim Simbu Gavana Wai long sia

PETER MAIME i raitim

RIJINOL memba bilong Simbu, Pater Louis Ambane i rausim Gavana Simeon Wai long sia bilong em.

Pater Ambane i kisim Air Niugini Dash 8 balus long 12 kilok long Mosbi na go pundaun long Kundiawa long wan kilok aste.

Em i go stret long Kondom Agaundo Provinsal Haus na asembli i makim em olsem wanpela provinsal memba na gavana bilong provins. Tupela samting i bin go wantaim.

Tasol Gavana Simeon Wai i no bin stap long dispela bung.

Deputi Gavana Willie Kale i bin Ekting Gavana long dispela taim na i kamap siaman bilong miting bilong Provinsal Asembli.

Wantok bin toktok wantaim wanpela wokman bilong Gavana Wai


long opis bilong em long Nesanel Palamen long Mosbi, na painim aut olsem em (Wai) i bin stap long Goroka aste.

Ol pipel bilong Simbu na ol pablik sevan bai paul husat em Gavana bilong Simbu. Gavana Wai i no tok orait long dispela sia bilong Gavana i go long Pater Ambane.

Em wanpela nupela samting long politiks i kamap long kantri. Nogat wanpela Provinsal Gavman aninit long rifom lo i bungim dispela samting bipo.

Simbu Provinsal Asembli i makim Mista Wai olsem gavana taim Pater Ambane i lusim dispela sia long Suprim Kot. Gavana Wai em Memba bilong Karamui Nomane.

Gavana Jenerel, Sir Silas Atopare long dispela mun i bin makim Pater Ambane na Memba bilong Kagua Erave, Charles Luta



• Pater Louis Ambane.

olsem wanpela memba bilong nesanel palamen.

Em wanpela nupela samting tu ol i kamapim bikos em wok bilong

Palamen Spika long mekim taim palamen i bung.

Tasol palamen i malolo long 7-pela mun na bai bung long neks mun.

Pater Ambane long Tunde i tok "ol pipel bilong Simbu i votim mi long kamap gavana. Tumora (Trinde) bai mi go antap (Simbu) na bai ol i makim mi olsem gavana."

Em i tok em i wet longpela taim, klostu long tupela mun, bihain long em i winim gen rijionol sia long bai ileksen.

"Olsem rijionol memba, mi gavana bilong provins. Mi kilia long dispela samting," Pater Ambane i tok.

Em i tok nupela Ogenik Lo bilong Provinsal na Lokol Levul Gavman i orait long rijionol memba i kamap gavana bilong provins.

Taim Pater Ambane i go kamap long Simbu aste, ol Provinsal Asembli memba i sambai tasol i stap long kisim em i go long semba bilong miting.

Provinsal Plis Komanda, Suprintenden Simon Kauba husat i go stap long bung bilong Provinsal Asembli i tok, olgeta samting i go orait.

Em i tok olgeta asembli memba i stap. Gavana Wai tasol i no stap long dispela taim.

Mista Kauba i tok olgeta memba i sapatim Pater Ambane long kamap gavana gen na amamasim em.

Planti tausen pipel tu i bung aut-sait long Provinsal Gavman Haus aste long lukim dispela samting i kamap. Ol i bikmaus na patim han wantaim amamas taim Pater Ambane i kisim sia bilong em bek. Plis i bin was long dispela taim na olgeta samting i go gut.

PLIS RIPOT

Isten Hailans:

Foapela man i dai pinis na tripela i stap long Goroka beis haus sik bihain long wanpela birua bilong ka long las Sande.

Birua ya i bin kamap long Kainaatu insait long Isten Hailans provins.

Provinsel Plis Komanda bilong Isten Hailans Edward kinamun i tok foapela man we krismas bilong ol i stap namel long 20 na 25 yias i bin dai hariap taim ka i bungim birua. Ol bin stap insait long wanpela lenkrusa we i bin bam wantaim narapela trak we i lusim Lae na wok long go olsem long Hailans.

Mista Kinamun i tok draiva long lenkrusa i bin dring na spak draiv taim ka i bungim birua. Mista Kinamun i autim nem bilong foapela daiman olsem Simon Ken na Mekene Boati husat i gat 25 krismas. Na Koren Peter wantaim John Bonga tupela wantaim 20 krismas. Olgeta foapela daiman ya i bilong ples Bilimoia klostu long Kainantu. narapela tripela husat i kisim bikpela bagarap i stap nau long Goroka haus sik

Em i tok haiwe trak we i wok long go long hailans i bin karim piul na i bam wantaim dispela lenkrusa we spakman i draivim na bamim wantaim trak.

Lae, Morobe:

Wanpela plis sajen i bin kisim bagarap taim em i wok long ronim ol stilman long Bulolo las Fraide.

Provinsel Plis Komanda Superintenden Awan Sete i tok plis sajen i no putim yumifom long taim bilong birua tasol em i putim narapela klos na helpim ol plisman husat i ronim ol stilman klostu long wanpela setelmen taim wanpela man i sutim em wantaim naip long hansut bilong em. Man ya i ting olsem plisman em i wanpela raskol.

Mista Sete i tok faivpela yangpela raskol wantaim wanpela hom med sotgan i bin go na wokim holap long Jabanadi Holse manesa long samting olsem 6.30 pm.

Ol stilman ya i bin ronawe wantaim K22,861 kesmani na ol sek we stoa i bin kamapim in sait long wanpela de. Plis i bin holim pasim foapela saspek wantaim K16,126.82.

Long wankain taim, plis i holim pasim na sasim wanpela man Is Sepik long wanpela stilpasin we em bin wokim long 1996. Ol plis i bilip strong olsem man ya i bin stap insait tu long wanpela stilpasin we i bin karnap long 1996.

Mosbi, Nesenel Kapitel:

Plis i ripotim olsem pasin bilong ol raskol long stilim ka i go antap gen long Mosbi siti. Tu insait long tupela de, plis i painim bek sevenpela ka. Plis i bin painim wanpela ka we ol raskol i bin stilim long Kaugere, Sautwes Mosbi. Ol raskol i bin hensapim papa bilong ka las Sande apinun long Koki maket na kisim ka bilong em. Ol bin hensapim em wantaim tupela pistel na wanpela naip long pretim em na kiism ka long en.

Plis i bin painim tupela ka long ples Tubusereia long Magi haiwe na kisim ol i go bek long taun. Long narapela; ol raskol i bin hensapim wanpela man na kisim ka long en long Jabiru Draiv, Gordons las Sande. Plis i bin painim dispela ka long Golf Klab wantaim nogat bagarap long en. I bin gat narapela tupela pasin long hensapim ol man na stilim ka we plis i ripotim i kamap long Nain Mail las wiken. Plis i bin ronim ol raskol husat i bin stap long ka we ol i stilim na yusim na ol i kisim bek ka long Erima setelmen.

Bia blek maket bikpela long Westen Hailans

PETER MAIME i raitm

PLANTI lain i sakim lo na salim bia na ol strongpela dring long Westen Hailans.

Plis long provins i bilip i gat sampela bikpela bisnis man long provins i stap insait long dispela bisnis bilong salim bia na ol strongpela dring.

Ol man i save baim bia na ol strongpela dring olsem OP na gol kap spirit long Lae na putim long ol bikpela kontena trak na kisim i go long provins.

Westen Hailans em wanpela bilong ol hailans provins husat i gat tambu long salim bia na spirit. Ol ples i kisim tok orait long salim bia na spirit em ol

hotel we ol kastoma i ken kisim wantaim kaikai.

Ol narapela provins i gat tambu long salim bia na ol strongpela dring em Sauten Hailans, Simbu na Enga.

Isten Hailans em wanpela provins long hailans we ol pipel i ken kisim laisens long salim bia na spirit long ol klab na botol sop.

Bia na ol strongpela dring i nau pulap long Hagen siti na tu long ol distrik long Minj, Banz, Tabibuga na Nondugl.

Long Hagen siti, bia blak maket i kamap bikpela long Wara Kum, Nu Taun na Kalakai maket.

Kalai maket i stap klostu long

Kiminiga Plis Bareks na arere long Hagen hai skol. Ol man i save mikisim OP o gol kap wantaim Coca Cola dring na spak long maket.

Prais bilong wanpela botol OP o gol kap spirit em namel long K25 na K30.

Plis i bin mekim raid long sampela ples na bagarapim bia na ol strongpela drink. Ol tu i sasim ol man husat i salim ol dispela dring.

Tasol Provinsal Plis Komanda, Suprintenden Wini Henao i no amamas long sampela disisen bilong Distrik Kot.

Em i tok planti taim ol man husat i brukim lo i save peim kot fain long K500 na go fri. Em i

tok dispela K500 i no inap.

Mista Henao i laikim bai ol lain husat i brukim lo long karim bia na spirit long provins na salim mas go long kalabus. Na ol ka ol i yusim long trenspotim ol dring, em kot i mas kisim na givim i go long stet.

Em i autim bel hevi bilong em long Provinsal Gavman pinis.

Mista Henao i laikim bai ol lida long provins mas helpim plis long daunim dispela hevi bilong dring.

Em i tok, plis i mekim wok tasol ol i no inap long stap long olgeta ples long wanpela taim. Em i askim ol komyuniti long ples long wok bung wantaim plis long kamapim gutpela sindaun long ples.


PDM lusim Lasaro na makim Sir Mekere

SIR Mekere Morauta em nupela lida bilong Pipels Demokretik Muvmen (PDM) taim pati i bung long las wik Fonde na senisim olpela lida lairo Lasaro. Mema bilong Mosbi Wes Sir Mekere Morauta em wanpela olpela man insait long wok bilong fainens long dipatmen, PNGBC beng na bikpela beng bilong Papua Niugini Sentrel Beng bihain long em i kamap memba long 1997 nesenel ileksen. Long las wik, olpela PDM lida lairo Lasaro i tok em ino amamas long sampela man i wok long karim mani raun na i wok long traime salensim strong bilong PDM we em i sanap strong o nogat.

Mista Lasaro i tok em yet i wanpela lida husat i save laikim long mekim samting stret na tru na em i nogat kain mani olsem long karim raun givim long ol memba nabaut. Tasol bihain long ol memba bilong PDM i bung na mekim nupela lida, Gavana bilong Is Nu Briten provins Francis Koimanrea i tokim Wantok olsem PDM i sanap strong wantaim na ol bai sanap strong olsem yet. Bikos taim bilong vot i nogat bilip i kamap klostu long mun Julai, Mista Koimanrea i tok PDM i mas sanap strong wantaim bai ol i ken stap long Gavman.

Mista Koimanrea i tok maski lidasip bilong PDM i senis, ol i sanap strong wantaim na nogat man i bruk. Ol arapela lida bilong palamen i salim bikpela tok amamas bilong ol i go long Sir Mekere Morauta long kamap nupela lida bilong PDM. Lida bilong Pipels Progres Pati (PPP) Michael Nali i salim tok amamas bilong em i go long Sir Mekere na tok Sir Mekere em wanpela eksperiens man na em inap long mekim sampela gutpela wok long strongim kantri long ol hevi bilong en.

Mista Nali i tok pati bilong em PPP i lukluk fowet long bung wantaim Sir Mekere na pati bilong em long dispela taim bilong hevi insait long kantri. Lida bilong Yunaitet Risos Pati Roy Yaki tu i mekim wankain tok amamas bilong em i go long Sir Mekere long kisim dispela wok. Mista Yaki i tok Yunaitet Pati i redi long sanap wok bung wantaim PDM na PNG First long strongim kantri na mekim ol wok bilong kisim kantri i go fowet long ol taim nogut bilong en. Mista Yaki i tok taim ol lida i bung wantaim gut, ol i ken bungim strong na tingting long stretim ol hevi na nogut we i kamap long kantri na kamapim ol gutpela rot bilong kamapim gutpela helpim insait long kantri. Long dispela taim tu, PDM i tokaut long ol bai sanap strong yet wantaim ol lain bilong Prais Minista Bill Skate long holim yet Gavman long taim nogut na salens bilong vot i nogat bilip we inap kamap long mun Julai.



• 11-pela lain bilong Indonesia we ol paitman bilong OPM i holim na kalabusim long boda. PNG ami i bin go kisim ol.

Ol bisnis i haitim mani long ovasis, Vele i tok

YAKAM KELO i raitm

SAMPELA bikpela bisnis na kampani i wok long holim mani bilong ol i stap long ovasis beng we dispela i daunim strong bilong mani insait long kantri, Gavana bilong Sentrel Beng Morea Vele i tok.

Mista Vele i tokim ol niusmanmeri olsem bikos planti mani em ol bikpela kampani na bisnis i holim i stap long ol ovasis beng, dispela i daunim strong bilong mani (Kina) we i nogat inap mani insait long kantri long holim strong bilong mani i stap antap.

Strong bilong mani long kantri i pundaun olgeta olsem na Mista Vele i tok sampela bikpela kampani na bisnis i wok long pilai pilai long daunim strong bilong mani long kantri.

Mista Vele i tok em i no laik long tokaut long nem bilong ol dispela bisnis na kampani, tasol em i tok dispela em ol bikpela bisnis na kampani husat i save mekim bikpela mani.

Tasol Mista Vele i tok i nogat strongpela rot ol i ken mekim long pusim ol dispela lain long kisim mani i kam long kantri.

Long dispela as, Mista Vele i tok olgeta samting long sait bilong mani insait long kantri i hat. Olsem na wanpela bikpela rot tasol i stap em long Gavman i mas traime long kisim helpim o dinau i kam long arapela kantri o beng olsem Wol Beng, IMF na ol arapela.

Long dispela taim we i nogat mani i kam yet long ovasis helpim o dinau, Gavman i noken tromoi moa mani i go aut nabaut long ol wok na arapela samting. Gavman i no ken westim moa mani inap ol samting i go orait long bihain, Mista Vele i tok.

Tasol em i tok, ol dinau mani we Gavman i laik kisim long Wol Beng na IMF o Kredi Beng long Amerika bai i no inap kam yet inap mun Novemba na Desemba long dispela yia. Bikos i gat

sampela polisi toktok we ol beng ya wantaim Gavman i mas pasim gut pastaim long ol i ken givim dinau, Mista Vele i tok.

Ol niusmanmeri i askim sapos kantri bai i ron gut long nau inap Novemba o Desemba sapos strong bilong mani long kantri nau i wok long pundaun go daun olgeta. Tasol Mista Vele i tok, bai PNG i ron na stap laip yet. Kantri bai i no inap bungim hevi.

Mista Vele i askim Gavman long mekim plen nau long sait bilong pulim mani long longpela taim i kam bihain, na i no ken sut tasol long wokim mani hariap long sotpela taim tasol. Bikos wanem samting i kamap long Gavman long mun Julai, mipela olgeta i mas wok yet long lukautim kantri long dispela taim nogut we hevi i kamap pinis, em i tok.

Wanpela rot Gavana Vele i lukim em long Gavman long apim takis i go antap long kamapim inap mani bilong lukautim ol wok na ol eria bilong kantri i ron long en. Na tu Gavman i mas strongim ol eria we i save wokim mani bai ol dispela eria i ken pulim mani i kam long holim kantri wantaim long dispela taim nogut inap wanem taim ol samting i go orait gen, em i tok.

Mista Vele i askim ol dispela bikpela kampani na bisnis long wok wantaim Gavman na olgeta lain long kantri long bung wantaim na wok olsem wanpela komyuniti long stretim sindaun bilong kantri long dispela taim bilong hevi.

Em i tok wok bilong lukautim komyuniti i save kamap bihainim Gavman na ol lain husat tu i stap insait long bisnis long olgeta i mas wok wantaim.

Em i tok ol bai traime long kamapim lo we palamen i mas stretim long Sentrel Beng i ken gat pawa long kisim ol mani i stap long ovasis beng long i kam long kantri. Ol kampani na bisnis i ken luksave long dispela lo na bringim mani bilong ol i kam bek long kantri bihainim lo, em i tok.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea



Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Company Ltd.

General Manager and Group
Editor in Chief:
Anna Solomon.
Advertising Manager:
Mike Kanin.

Papers distributed by air
throughout PNG.
Available by air mail
subscription within
Papua New Guinea
and overseas
Email address:
word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

FRI BAIBEL KOS LONG PAS

I kam long wanpela pren
long America sapos yu
laikim fri kos salim nem
na adres igo long:

WOL BAIBEL SKUL
WBS - PNG 12, P.O. Box 9346,
Austin, TX 78766 USA.

Plis Komisina pinisim John Wakon long fos

PLIS Komisina Peter Aigilo i rausim olupela NCD Plis Komanda John Wakon long wok plisman bihain long em i bin plisman 24 krismas olgeta.

Mista Wakon i kisim pas bilong Komisina olsem em i pinis long wok plisman bihainim ol sampela pasin em i bin mekim bipo olsem komanda bilong NCD plis we i no bihainim rot na laik bilong ol bikbos bilong plis fos.

Tasol Mista Wakon i tok em i no klia tru long wanem gutpela as tru Komisina i rausim em long en na em i ting sampela samting i asua long mekim Komisina i rausim em long wok bilong em olsem plisman.

Mista Wakon i tok em bai kisim dispela hevi i go long kot.

Taim Mista Wakon i bin Komanda bilong NCD taim em i karimaut ol wok painimaut long ol bikman na sasim ol. Ol sampela bikman olsem Gavana bilong Westen Hailans Pater Robert Lak long sas bilong wokim pamuk vidio na slip wantaim yangpela meri krismas bilong em aninit long 16, Komanda bilong ami Jerry Singirok long sas bilong yusim ol ami na rausim Gavman, bos bilong Botanikel Gaden long Mosbi Justin Tkachenko long wokim pasin pamuk long narapela man, Praim Minista Bill Skate long sas bilong mani i paul long insurens kampani na ovasis lain, Cuzman famili husat i nogat gutpela pepa bilong stap hia long PNG.

Sas bilong Praim Minista Bill Skate i stap yet, Pater Robert Lak wanpela i klia pinis na narapela i stap yet, Komanda Jerry Singirok i stap yet, Justin Tkachenko i stap yet na ol dispela Cuzman famili tu.

Lida bilong Oposisen Bernard Narokobi i tok dispela pasin we Plis Komisina Peter Aigilo i pinisim John Wakon long wok i soim olsem bikpela hait pasin i stap bikpela tru long top level bilong Gavman i kam daun.

Mista Narokobi i tok em i kisim tingting olsem Plis Komisina i rausim Mista Wakon bikos long pasin em i bin mekim long traim kisim ol dispela lain bikman i go long kot long sas ol i mekim.

Olsem na Mista Narokobi i askim Plis Komisina long tokaut tru long wanem as na em i rausim Mista Wakon long wok bilong em olsem plisman.

Mista Narokobi i tok maski Mista Wakon i ken kisim dispela hevi bilong em i go long kot, dispela i no inap senisim tingting bilong olgeta manmeri bilong PNG olsem hait pasin bilong politiks tasol i pinisim Wakon long wok bilong em.

Olsem na em i askim Plis Minista Thomas Pelika na Plis Komisina Peter Aigilo long tokaut klia long olgeta pipel bilong PNG long wanem as tru tupela i bihainim long pinisim John Wakon long wok bilong em.

Bihain tasol long Mista Wakon wantaim ol plisman bilong em long Boroko i bin traim long sasim Praim Minista Bill Skate, Komisina Aigilo i saspensim em wantaim ol Task Fos plisman bilong Boroko plis stesin. Bihain long saspensin i pins, ol i kisim em igo bek long fos tasol em i wok long het kwata long Kone. I no longtaim na em i pinis long wok long dispela wik.

Mista Wakon i tok olsem taim Plis Komisina i bin saspensim em long wok bilong em olsem NCD Plis Komanda, em i save yet olsem bai ol i pinisim em olgeta long wok bilong em olsem plisman. Em i wok long tingim olsem yet i kam inap em i kisim samting tru long dispela wik.

Kantri i no noken pundaun long pait bilong politiks, Vele i tok

YAKAM KELO i raitim

WOK bilong senisim Gavman long vot i nogat bilip long mun Julai i noken paulim o daunim menesmen bilong wok bisnis na mani insait long kantri, Gavana bilong Sentrel Beng Morea Vele i tok.

Mista Vele i tok wok bilong lukautim mani na ol bisnis wok bilong kantri em bikpela samting tru we kantri bai ron long en. Olsem na pait bilong ol politiks i no ken tru tasim dispela samting bilong kantri.

Mista Vele i tok ol pipel bilong PNG na ol lida i mas save olsem Papua Niugini i stap insait long Esia rijon we hevi i bin bungim olgeta dispela kantri long sait bilong bisnis. Taim PNG tu i bin kisim dispela hevi we em i no inap salim gut ol samting long Esia rijon long wokim mani, strong bilong mani i stat long pundaun. Taim dispela hevi i kamap, PNG i bungim moa hevi we bikpela drai na ais i kukim ol provins insait long kantri. Planti kaikai i bagarap we ol manmeri i no inap salim long wokim mani na PNG i no inap salim wanpela samting bikos ol i bagarap long drai na ais olsem na i nogat mani i kam long kantri long holim strong bilong Kina long kantri, Mista Vele i tok. Olsem na level bilong ol kopi, kopra, kakao na arapela prodak we kantri save salim na mekim mani i pundaun long 1997, em i tok.

Tasol Mista Vele i tok long dispela taim bilong hevi we mani i wok long pundaun

long 1997 inap 1998, PNG i wok long strongim em yet gut i kam inap nau. Long dispela taim, ol wansolwara na Esia kantri husat i gat wankain hevi olsem PNG i stat long kisim dinau na helpim bilong Wol Beng na Intanesenel Monetori Fan (IMF) long strongim baset bilong lukautim ol.

Olsem na Mista Vele i tok inap nau, ol samting i go hat long dispela taim wantaim ekonomi (bisnis eria) na mani long kantri. Olsem na mipela i mas lukluk nau long kisim helpim i kam long ausait na taim yumi wok long traim painim mani long ausait, Gavman i ken stat long noken tromoi moa mani nabaut long ol wok na ol samting, Mista Vele i tok.

Ol Gavman lida na bikman bilong PNG i statim pinis ol toktok na wok wantaim ol ovasis beng olsem Wol Beng, IMF na Kredit Beng long traim kisim helpim wantaim dinau long stretim kantri long dispela taim nogut.

Gavana Vele i tok Papua Niugini i no inap pasim dua yet long ol bikpela ovasis beng olsem Wol Beng, Intanesenel Monetori Fan (IMF) na Kredit Beng.

Mista Vele i tok ol rot bilong toktok wantaim ol dispela beng long helpim Papua Niugini wantaim ol dinau mani i stap yet bikos ol wokman bilong Wol Beng na IMF bai i kam bek gen long PNG long stretim ol ripot na wok bilong ol long givim dinau mani long PNG.

Mista Vele i tok wanem Sentrel Beng na

Gavman i bai toktok yet wantaim ol dispela ovasis beng na wanem beng i kam pas na givim helpim long PNG, bai PNG i kisim. Tasol PNG bai traim tu long kisim olgeta helpim ol beng ya i givim long holim gutpela poroman bilong mipela wantaim ol long bihain, Gavana bilong Sentrel Beng i tok.

Sentrel Beng o Beng bilong Papua Niugini em bikpela beng insait long kantri we Gavman i lukautim na dispela beng i save holim olgeta mani bilong Papua Niugini.

Mista Vele i tok long nau yet, Wol Beng i wok long stretim ol ripot pepa bilong ol long stretim dispela askim bilong PNG Gavman long kisim sampela dinau mani long ol. Wankain tu, IMF beng bai salim ol wokman bilong ol i kam long mekim dispela ripot bilong ol na toktok wantaim ol bikman bilong kantri. Sampela liklik eria bilong stretim namel long tupela beng ya em ol polisi eria we i ken opim toktok na rot bilong mekim ol wok na wanbel i go orait long kisim dinau mani, Mista Vele i tok.

Mista Vele i tok tru kantri i sot long mani we strong bilong mani (Kina) i pundaun tru, tasol PNG bai i no inap bagarap inap wanem taim kantri i go orait gen.

Em i tok ol dispela dinau mani sapos Wol Beng na IMF o Kredit Beng i givim, bai ol i kam long mun Novemba o Desemba dispela yia. Tasol long namel taim nau, em i tok PNG i no inap pundaun o bungim hevi.

Lak na Pok tok ol i no inap lusim Skate


GAVANA Pater Robert Lak na Minista Fabian Pok i tok tupela i no bin bung wantaim sampela lain memba long mekim toktok egensim Praim Minista Bill Skate.

Tupela i tok grup bilong ol (hailans lidas) i bin kamapim dispela Gavman olsem na ol i no inap long daunim o brukim bagarapim Gavman we ol i kamapim.

Pater Lak i tok ol ripot we i kamap long nius olsem em i bin pasim tok wantaim Dokta Fabian Pok na sampela lain memba long salensim lida bilong ol Bill Skate i no tru.

Em i askim ol memba bilong pablik olsem dispela ripot i no tru na ol i noken tingting planti o toktok planti long dispela ripot we i no tru olgeta.


Pater Lak i tok dispela kain ripot we i bagarapim na daunim em bilong ol lida i kamapim bikpela kwesten tu long ol niusman we wanem sait em ol (niusman) i sanap long en long raitim ol stori



• Pater Robert Lak.

olsem.

Minista bilong Pablik Entaprais Dokta Fabian Pok i tok tu olsem dispela ripot i no tru bikos wanem samting long mekim senis long pati em samting bilong olgeta memba bilong pati long bung na toktok long en. Na i no wanpela o tupela memba long mekim hait.



• Dokta Fabian Pok.

Dokta Pok i tok em ino bin holim wanpela miting wantaim Pater Lak long wiken, olsem na dispela ripot i no tru olgeta.

Dokta Pok i tok pati bilong ol PNG First i sanap strong wantaim na ol bai sanap strong yet wantaim lida bilong ol Bill Skate.

Em i tok bikos long vot i nogat bilip we bai kamap long

Julai 28, neks mun, sampela nem na ol-namba i wok long kamap long ol grup na pati. Tasol long PNG First, ol memba i sanap strong wantaim yet.

Tupela bikman ya i autim bel hevi bilong tupela long nius-pepa ripot we i tok tupela i bin bung wantaim sampela memba long wiken long mekim sampela toktok we i kwestenim lidasip bilong lida bilong ol Bill Skate. Tupela tokaut strong olsem dispela ripot i no tru.

Praim Minista Bill Skate yet i no bin stap long mekim sampela toktok long dispela bikos em i go long Westen provins. Tasol tupela lida ya i tok ol i toktok wantaim Praim Minista pinis.

Minista bilong Revenu na memba bilong Madang Pasto Jacob Wama i tok ating ol i mas kamapim lo bilong kotim ol niusman husat ino raitim stret stori na bagarapim nem bilong ol bikman na lida.

TOTO

TORO SINDAUN LONG KONA BILONG P.M.V HAIWE TRAK NA LAIK GO LONG PLES!!! (KEREMA)

OL MAN I TOKIM EM LONG SINDAUN TASOL BACIA LES!!

HEY, TORO, SINDAUN!!

DRAIVAA! PUTIM LONG HAIGIA! FLAIIM!!

NAU OL I KAM KAMAP LONG WANPELA TRAIPELA HUL NA TRAK I BAM IGO AN-TAP!!

YAK!!

OL MAN I NO SAVE OLSEM TORO I HAP INDAI NA SILIP LONG ROT!!

TORO WE? NOKEN BISI!!

OL I NO BISI... OL I GO TASOL NA LUSIM TORO!!

WANTOK

NIUSPEPA BILONG YUMI OL PAPUA NIUGINI STRET

Bogenvil gavman i no bilong politiks

Bogenvil i gat gavman nau long stiaim ol pipel long strongim ol wok long kamapim bek gutpela sindaun na bringim developmen long ailan.

Bihainim ileksen ol i makim Joseph Kabui olsem presiden na man husat nau bai go pas long stiaim ailan na pipel insait long nupela gavman ol i kolim long Bogenvil Pipels Kongres. Kongres i olsem provinsel gavman we i stap insait long arapela 19 provins long kantri. Ol pipel i luksave long gutpela lidasip bilong em na ol i makim em long kamap kepten bilong dispela sip long Bogenvil. Wanpela gutpela samting we Kongres i wokim em long bungim wantaim ol grup we i bin stap insait long hevi na birua long taim bilong pait em long ol BRA, resistens, gavman na olgeta arapela pipel bilong Bogenvil yet. Olgeta pipel long ailan nau i amamas olsem ol i gat maus long makim ol long ol bikpela toktok wantaim Nesanel Gavman na long stiaim ol long ol samting we i kamap yet long ailan.

Kongres o gavman nau i mas lukluk long skruim ol wok long kamapim gutpela sindaun na stretim ples na tu strongim ol wok developmen insait long provins. Na i no long wok politiks. Politiks i ken kam bihainim taim sindaun i kamap gutpela, ol pipel i kisim gut sevis na ol pipel i gat rot long pulim mani long lukautim gut sindaun bilong ol na famili. Nau planti ausait dona eid ejensi bilong Australia, Amerika, Nu Silan, Yuropien Yunien, Yunaitet Nesens, ol sios na ol arapela helpim grup i wok long putim bikpela mani long helpim Bogenvil i kamap orait bek. I moabeta long Kongres i wok bung gut wantaim ol dispela dona ejensi na kantri na kamapim gut ol wok bilong restoresen na developmen long ailan. Insait long dispela tu, Kongres i mas lukautim gut mani we ol ovasis dona i givim bilong mekim ol wok.

WANTOK

NIUSPEPA BILONG OL PNG STRET

P. O. Box 1982, Boroko
Telepon namba: 325 2500
Feks namba: 325 2579

PE BILONG WANPELA YIA 52 NIUSPEPA

| PLES | AIR |
|-----------------------|-----------|
| PNG | K 60.00 |
| Ostrelia na Nu Silan | US\$46.00 |
| Esia Pasifik na Japan | US\$55.00 |
| Amerika na Yurop | US\$95.00 |

NIUGINI AILAN RIPOT WANTAIM VERONICA HATUTASI

Kabui kamap presiden bilong Bogenvil Gavman

BOGENVIL Revoluseneri Ami na Bogenvil Interim Gavman lida na tu ko siaman bilong Bogenvil Konstituen Asembli (BCA) Joseph Kabui i winim sia long kamap presiden bilong Bogenvil Gavman.

Dispela i bihainim provinsel ileksen we i bin pinis long las wik.

Ilkesen bilong Presiden na tupela vais presiden i bin kamap long Arawa las wik Fraide. Long Fonde, i bin gat ileksen bilong Spika na deputi.

Olpela Bogenvil Primia na ko siaman long BCA Gerard Sinato i bin resis long dispela posisen na Mista Kabui i winim em wantaim 77 vot. Mista Sinato i bin kisim 10 pela vot tasol.

Ol bin makim tu tupela Vais Presiden. Em long Thomas Anis husat pastaim i bin deputi primia bilong Bogenvil na i nominetet memba bilong BTG na Telebi Konstituensi memba James Tanis. Mista Anis i bin winim George Lessi, narapela bikman husat i bin resis long namba wan vais presiden sia. Tupela memba husat i bin resis long namba tu vot long sia bilong vais presiden em long Jonathan Ngati na Nick Peniaia.

Provinsel Ilektorel opisa Mathias Pihei husat i bin go pas long dispela ileksen i tok 87 memba i binm stap insait long ilkesen bilong ol eksekutyutiv bilong gavman bilong Bogenvil

ol i kolim long Bogenvil Pipel's Kongres.

Ol dispela husat i no bin stap long taim bilong ileksen em long man i makim ol resisten grup, foapela nesanel palamen memba bilong Bogenvil na grup bilong Francis Ona.

Mista Pihei i tok win bilong Kabui i gutpela na planti pipel i amamas long en i winim sia bilong presiden na lidim provins long ol toktok wantaim nesanel gavman long ol bikpela samting we i sut long Bogenvil na pipel bilong em.

Em i tok bikpela samting nau em Bogenvil i gat wanpela bodi o atoriti we ol i makim ol long provinsel na nesanel level na tu long sapotim ol wok long painim gutpela sindaun.

Mista Pihei i tok ailan bai i karimaut narapela bikpela ileksen long sampela taim i kam na llektorel Komisn bai i go pas long en.

Em bin kostim moa long K50,000 long karimaut dispela ileksen. Em i tok ileksen i bin go gut tasol hevi i bin kamap long sait bilong fanding taim ol i holim bek ileksen long wanpela wik bihainim sampela hevi namel long ol lida. Bikos long dispela, ol bin kisim moa poling opisa long helpim hariapim ileksen na bungim taim we ol bin makim ileksen long kamap insait long en.

BOGENVIL Revoluseneri Ami na Bogenvil Interim Gavman lida na tu ko siaman bilong Bogenvil Konstituen Asembli (BCA) Joseph Kabui i winim sia long kamap presiden bilong Bogenvil Gavman.

Dispela i bihainim provinsel ileksen we i bin pinis long las wik.

Ilkesen bilong Presiden na tupela vais presiden i bin kamap long Arawa las wik Fraide. Long Fonde, i bin gat ileksen bilong Spika na deputi.

Olpela Bogenvil Primia na ko siaman long BCA Gerard Sinato i bin resis long dispela posisen na Mista Kabui i winim em wantaim 77 vot. Mista Sinato i bin kisim 10 pela vot tasol.

Ol bin makim tu tupela Vais Presiden. Em long Thomas Anis husat pastaim i bin deputi primia bilong Bogenvil na i nominetet memba bilong BTG na Telebi Konstituensi memba James Tanis. Mista Anis i bin winim George Lessi, narapela bikman husat i bin resis long namba wan vais presiden sia. Tupela memba husat i bin resis long namba tu vot long sia bilong vais presiden em long Jonathan Ngati na Nick Peniaia.

Provinsel Ilektorel opisa Mathias Pihei husat i bin go pas long dispela ileksen i tok 87 memba i binm stap insait long ilkesen bilong ol eksekutyutiv bilong gavman bilong Bogenvil

ol i kolim long Bogenvil Pipel's Kongres.

Ol dispela husat i no bin stap long taim bilong ileksen em long man i makim ol resisten grup, foapela nesanel palamen memba bilong Bogenvil na grup bilong Francis Ona.

Mista Pihei i tok win bilong Kabui i gutpela na planti pipel i amamas long en i winim sia bilong presiden na lidim provins long ol toktok wantaim nesanel gavman long ol bikpela samting we i sut long Bogenvil na pipel bilong em.

Em i tok bikpela samting nau em Bogenvil i gat wanpela bodi o atoriti we ol i makim ol long provinsel na nesanel level na tu long sapotim ol wok long painim gutpela sindaun.

Mista Pihei i tok ailan bai i karimaut narapela bikpela ileksen long sampela taim i kam na llektorel Komisn bai i go pas long en.

Em bin kostim moa long K50,000 long karimaut dispela ileksen. Em i tok ileksen i bin go gut tasol hevi i bin kamap long sait bilong fanding taim ol i holim bek ileksen long wanpela wik bihainim sampela hevi namel long ol lida. Bikos long dispela, ol bin kisim moa poling opisa long helpim hariapim ileksen na bungim taim we ol bin makim ileksen long kamap insait long en.

Kavieng plis holim narapela Nazdab stilpasin saspek long provins

Plis long Kavieng i holim pasim wanpela saspek husat i bin stap insait long K495,000 stilpasin we i bin kamap long Nazdab ples long Lae, Morobe provins las mun. Eking Provinsel Plis Komanda Paul Ari i autim nem bilong em olsem Karao Airi Willie husat i gat 26 krismas na em i kam long Tapini, Sentrel provins. Em i tok plis i bin holim em long ples Manuai we saspek i bin stap wantaim wanpela Kerema famili. Ples Manuai em i stap 2 awa draiv longwe long Kavieng taun.

Mista Ari i tok plis i no bin painim wanpela samting long haus we saspek i bin stap long en. Plis i bin holim pasim man ya long las wik Tunde, Me 25 bihain sampela lain i putim ripot long ol plis. Long dispela wik Mande, plis i bin kisim man ya i go long Lae we bai ol i sasim em. Dispela em namba

faiv man plis husat i stap insait long Nazdab ples balus stil pasin na plis holim pasim. Insait long tupela wik, ol i holim na sasim tupela saspek long Lorengau, Manus provins, wanpela long Lae na wanpela long Mosbi. Na long las wik, dispela man Gollala long Kavieng.

Bihainim ol ripot, ol stilman i wok long ronawe long ol ples longwe olsem long ol Niugini Ailans bilong abrusim lo na plis tasol ol nogat eskep bilong ol.

Em i tok long dispela wik Mande tu, tupela man i bin paitim narapela man na kamapim bagarap long en. Birua ya i bin kamap long ples Kopkop insait long wes kos Karanali. Man ya i bin wokabout long nait na tupela man i biruaim em. Plis i bin kisim man wantaim bagarap i go long Kavieng haus sik

long kisim marasin. Mista Ari i tok Nu Ailan i stap kwait na gutpela tasol, nogat bikpela meknais. Ol pipel i stap isi na wokim ol wok insait long ol wan wan komyuniti bilong ol.

Em i tok komyuniti plis i wok gut long Nu Ailan na em i amamas long Plis Komisina long strongim dispela kain wok bung namel long ol komyuniti na plis bilong lukautim lo na oda insait long ol ples, komyuniti na provins.

Em i tok ol samting long provins i stap gut, nogat bikpela meknais, birua long solwara na ol arapela hevi moa. Em i tok long dispela wik, moa long 2,000 memba bilong Seven de Sios i bung long ples Kopkop long wokim kem bung bilong ol we bai i kisim tupela wik.



IS NU Briten Kaunsil ov Wimen i gat nupela presiden

Nem bilong en em long Ledi Nerrie Tololo. Misis Tololo i bin winim narapela tupela kendidet long ileksen we ol bin holim las wik long makim ol nupela eksekutyutiv long Kaunsil. nem bilong tupela em long Rachela Panako na Louisa Talai.

Wanpela samting we nupela presiden i laikim long kamap nau em long karimaut ol wok plen long kamapim developmen bilong ol meri long provins. Tasol long wokim dispela, pastaim i mas gat wanpela meja rivyu long ol operesen na ol prosek we bai i glasim ol samting we ol meri long provins i laik mekim kamap. Ledi Tololo i amamas long sevim ol meri long provins bilong em. Em i laikim ol meri i kamap olsem ol ikwal patna insait long ol wok developmen long provins wantaim ol man.

"Em i tru olsem ol meri long Is Nu Briten i bin stap insait long ol wok developmen insait long provins.

"Is Nu Briten Kaunsil bilong ol meri i gat histri long stap insait long ol wok bilong mekim ol disisen long sait bilong politiks, sosel na ol ikonmik isu long provins," Misis Tololo i tok.

Em i tok em i amamas long lukim olsem ol meri long provins i luksave long ol samting na ol developmen we i wok long kamap long sait bilong politiks insait long ol liklik komyuniti bilong ol.

Tasol em i tok i gat nid long kirapim gaidlain we bai i pulim sapot long kisim ol meri i go insait long ol wok developmen long provins.

"Ol meri i gat bikpela salens long wok hat moa long dispela taim, moa yet, taim wok mani long PNG i go daun nakantri na pipel i wok long bungim hevi. Salens i stap long yumi ol meri long wok hat long lukautim ol famili insait long Is Nu Briten," Ledi Tololo i tokim ol meri.

"Yumi ol meri i noken slek tasol muv fowod wantaim taim long lukautim ol wok insait long famili na sosel sait wantaim gutpela tingting, loyelti na luksave na kamp olsem ol gutpela rol modul insait long ol komyuniti," Ledi Tololo i tok. Em i tok gavman i mas senisim ol mauswara we i wokim long planti taim long ol meri bikos dispela i stapim ol meri long stap insait long ol wok developmen bilong kantri.

"Dispela i kamp bikos ol man i no luksave long ol tingting na aidia bilong ol meri husat i save mokeim ol gutpela disisen insait long sosaiti," Ledi Tololo i tok. Em i tok wantaim sapot bilong Lokol Level Gavman, ol meri long Is Nu Briten bai inapim gol bilong ol na helpim gut ol meri long provins long ol projek na ol arapela samting we ol i laik wokim na kamapim.

MOMASE RIPOT

Gavana Tekwie amamas long Fri Tred Jon

FELIX RAMRAM i raitim

DRIMAN bilong Saundaun Gavana John Tekwie em long lukim Sandaun provins i kamap namba wan provins long sanap longlek bilong em yet wantaim nogat wari bilong mani long bringim kamap ol sevis na wok developmen.

Siaman bilong Helt na Presiden bilong Wutung Onei Lokol Level Gavman Kaunsil Patrick Muliale i mekim dispela toktok taim em i makim Gavana Tekwie long opim wanpela venia plaimil (plaiwut somil) long Sandaun provins las mun.

Insait long pepa Gavana Tekwie i raitim, Mista Muliale i ritim olsem Gavana i sutim tok tu long olpela lida bilong bipo we ol i save toktok tasol long kirapim ol kain wok olsem we ol pipel i ken mekim wok na kisim helpim insait. Tasol i nogat kaikai i kamap long ol toktok bilong ol lida bilong bipo.

Sandaun i wanpela provins wei nogat gutpela na trupela developmen. Olsem na strongpela bilip bilong mi i stap long ekonimok developmen na dispela i ki bilong ol gutpela wok kamap insait long provins, pas bilong Gavana


Tekwie i tok.

Mista Tekwie i tok em i no inap sindaun na wetim Nesenel Gavman long givim em kaikai long spun olgeta taim. Mi bilip tu olsem bikpela asua long i nogat inap developmen insait long provins i stap long wanwan politisen bilong Sandaun na i no long Gavman tasol, Mista Tekwie i tok.

Mista Tekwie i tok tru provins i bungim ol bikpela taim nogut, em i mas mekim tok tenkyu i go long Nesenel Gavman long tokorait long astingting bilong em long mekim Sandaun provins i kamap Fri Tred Jon. Na dispela em wanpela rot bilong strongim na kirapim gut ol wok bisnis na invesmen i kamap gut insait long provins.

Lida bilong Sandaun i mekim bikpela tok amamas i go tu long menesmen bilong Vanimo Fores Prodak long luksave na kirapim dispela projek insait long Sandaun provins.

Mista Tekwie i tok olgeta hevi we ol i bungim bipo bai pinis sapos ol pipel i ken gat olgeta rot bilong wokim bisnis na pulim mani. Na long kisim dispela, wanpela rot tasol em long gat gutpela na strongpela ekonomik we olgeta manmeri i ken kisim kaikai long en.



• Memba bilong Angoram Arthur Somare i givim sek mani, K900,000 bilong Angoram ilektoret i go long Is Sepik Gavana Sir Michael Somare. Foto: Joe Ivaharia.

11-pela amputi long Aitape kisim ol giaman lek

ADAM ELLIOT i raitim

KATOLIK Daiosis long Aitape Rihabilitesen Komiti i no slek long traim helpim ol lain husat i bin bungim hevi long Aitapelsolwara las Julai.

Long las wik, 11 pela pipel husat i bin lusim ol lek na han bilong ol (amputi) long dispela hevi i bin kisim ol nupela giaman lek. Long tupela lek we wan wan man i kisim, wanpela i bilong helpim ol long ol kain wok olsem pilai, wok na narapela i bilong helpim ol long ol isipela wok.

Callan sevis long Wewak na Angliken Sios long PNG i bin givim sampela mani na Rihabilitesen Komiti i kisim Nesenel Otopedik na Prosetiks Sevis long mekim ol giaman lek na putim long ol lain husat i bin lusim ol lek long taidel wev disasta.

Long las mun yet, ol lek i bin kisim namba wan eksasais bilong ol insait long wanpela danis we komiti i bin karimaut long Pater Antonine Senta long Aitape yet. Danis i bin go gut tasol na nau ol lain i kisim ol nupela lek i go pinis long ol famili bilong ol. Em i save kisim tupela wik long putim nupela giaman lek long ol amputi.

Taim ol amputi i stap long Aitape, ol i save stap long wanpela domitori i gat 12-pela rum long en. Caritas i givim fandim long sanapim dispela haus na Aitape Daiosis Rihabilitesen Komiti i bin wokim.

Sen Antonine senta em ol i plenim na wokim

na i gutpela ples bilong ol amputi long stap na eksasais long strongim lek bilong ol. i gat ol simen rot long wok-about long wanpela bilding i go long narapela na i isi long ol lain wilsia na ol amputi long wokabout long en. Ol sevis long haus sik na ol kaikai we ol amputi i kisim em Caritas yet i peim.

Wanpela bikpela bilding long senta ya em i bilong rihabilitesen o givim skul long ol lain i bungim hevi long ol bodi bilong ol, tingting, laip na sindaun bihainim taidel wev hevi. Eksasais rum bai i gat long en ol eksasais wilwil, ol bearing long ol man long karim long weti lifting na ol arapela masin long strongim masel long en. Ol masin ya bai i helpim ol amputi long strongim bodi na tingting bilong ol. Ol i wokim pinis haus bilong ol nes, fisioterapis na ol i wokim yet ol arapela moa bilong karimaut ol rihabilitesen wok.



• Liklik Nakai i amamas long wilsia bilong em taim Dokta Patrick Moon i lainim em long yusim.

Angoram ilektoret kisim K900,000 long Rurel Developmen

FOAPELA distrik insait long Is Sepik long dispela wik i kisim klostu K1 milien long opis bilong Rurel Developmen bilong karimaut ol woks program insait long wan wan distrik bilong ol.

Angoram memba Arthur Somare husat i bin putim askim long dispela mani i bin kisim ol fanding ya i tok aut long dispela samting.

Mista Somare i amamas long gavman i sapatim ol projek bilong em na givim dispela mani i go long Rurel Developmen lain long givim i go long en.

Long stat bilong dispela yia, Mista Somare i bin lonsim Angoram Distrik program long

traim helpim ol rurel pipel long strongim wok bilong groim ol kes krop we ol i ken salim na kisim mani long en.

Em bin kisim dispela tingting long kirapim projek taim em i lukim olsem ol gavman sevis i no go gut long ol rurel eria. Na aninit long dispela projek ol ken wokim mani na peim ol sevis we gavman i no inap givim long ol. Mista Somare i bin raun na lusim sampela taim long Angoram taim em i kisim tingting long dispela projek.

Opis bilong Rurel Developmen i bin givim K900,000 long Mista Somare na dispela bai i go long stretim ol rot, bris samting long

Wewak, Ambunti, Angoram na Wosera/Gawi distrik. Wewak bai kisim K340,000 taim Wosera/Gawi i kisim K200,000 long karimaut sevei na stretim Yambi rot.


Ol i katim narapela K200,000 long Ambunti/Dreikikir rot na K160,000 long rot long Gavien Raba Skim eria.

Memba bilong Angoram i tok ol pipel bilong Is Sepik em ol lain bilong hatwok na sapos ol rot i stret, em bai mekim isi long ol bilong painim mani na sapatim ol yet na ol famili. Mista Somare i bin givim dispela mani i go long Is Sepik Gavana, Sir Michael Somare.

BIG

HI-WAY

BEER



Paradise

Kaunseling progrem long helpim ol Aitape taidel wev lain i go gut

ADAM ELLIOTT i raitim

KATOLIK Daisios bilong Aitape long Sandaun provins i go het long karimaut tripela yia kaunsila trening progrem long helpim stretim laip na sindaun bilong ol pipel bihain long ol hevi ol bin bungim long Aitape taidel wev las yia.

Ol pipel insait long ol komyuniti i wok long kisim kaunseling trening long helpim ol lain we i bin bungim hevi long tingting, bodi na laip bilong ol. Sampela pikinini i bin lusim ol papamama, ol arapela i lusim ol pikinini, meri na ol memba long famili bilong ol. Ol lain i wok long kisim trening na go bek long ol komyuniti bilong ol na yusim save long helpim ol pipel bilong ol.

Pascal Waisi em i kodineta bilong Wok Sambai senta. Em i tok bikpela samting em ol pipel i luksave long pasin kaisa bilong wanpela arapela na ol i pilim fri long skruim toktok i go.

Wanpela hevi ol i bungim em ol i

sot long ol kaunsela i gat trening bilong skulim ol arapela. Olsem na ol i putim askim i go long ol arapela provins na ol grup olsem PNG Kaunsel ov Sios na Divain Wod Yunivesiti long givim helpim wantaim ol save kaunselas.

Pascal i tok planti lain i gat ol hevi na taim sampela i wok long kamaut na toktok na autim ol wari na hevi bilong ol, sampela i no kam fowed long toktok.

Ol bagarap na hevi we taidel wev i bin kamapim i bikpela na nogut na ol pipel we i bungim hevi i mas kisim helpim long kamap orait. Na klostu wanpela yia bihain long birua, ol hevi i stap klia yet.

"Ol pipel i wok long painim ol arapela rot long traim daunim hevi insait long laip bilong ol. Sampela i wok long belhat nating na sutim tok long ol arapela pipel taim tru, i nogat man bilong sutim tok long en. Sampela i wok long tok kros long Bikman Antap long kamapim dispela taidel wev birua," Pascal i tok.

Em i tok sampela i wok long sutim tok long ol arapela long ol hevi we ol i bungim insait long ol



• Ol pikinini long kea senta long Aitape

kea senta.

"Bai i olsem long ol lain i bungim kain hevi na tingting bilong ol i no stret long sutim tok long ol arapela," Pascal i tok.

"Olsem na long kaunseling wok, mipela i traim long givim simpel tok klia olsem long sait bilong saiens long as bilong taidel wev.

Mipela i laik mekim klia long ol

pipel olsem i no man o bom i kamapim taidel wev. Bikos planti i wok long givim rong piksa na toktok long ol pipel na ol iwari, pret na belhat nating.

Tasol Pascal i tok bihain taim bilong troma kaunseling progrem i luk gutpela na mipela i gat tripela krismas long karimaut progrem. Na sapos progrem i go gut, bai ol i

go het long karimaut insait long komyuniti.

"Wanpela man i makim Wol Helt Ogenaisesen i bin kam long hia na em i amamas na luksave long wok mipela i wokim.

Na i luk olsem bai mipela i kisim sapot long developim dispela projek i go long rijinel trening progrem," Pascal i tok.

Pes Peris ranim woksop bilong ol meri

JOHN MOIPU i raitim

PES Peris insait long Aitape daisios i bin holim wanpela woksop bilong ol meri long kirapim tingting bilong ol long kisim gutpela luksave long ol hevi we ol (meri) i bungim tude.

Dispela em ol samting olsem pasin bilong bagarapim meri, tromoim ol toktok nogut long ol paitim nogut ol na daunim na bagarapim

laip na sindaun bilong ol.

Moa long 25 meri i bin stap insait long dispela woksop. Woksop i skruim gut tingting bilong ol na ol i pilim olsem ol inap long wok wantaim ol mama na ol yangpela meri insait long ol wan wan ples bilong ol.

Tupela risos man na meri i bin kam long Mosbi na toktok long sait bilong lukautim ol meri egens long domestik vaiolens o pasin bilong papaitim na kilim hap indai meri na pasin bilong bagarapim meri (reip).

Tupela meri long kraisias senta bilong ol Is Sepik Kaunsel ov Wimen i bin go givim toktok long domestik vaiolens.

Ol meri husat i bin kam long woksop i tok dispela kos i helpim ol gut tru na ol bai helpim long bringim dispela save i go long ol meri husat i stap long ol ples na ol kea senta. Dispela woksop em i hap bilong Daisios bilong Aitape Rihabilitesen Komiti long helpim ol meri husat i bin kisim bagarap long bikpela birua we taidel wev i bin kamapim long Julai las yia.

Aitape na Bogenvil bisop kisim blesing long Julai

PETER MAIME i raitim

TUPELA nupela Katolik bisop bilong Aitape na Bogenvil Daisios bai kisim blesing bilong ol long kamap bisop long neks mun.

Pater Austen Crapp bai kisim blesing bilong em long kamap bisop bilong Aitape na Pater Henk Kronenberg bilong Bogenvil.

Pop John Paul 2 i makim tupela long kamap bisop long

mun Epril long dispela yia. Pater Crapp bai kisim blesing bilong em long han bilong Asbisop Benedict Torvapin bilong Madang. Narapela tupela bisop husat bai helpim Asbisop Torvapin em Asbisop bilong Pot Mosbi, Brain Barnes na Bisop Stephen Reichert bilong Mendi Daisios.

Pater Kronenberg bai kisim blesing bilong em long Asbisop Karl Hesse bilong Rabaul. Narapela tupela bishop husat bai helpim em, em Bisop Ambrose Kiapseni bilong Kavieng na Asbisop bilong Honiara, Solomon Ailan, Andrian Smith.

Long lo bilong Katolik Sios,

tripela bisop mas oltaim stap wantaim na givim blesing long wanpela nupela bisop.

Ol narapela bisop bilong kantri tu bai go na lukim dispela bikpela de bilong tupela nupela bisop bilong sios.

Pater Crapp bai kisim blesing bilong em long 11 Julai long Santu Igantius hai skul long Aitape.

De bilong Pater Kronenberg bai kamap long 14 Julai long Buka Ailan.

Planti Katolik manmeri bai kam long bikpela lotu bung long de bilong odensesin long tupela daisios.

Pater Crapp bai kisim ples bilong Asbisop Barnes husat i lusim Aitape na i go long Mosbi. Pater Crapp i wok olsem edministreta bilong Aitape Daisios taim Pop i makim em olsem bisop.


Pater Kronenberg i bin wok olsem Jenerel Sekreteri bilong Katolik Bisop Konfrens long Mosbi bipo long em i kisim tok long Rom long kamap nupela bisop bilong Bogenvil.

Em bai kisim ples bilong Bisop Gregory Singkai husat i bin dai long sampela yia i go pinis.

Tu minit tingting

God i hait i stap we?

TU MINIT TINGTING



FRANK MIHALIC i raitim

bek na kapsaitim long hul.

Sen Augustin lukim em i mekim olsem, na em i askim boi ya, "Liklik boi, yu mekim wanem pilai?"

Liklik boi i bekim tok, "Mi laik kapsaitim ol dispela solwara i go daun insait long dispela liklik hul long wesana...na bai mi pinisim solwara."

Sen Augustin i harim dispela na em i lap i stap...na em i ting, "Olabo! Mi tu mi mekim wanpela longlong wok."

Mi laik pulimapim bikpela God insait long liklik het na tingting bilong mi. Mi longlong stret, ya."

Ating sampela taim yumi wan wan i gat dispela wankain wari tu. Yumi save askim olsem, "God em i wanem samting tru? Em i wanem kain samting? Em i stap we? Bilong wanem na mi no inap lukim em?"

Nogut yumi ting olsem: bikos mi no lukim God, ating em i no stap. Sore. Yu no inap lukim win; tasol em i stap. Yu no lukim hangre, tasol em i stap.

Yu no lukim wanpela tingting, tasol em i stap - nau tasol. Sapos yu paitim pinga wantaim hama,

yu no inap lukim pen.

Tasol em i stap.....yu pilim em. Yu no inap lukim sol bilong yu, tasol bikos em i stap, nau tasol yu inap rit.....

Harim! Planti taim yumi no lukim wanpela samting long ai, tasol yumi inap lukim mak bilong en....na yumi save em i stap. Sapos yumi lukim lek bilong pik, yumi save pinis: wanpela pik i stap klostu.

Sapos yumi lukim gaden i gat banis, yumi save olsem: man i stap. Sapos yumi lukim bilum i hangamap long diwai na bebi i stap insait, yumi save: wanpela meri i stap. Sapos yumi lukim smok, yumi save olsem: paia i stap.

I wankain tasol long God. God wanpela tasol em inap wokim laip. Olgeta samting i gat laip i soim pawa bilong God. Laip em i mak bilong God i stap.

Nau yu lukluk nabaut na lukim ol lip na plawa na wailabus na binatang na pis na man na meri na bebi. Olgeta wan wan i soim olsem: God i stap. Em i stap insait long yu yet. Yu no ken lukluk i go longwe.

LONG wanpela de Sen Augustin, em wanpela bikpela saveman bilong bipo, em i wokbaut long nambis.

Em i wok long brukim het na tingting strong long dispela samting: God Triwan em i wanem samting?

Orait, em i lukim wanpela liklik boi i mekim wanpela pilai. Boi ya i digim wanpela hul long wesana na nau em i kisim liklik baket bilong em, na em i go i kam long solwara, na oltaim em i pulapim wara long baket na bringim i kam

Bikpela SDA Sios kem bung long Kavieng

Moa long 2,000 memba bilong Seven De Ewentis Sios long Nu Ailan, Is Nu Briten na Kimbe i stap insait long tupela wik bung long ples Kopkop klostu long Kavieng taun.

Ol sios memba i stap insait long wanpela sios kem we ol i holim long Malagan So graun long ples Kopkop. Wanpela Pasto Prisa bilong Alaska, Pasto Ringring na famili na lain bilong em i stap long dispela bung na em i lidim ol sios memba long dispela tupela wik bung.


Ol toktok i kam long Kavieng i tok ol lain husat i stap insait long kem i putim ol tent na slip na pre long so graun ya. Ol i karimaut ol yut, meri na welfea progrem na tu

ol preai bung na sesen insait long dispela tupela wik.

Ol i karimaut tu ol inhaus progrem bilong ol yet we i sut long ol samting bilong sios long strongim bilip bilong ol sios memba yet.

Ripot i tok komyuniti polising i helpim tru long lukautim sefti, lo na oda long ol kem memba. Ol kem lain yet i bin kisim ol komyuniti plis bilong ol yet i kam tasol ol plis tu i stap sambai na wok bung wantaim ol long lukautim komyuniti i abrus long ol lo na oda hevi insait long tupela wik.

Dispela wik em i namba wan wik bilong kem na i kam inap nau, olgeta progrem na stap na sindaun bilong ol kem memba i go gut tasol, ripot i tok.



Hailans Nius

Ol spakman bungim indai

PETER MAIME i raitim

FOAPELA man i bin indai na tripela i kisim bikpela bagarap na nau i stap long intensiv kea yunit long Goroka haus sik.

Dispela birua i bin kamap long las Sande bihain long ol man ya i drink spak i go tulait.

Ol dispela 7-pela man i raun long wanpela foa wil draiv ka long Kainantu i go olsem long Yonki na bam long wanpela traipela haiwe trak.

Draiva na tupela man i stap long ol sait bilong em wantaim wanpela long baksait i bin dai long taim bilong eksiden.

Provinsal Plis Komanda bilong Isten Hailans, Edward Kinamun i tok driva i lus kontrol na go bam long sait

bilong dispela bikpela trak.

Olgeta man husat i dai na kisim bagarap i bilong Kainatu distrik.

Mista Kinamun i mekim strongpela toktok i go long pablik long noken spak na draiv long haiwe. Em i tok sapos ol plis manmeri i bungim ol dispela kain lain, ol baj kisim hat taim.

Nau em taim bilong kopi na planti mani i ron long hailans. Mista Kinamun i tok ol pipel mas savim mani long mekim sampela gutpela samting na noken pinisim long dring spak.

Em tu i tok olsem nau planti lain long hailans i go na i kam long Lae. Dispela kain pasin bilong dring na draiv i ken givim birua long pablik husat i lod long bas na raun long haiwe.

Ol plis haiwe patrol i oltaim raun long mekim rot i sef long pablik.

Planti kamap long Goroka VAT bung

FRANCO NEBAS i raitim

MOA long 4000 pipel long Isten Hailans i kamap long Goroka Nesenel Pak long witnessim lonsin bilong VAT kempen na fan raisin.

Gavana bilong Morobe, Luther Wenge i bin opiseli lonsim dispela kempen na fan raisin long Fraide las wik.

Ol bikman na meri husat i bin kamap tu long dispela bung em,

Gavana bilong Isten Hailans, Damson Lafana, Lod Meya bilong Goroka taun, Michael Gotaha, Maus meri bilong Isten Hailans Wimens Kaunsil, Julie Soso Akeke, Nesenel Yunion Studen Presiden, Daigo Kumulgaul wantaim Goroka Yuniversiti Studen Presiden, Simon Gesip.

Nesenel Siaman bilong Anti-VAT, Roy Miringke i tokim Wantok olsem olgeta manmeri na lida bilong ol i givim bikpela sapot tru long Gavana Wenge long stapim dispela nupela takis lo.

Em i tok, "olgeta pipel i soim bikpela sapot tru long rausim dispela nupela takis lo.

"Ol i tok Praim Minista, Bill Skate i tok long surikim taim bilong dispela lo na bai gavman bilong em i skelim gut. Em maski, dispela lo mas rausim long wanem bai bikpela bagarap i kisim mipela ol liklik manmeri," Miringke i tok.

Long dispela taim Gavana Lafana i givim K10,000 i go long dispela kempen.

Gavana Lafana i tok, "Isten Hailans em hap Morobe na hap hailans olsem mipela i no ken lukim brata bilong mipela yet sanap na pait, mipela mas helpim tu."

Lod Meya bilong Goroka taun, Mista Gotaha, tu i tok bai givim

K5,0000 long seken kwata baset bilong em.

Tupela lida wantaim i singaut i go long olgeta pipel long Isten Hailans long sapotim Gavana Wenge long stapim dispela nupela takis lo.

Long wankain taim, tupela sumatin lida tu i tok, ol sumatin bai givim bikpela sapot tru long rausim dispela lo taim gavman i sindaun long Julai.

Mama i go pas long ol meri, Misis Akeke i tok, ol meri mas sapot long wanem, taim dispela lo i kamap, ol mama bai kisim taim stret.

"Taim ol man bilong yupela i go westim mani long spak nambaut na kam bek painim olsem nogat mani bilong kaikai, em hevi bai kamap.

Pikinini nogat kaikai, i no inap go long skul. Dispela em sampela hevi bai yumi bungim so yumi mas sapot long rausim dispela lo," Misis Akeke i tok.

Gavana Wenge i mekim bikpela tenkyu i go long ol pipel bilong Isten Hailans na i tok mani bilong ol bai karim kaikai bilong em.

Mista Wenge i mekim wankain raun bilong em i go long Madang long Sarere na i go bek long Lae.

Bihain long dispela bai em i go long Niugini Ailans, Popodetta na Sentrel Provins.



• Gavana bilong Westen Hailans, Pater Robert Lak i sekan wantaim ol singsing grup lain long wanpela pablik rali bilong em long Hagen taun.

Fomim gavman bai las minit-Waieng i tok

MEMBA bilong Kundiawa-Gembogi na Minista bilong Difens, Peter Waieng i gat bikpela bilip olsem long PNG politiks, gavman i save senis long las minit.

Em i tok dispela em we bilong politiks long PNG. Em i tok olgeta samting bai kamap ples klia taim ol memba i bung long floa bilong palamen.

Dispela em tingting bilong Mista Waieng long ol toktok nau i raun long kantri olsem oposisen bai putim wanpela vot i nogat bilip long gavman bilong Praim Minista, Bill Skate.

Em i tokim ol niusman long dispela

samting long Mande.

Mista Waieng i tok, nau ol memba na politikel pati i wok long toktok wantaim ol narapela memba na pati.

"Olgeta i toktok wantaim olgeta lain. Em wanpela samting mi pret," Mista Waieng i tok.

Em i tok ol memba nau i save bung long ol hotel, holim longpela miting na toktok long mobile telepon. Sampela ol memba bipo ol i no save bung, nau ol i wok long raun wantaim.

Em i tok ol memba long gavman na oposisen nau i wok long toktok long narapela narapela.

Em i tok long dispela taim tu, mani

i save i go na i kam long baim ol memba long kamapim namba long fomim gavman.

Mista Waieng i askim, taim i rait long sensim gavman o nogat? Sapos wanpela nupela gavman i kam, bai strongim mani na ekonomi bilong kantri o kisim pasin bilong bipo na sutim tok long olpela gavman?

Em i tok olgeta lida nau wok long toktok long sensim gavman long neks mun, na ol i no wari long ronim na lukautim gut kantri.

Em i tok dispela gavman bilong Skate i stap strong na bai hat long rausim.

OL pipel long Apa Mendi, Apa Karinz na Lai Veli bai kisim pawa saplai i go long ples bilong ol.

Memba bilong Mendi, Michael Nali i tok, dispela em nambawan taim ol lain long ol dispela ples bai kisim pawa na em i askim ol long redi long dispela prosek.

Em i mekim dispela toktok bihain long em i bin givim K2000,000 i go long PNG Ilektrisiti Komisin (ELCOM) het opis long Pot Mosbi long dispela wik. Dispela prosek i kam aninit long rurel ilektrifikesen program.

Mista Nali i tok, dispela em gutpela sans long ol pipel husat i papa bilong ol tred stoa o i laik

kirapim wanpela. Ol i ken kisim pawa saplai long salim hot kaikai na kol dring long sevim ol kastoma long viles na ol lain husat bai ron long rot.

Em i tok dispela prosek bai i helpim sindaun bilong ol pipel long ples na em i askim ol pipel long lukautim na yusim gut dispela sevis.

"Mi kisim dispela taim long tok amamas long ol pipel bilong Apa Karinz, Lai Veli na Apa Mendi long ol i kisim dispela prosek bikos nau bai ol i gat pawa i go stret long ples na haus bilong ol, Mista Nali i tok.



BOROKO MOTORS
Heading for the future!


Waigani drive & Cameron road Gordons Phone: 325 5255

Namba wan yus kar dila insait long Papua Niugini taim yu laik baim nupela yus kar bilong yu, noken abrusim namba wan yus kar dila bilong yu. Boroko Motors long Pot Mosbi i go pas long salim ol yus kar long 6-pela mun olgeta. 100 lain i baim ol yus kar i no inap mekim asua. Joinim ol arapela na baim gutpela kar.



SEDANS - WAGONS - UTILITIES - DUAL CABS - COMMERCIAL TRUCKS - 4X2 AND 4X4'S

Madang Nius



Kurumbukari papagraun laikim 15 pesen ekwiti

BEN TAUMAI i raitim

SIAMAN bilong Kurumbukari papagraun, Eddie Utu i tok, asosiesen bilong em i laikim Orogen i mas hapim royalti long mak bilong tu pesen i go long foa pesen na hapim ekwiti long faiv pesen i go long 15 pesen.

Mista Utu i autim dispela tingting bilong ol pipel bilong em, insait long wanpela miting namel long Madang Provinsel Gavman (MPG), na ol

papagraun bilong Basamuk, Kostel paipain, Inlen paipain, na Kurumbukari nikel na kobalt main. Em i tok dispela 15 pesen mak em samting bilong paitim toktok, long wanem, dispela mak i stap long ekt. Mista Utu i tok, sapos Orogen i no amamas long hapim ekwiti long faiv pesen i go long 15 pesen em ol bai i no inap larim projek i go het olsem plen i stap.

Em i tok tu olsem ol Kurumbukari em ol i papa tru bilong risos tasol ol i amamas long skelim ekwiti wan-

taim ol arapela papagraun. Insait long dispela miting MPG na ol papagraun, i pasim tok long wanem kain helpim ol papagraun, na provinsel gavman, bai kisim taim Ramu projek i stat. Ol i kolim dispela Memorandum Ov Agrimen o MOA. MPG wantaim ol papagraun i stretim pinis dispela MOA.

Siaman bilong miting, Mista Alok, i tokim ol papagraun olsem MPG bai bringim dispela wari bilong ol papagraun i go long Orogen. Provinsel

Plena, Ricky Kaisek Kumung i tokim miting olsem MPG i kamapim wanpela tim ol i kolim long Ramu Nikel Provinsel Projek Tim (RNPT) insait long Plening na Polisi Brens wantaim Koporet Sevises Divisen bilong Edministresen long glasim ol toktok bilong Ramu projek.

Mista Kumung i tok wok bilong RNPT i kamapim pinis Intigreted Developmèn Plen; ranjim ol woksop wantaim ol papagraun, kamapim adalt literesi program, na sapotim ol

papagraun long redim posisen pepa bilong ol.

Insait long dispela miting, deputi gavena, Pengau Nengo, Memba bilong Raikos, Stahl Musa, Provinsel Edministreta, Clant Alok, ol sinia gavman opisa na ol papagraun i bin kamap.

Ol papagraun i givim tok orait bilong ol long planti ol pesentes bilong royalti, ekwiti, na spesel sapot grant na ol i laikim liklik senis tasol long sampela eria.

Barry i go bek long Amerika

BARRY Andreas wanpela bilong dispela skul mangi husat i bin wokim kolis bilong distans edukesen i wokim gret nain tasol na i no pinisim gret ten yet nau i stap long Amerika. Barry em i bin wok na skul wantaim long Christensen Research Institute insait long Madang provins stat long yia 1995.

Long dispela taim Barry i bin wok long Entomology seksen, laboratori teknisen. Em i save pinim ol binatang na identifaim ol na sotim ol i go long famili na i go long speses na givim nem long ol. Planti bilong dispela ol binatang Barry i save wok long ol em butafalai, mots na bitels. Long dispela wok tasol sampela bikpela sevai i save kamap long sampela hap long Papua Niugini ol i save askim Barry long go na wokim sevai long painimaut hamaspela kainkain binatang i save stap long bus bilong ol dispela papagraun na, givim ripot long ol.

Barry i skelim olsem dispela kain wok em wok bilong ol man hsuat i gat digri tasol i ken wokim. Tasol Barry nau i ting olsem em i ken wokim. Long wanpela komens bilong wanpela Entomology i gat PHD digri na foma Dairekta bilong Christensen Research Institute, Dr Larry Orsak, em i bilong Amerika i tok olsem Barry i gat gutpela save long dispela kain wok.

Olsem na Maski Christensen Rises Institut em i aps pinis tasol, long dispeal gutpela wok bilong Barry i mekim na long las yia 1998 mun Me de 29, Barry na arapela tupela skul mangi husat i bin lusim Papua Niugini em Mark Andreas na Andrew Kinibel i go wokim pest Manesmen insait long sentral valei long California, skul wantaim dispela nem bilong institute ol i kolim Scientiif Method Inc.

Ol i bin i stap tripela mun olgeta long California statim pest na i kisim referens na ol kisim gutpela ripot long dispela stati i kam yet long bikpeal bos bilong Scientific Method Inc.

Tasol nau long dispela yia 1999 mun Me long de 22 Barry wantaim Martin Kasbal bilong Insect Ecology Project long Nagada bai i lusim Madang na i go stap long Mosbi na long de 24 stret bai tupela i lusim Mosbi na kisim balus i go long Phillipines na bihain bai ol i senisim balus na go olgeta long Sanfrancisco, California long statim pest manesmen gen.

Barry i tok olsem dispela em i olsem second taim bilong em long go bek gen long Amerika. Olsem na dispela taim bai tupela i stap inap 5-pela mun olgeta. Tripela mun bilong stati na tupela mun bilong raun na lukim sampela hap bilong Amerika. Dispela min olsem bai i gat gutpela chance bilong ol yangpela Papua Niugini man long save long sampela laip long bikpela siti olsem long kain develop kantri olsem.

Barry i tok tu olsem dispeal kain save no wok bilong painim na yusim dispeal kain save, em bai i gutpela long putim dispela kain save i go long praktis long Papua Niugini yet. Tasol insait long tropik dispela kain wok tu em hat long kontrolim.

Bikos weta bilong Papua Niugini em i save senis planti, imenim taim bilong san bai ren gen na taim bilong ren bai san gen, olsem na dispela kain bai i hat tru. Tasol em bai i orait liklik long sampela sait bilong tropik olsem Hailens pat bilong Papua Niugini we em i kol liklik.

Bikos long Amerika em is ave i gat 4-pela kain weta tasol. Na dispela kain weta em i no save senis. Taim bilong sun em taim bilong sun i no save i gat ren gen. Olsem na em i isi tru.

Olsem na long lukluk na bilip bilong Barry em i save olsem planti ol mangi i wankain olsem mi nau i stap raun raun dispeal olgeta mangi ol tu i gat gutpela save tasol wai na ol stap tasol, na i ting ol i nogat save. Nogut yu ting gret sikis edukesen bilong yu bai i no inap, tasol yu mas traime pastaim.



COMMISSION

VAT

VALUE ADDED TAX


VAT BAI STAT LONG JULY 1ST 1999

BAI INOGAT VAT SAS LONG OL KAIKAI YU BAIM LONG MAKET, TAIM YU BAIM BUAI, NA TAIM YU KALAP LONG PMV NA TAXI


LONG MOA TOKSAVE, LUKIM:

INTERNAL REVENUE COMMISSION,
P. O. BOX 777, PORT MORESBY
PHONE: 322 6655, FAX: 321 7962

AUTHORISED BY DAVID SODE, COMMISSIONER GENERAL OF INTERNAL REVENUE



Lae Nius



Angau Haus sik klostu pas

FRANCO NEBAS i raitim

NAMBA tu haus sik long kantri, Angau Memoriel Haus sik long Lae i klostu pas long las wikem taim ol wokman bilong Elcom na

Wata Bod i laik katim pawa na wara.

Dispela long wanem, haus sik i no baim bil bilong ol, tasol long las minit mani opis long Mosbi i givim tok orait olsem bai ol i stretim dispela bil.

Bil bilong wara na pawa inap long K290,000.

Sief eksekutiv opisa bilong Angau Margaret Samei i tok sapos nogat, bai bikpela bagarap na hevi stret i kamap long haus sik.

Ol i raitim sekmani i go long Wata

Bod na Elcom olsem mani opis bai putim sampela mani i go long

akaun bilong haus sik long stretim ol bil.

Tasol Ms Samei i givim strongpela tok lukaut olsem dispela hevi bai i no inap stret long wanem mani opis i no lusim fans yet long baim bil.

Bod siman bilong Angau Haus

sik Ross Humphries i tok kos bilong ol bil bilong wara na papa we ol bin inap long katim long las Fraide ya i olsem K290,000.

Em i tok "mipela i no inap long mekim planti samting long wanem Helt Dipatmen i no inap kisim mani long opis bilong mani".



• Praim Minista Bill Skate i raun wantaim Huon Galp memba, Tukape Masani i go long Morobe Patrol Pos las wiken

K70, 000 projek long tent siti skul

FRANCO NEBAS i raitim

LAE Siti Atoriti bai i fandim wanpela bikpela projek long wanpela skul long Lae.

Tent Siti Praimeri skul ausait long Lae Siti long las Fraide i witness graun brking seremoni bilong wanpela projek bai i kamap.

Dispela projek em Lae Siti Atoriti (LCIA) yet bai fandim we kos i olsme K70,000. Ol bai wokim nupela skul hal na elementeri klasrum.

Lod Meya bilong Lae Siti Toffamo Mionzing husat i bin witness dispela seremoni i bin tokaut long dispela

samting. Bod siaman bilong skul George Mack taim i tok tenkyu long Mista Monzing long dispela taim i tok amamas long BHP Steel husat i givim helpim long skul wantaim 80 hap paip we ol bin salim long diskaun prais. Mista Mack i tok BHP i givim samting olsem K5000 long skul insait long setelmen. Dispela em i bikpela presen stret we kain kampani i givim na i tok mipela i lukluk long kain helpim long bihain taim.

Em i tok amamas long Monier (PNG) husat i helpim long givim ol brik long wokim klasrum.

"Disepa hal bai i gat basketbal kot, kentin na toilet blok tasol bai ol i wokim klasrum sapos i gat moa sumatin," Mista Mack i tok.

Wenge amamas long Skate surukim VAT takis

GAVANA bilong Morobe Luther Wenge i tok amamas long Praim Minista Bill Skate long skruim moa taim bilong kamapim nupela takis lo bilong Velu Eded Takis (VAT).

Dispela lo bilong VAT inap kamap long mun Julai long neks mun bikos em i kamap lo pinis taim Nesenel Palamen i pasim long Novemba las yia.

Gavana Wenge i tok taim nau ino gutpela long kamapim dispela nupela takis.

Gavana Wenge i bin go pas long kamapim wanpela kempen long kisim sapot bilong olgeta

manmeri bilong Papua Niugini long egensim dispela takis lo. Olsem na em i laik kisim Nesenel Gavman i go long kot long stapim dispela nupela takis lo long i no ken kamap bikos em bai kilim na bagarapim tru ol liklik manmeri.

Mista Wenge i tok em i amamas long Praim Minista i stapim VAT long i noken kamap long mun Julai inap sampela taim bihain. Em i tingting long toktok wantaim Praim Minista long dispela samting na ol i ken kamap wantaim sampela gutpela tingting insait long dispela VAT lo.

Gavana i bin bung planti manmeri pinis long Lae, Mosbi, Goroka na em i go het yet long raun bilong em long kempen. Olsem na em i gat kliia save long laik na tingting bilong ol pipel long dispela nupela lo bilong takis we bai kamap long mun Julai.

Mista Wenge i mekim tok amamas bilong em igo long Praim Minista long luksave long tingting na sanap bilong em long dispela hevi na kamap wantaim dispela tingting bilong surukim taim bilong VAT lo.

Bikman bilong Mumeng, Luke Kewo i lusim laip

WANPELA bikman, lida na pikinini bilong Mumeng long Morobe provins, Luke Kewo i lusim laip bilong em long dispela wik long Lae opis bilong em taim em i wok i stap.

Dai bilong Luke Kewo i mekim kirap nogut long planti manmeri bilong Mumeng distrik na Morobe provinsal edministresen bikos em i wanpela bikman husat i bin mekim bikipela wok long developmen bilong distrik na provins longpela taim i kam inap long dai bilong em dispela wik.

Luke Kewo bilong ples Kumalu long Mumeng distrik i gat 5-pela pikinini na i bin lusim laip bilong em we ripot i tok em i lus bikos long hat atek o hevi insait long bodi bilong em.

Insait long laip bilong Mista Kewo, em i bin Kaunsil Ekstensen opisa long Mumeng long 1960 inap 1969. Long 1970 i go long 1982, em i bin Menesing Dairekta bilong Mumeng Treding.

Long 1990 igo long 1995 em ib in Viles Kot Kodineta

bilong Mumeng Distrik. Long 1997 em i resis long 1997 nesanel ileksen na lus.

Tasol em i go bek long mekim wok bilong Morobe provins yet. Olsem na long 1998 em i kamap Kaunsil Menesa bilong Ahi Lokol Gavman Kaunil long Lae opis inap 1999 long dispela wik taim em i lusim laip long opis bilong em.

Luke Kewo inap muv igo yet long kamap olsem Distrik Edministreta long provins tasol dispela hevi i bungim laip bilong em long namel.

Planti manmeri long Morobe provins, Morobe edministresen na ol pipel bilong Mumeng bai tingim na sori tru long lusim wanpela gutpela man tru bilong mekim wok bilong sevim pipel, wanpela lida bilong komynuniti na wanpela gutpela papa bilong olgeta lain i save long em.

Luke Kewo em i wanpela saveman bilong Mumeng husat i mekim planti bikipela na ol gutpela wok bilong sevim ol pipel bilong Mumeng na Morobe provins.

Bautama papagraun laikim pemen bilong Sentrel provinsal het kwata

KENNEDY EDENE i raitim

OL papagraun bilong Bautama insait long Sentrel provins i askim K5 millien pemen long Sentrel Provinsal Gavman long graun we Gavman i laik sanapim het kwata bilong Sentrel provins long en.

Insait long wanpela pas i go long Gavana Ted Diro, ol Gorogaha Len Grup i gvm Sentrel Provinsal Gavman tupela wik long mekim gutpela bekim long as bilong ol papagraun.

Insait long dispela pas, ol i laikim royalti pemen, spin op wok na kompensesen we Gavman i mas lukluk long en na stretim wantaim ol.

Ol papagraun i tok sapos Sentrel provinsal Gavman no stretim askim bilong ol, ol bai stapim ol wok we i laik kamap nau long dispela hap long Bautama.

Toktok i kam long mausman bilong papagraun Lahul Tau, ol wok long tingtinglong kisim eksen bikos Gavana Ted Diro i no bin kam bek long toktok wantaim ol sampela taim inap nau.

Mista Tau i tok Gavana Diro i bin tok long mekim toktok wantaim ol long Julai 15 las yia tasol inap nau ol i no kisim wanpela bekim i kam long Gavana yet.

Ol i tok dispela eksen bilong ol i no kamap nating tasol ol i mekim bihainim ol toktok na lo bilong Lens.

Insait long dispela pas em Gorogaha Len Grup Inc siaman Manaka Bore na Sekretari Humeu Raka i bin salnim.

Swiss kampani kisim longpela taim long kisim TA

JOE KANEKANE i raitim

OPIS bilong Nesanel Fores Sevis (NFS) i no wan bel long pasin Provinsal Fores Menesmen Komiti (PFMC) bilong Is Nu Briten i wokim long kisim longpela taim long givim Timba Atoriti (TA) i go long wanpela Swiss kampani husait i gat laik long wokim ol sia, bet na arapela samting wantaim Teak diwai.

Long wanem dispela kampani D-Scan Furniture kampani i redim pinis olgeta samting na ol i wet tasol long PFMC long givim dispela TA long ol i ken statim wok.

Dispela kampani i gat wanpela bikipela fektori long ples Surabaya long Indonesia we ol i save wokim ol sia na tebol.

Provinsal fores opisa bilong ENBP Debon Logo i no laik toktok na em i askim mipela long toktok wantaim Menesing Dairekta bilong NFS. Tasol em i tok em i gat save long wanem ol samting i wok long kamap long dis-

pela projek.

"Mobeta yupela mas toktok wantaim bos bilong mi long wanem em bai gat gutpela stori long tokim yupela. Tasol mi gat sampela aidia long wanem samting i wok long kamap long dispela projek," em i tok.

Long wanpela ripot we Menesing Dairekta bilong NFS i bin givim i go long Nesanel Fores Bot em i tokim bot olsem kampani i bihainim olgeta lo we gavman i kamapim.

Dispela ripot em Mista Nen i bin givim long Januari, 8 1999 we i tokim fores bot long olgeta liklik samting we kampani i laik wokim long Kerevat.

Kampani bai katim diwai long Brown River, Kerevat na Vunapalading plentesen long wokim sia bilong ol.

I gat bilip olsem kampani i no wanbel long dispela pasin long wanem ol i baim pinis wanpela somil na tu ol i wok long toktok wantaim ol papagraun na ol i laik statim projek kwik taim.

Deputi Praim Minista laik sapotim ol lapun bilong woa

YAKAM KELO i raitim

MAN husat i go pas long karim hevi bilong ol lapun husat i bungim taim nogut na hevi long wol woa 2, Gabriel Laku i bungim namba tu Praim Minista bilong Papua Niugini lairo Lasaro na tupela i pasim tingting long go bungim Gavman bilong Japan long toktok wantaim ol long stretim hevi bilong ol lapun bilong woa.

Mista Laku husat em siaman bilong Papua Niugini Asosiesen for Redress long Asia Pasifik i tok namba tu Praim Minista i lukim olgeta pepa na wari bilong ol lapun bilong PNG na i laikim bai tupela i mas kisim ol dispela wari i go stret bungim Praim Minista bilong Japan na toktok wantaim em.

Mista Laku i tok dispela wik em Mista Lasaro bai i go long wanpela ovasis trip bilong em na i makim dispela mun Jun long tupela i mas go mekim dispela toktok wantaim Japan Gavman.

Mista Laku i tok Mista Lasaro yet i luksave olsem sampela kantri i bin kisim kompensesen mani bilong ol pinis long bagarap bilong woa long olsem na PNG tu i mas kisim dispela kompensesen long Japan Gavman.

Ol lapun bilong Papua Niugini husat i bin mekim bikipela wok, kisim pen, bungim birua na kisim bagarap long bikipela Wol Woa 2 long 1942 inap 1945 i askim yet Japan Gavman long baim kompensesen long ol.

Namba bilong ol lapun i olsem 111,100 husat i bin stap insait long olgeta wok na hevi bilong Japan ami.



• Ol yangpela manki long Wewak i save bisi long polisim na samapim su long fran bilong Tang Mow supamakot. Olgeta i liklik sans wok bilong kisim mani. Poto: Fuzo Paul.

Bihainim dispela singaut bilong ol, ol i soim rekot olsem 8,908 manmeri i bin dai, ol Japan ami i nogat kaikai na kilim ol manmeri na kaikai moa long 2,590, katim susu bilong ol meri na kaikai mak olsem 101, slip wantaim ol meri na bihain kilim ol mak olsem 6,570, ol strongpela marasin ol ami i yusim i kilim olsem 4,271 manmeri, ol ami i yusim ol meri long pasin pamuk 17,324, ol ami i yusim ol lapun olsem plisman na skaut mak

olsem 4,091, ol i yusim ol lapun olsem ami long pait 3,641, ol ami i yusim ol lapun olsem ol kago boi mak olsem 46,364, Japan ami i pusim ol manmeri long painim kaikai na lukautim ol mak olsem 16,631, sampela lapun i mekim wok olsem marasin boi mak olsem 378 na ol Japan ami i bin pasim ol lapun na kukim long paia na kaikai ol na hangamapim wanpela na i dai. Mak bilong ol dipsela lain i olsem 289.

Siaman bilong Papua Niugini Asosiesen for Redress of Asia Pacific (ol lain i bungim hevi long woa) Mista Gabriel Laku i tok em i bin salim pas i go pinis long Praim Minista Bill Skate long Gavman bilong PNG i mas sapotim dispela askim bilong ol lapun bilong PNG long kisim kompensesen i kam long Japan Gavman. Tasol Mista Skate i no bekim dispela pas bilong ol.

Mista Laku i tok loya bilong ol

long Japan Takagi Ken'ichi i bin tok olgeta rot na wok bilong kisim kompensesen long dispela bagarap i ken kamap isi sapos Gavman bilong Papua Niugini i toktok gut wantaim Gavman bilong Japan na stretim dispela hevi. Dispela Japan loya Mista Ken'ichi i bin mekim wankain singaut gen long Julai 26, 1998 long las yia.

Siaman Mista Laku i tok ol arapela kantri husat i bin mekim wankain singaut long kisim kompensesen long Japan i bin kisim kompensesen bilong ol bikos Gavman bilong ol i pusim na strongim dispela hevi na ol pipel i kisim mani bilong ol. Ol tripela kantri tasol husat i no kisim yet kompensesen mani bilong ol em Papua Niugini, Marshall Ailan na Truk long Noten Marianas.

Mista Laku i tok em i mekim wankain singaut gen long dispela wik wantaim namba tu Praim Minista lairo Lasaro na em (Lasaro) i tok bai em i kamapim dispela toktok long bung bilong kabinet.

Mista Laku i tok ol lain husat i kisim bagarap na nau i stap laip yet, ol lain husat i bin mekim wok long helpim ol Japan ami na nau i stap yet, planti i dai pinis tasol ol pikinini bilong ol i stap na i wok long kirapim dispela toktok, ol i mas kisim kompensesen i kam long bagarap na birua ol ami bilong Japan i mekim long ol.

Ol i laikim dispela mani i mas kam long ol wanwan lapun na famili na i no ken kam long Gavman bilong PNG olsem grent mani bilong wokim skul, haus sik na ol arapela sevis anit long sapot o helpim program bilong Japan Gavman, Mista Laku i tok.

Lukaut long sik bilong AIDS

AIDS em wanem?

AIDS i olsem Acquired (Kisim), Immune (ino inap), Deficiency (Nogat, Syndrome (mak bilong sik). AIDS i kamap long wanpela posin ol i kolim HIV (Human - manmeri, Immunodeficiency-i no inap nogat, Virus - posin. HIV i save bagarapim banis bilong pasim ol kain sik long bodi na taim bihain save kamapim sik AIDS.

Ol manmeri i save dai long AIDS tasol taim ol i no dai na ol i orait ol save pastaim kisim posin bilong bagarap ol i kolim HIV.

Wanpela i gat AIDS taim posin i bagarapim banis long bodi we ol sik noken krungutim manmeri. Dispela posin mas stap longpela taim insait long bodi na kilim strong bilong bodi long lukautim em yet long rausim ol kain sik na ol liklik skin sua tu.

Dispela ol liklik skin sua o bikpela sua na ol arapela sik ken mekim i go na ol manmeri i ken dai.

Nau nogat sut o marasin long pinisim AIDS. Wanpela rot i stap em long toksave na skulim ol manmeri husat i nogat AIDS.

HIV em wanem?

Olgeta leta HIV i makim Human Immunodeficiency Virus.

HIV i olsem ol arapela posin i liklik tumas long lukim wantaim ol maikroskop. HIV i save bagarapim ol manmeri tasol na save brukim banis bilong bodi we i save banisim ol arapela sik long i noken bagarapim bodi.

Sampela taim ol kolim HIV i AIDS long wanem wanpela mas kisim HIV na bihain AIDS. Tasol i gat HIV na i

no olsem wanpela man o meri igat AIDS.

I gat bilip olsem ol manmeri i gat HIV i gat posin bai stap inap ol i dai. Husat i gat posin bai nogat wanpela samting kamap long skin bilong ol long planti yia, tasol ol i ken givim HIV posin long ol arapela manmeri.

I gat HIV posin na AIDS em wankain?

Nogat. I gat HIV posin insait long bodi i olsem man o meri i gat HIV posin tasol. AIDS em taim bilong pinis we HIV posin bai kilim man o meri.

Bilong wanem na HIV posin ken stap long bodi tasol ol manmeri no inap save?

I gat taim man o meri pastaim kisim posin na go inap bihain we ol toksave olsem man o meri i gat sik ADS long bodi. Dispela taim i ken 6 mun tasol o 10 yia o moa long dispela taim sik man o meri bai ino inap gat wanpela sain o mak long skin bilong ol. Ol i ken i gat HIV posin insait long bodi tasol ol bai luk gut na fit. Tasol taim ol i sekim blut long tes, bai tokaut. Long dipsela taim nogat save, man o meri gat posin ken givim sik long ol arapela manmeri.

Planti yia bai go tasol ol manmeri i no inap save ol i gat HIV na bai ol i gat solap na pen ahinit long han o lek. Bihain long dispela ol manmeri ken i gat sua long insait long maus, husat long nait, tasol bai planti yai i go na ol i no inap gat AIDS yet. Taim AIDS i kamap man o meri ken stap 6 mun tasol ol ken stap tu yia na ol bai dai.

Lukautim gut bodi bilong yu

Smokim smok brus i no gutpela

Smokim brus i no wanpela gutpela samting long bodi. Em i save bagarapim bodi. Planti taim ol redio, televisen na niuspepa i save mekim kainkain toksave olsem smok brus em gutpela. Tasol dispela kain toktok i sav giamanim planti yangpela man na meri long kisim smok brus.

Ol pren bilong yu bai i no inap laikim u wanpela man o meri husat i save smokim planti smok brus. Sapos yu statim tasol long kisim smok brus, yu bai i no inap long stapim dispela pasin.

Smok brus tu i no save helpim husat man o meri na pikinini i stap klostu long man i smokim smok brus i stap. Yu ken kisim sik kensa taim yu smokim smok brus na taim yu pulim win i kamap long smok brus ol i mokim.

Noken stap klostu long ol man na meri i smokim smok brus.

Pilaim kas laki

Planti man na meri na tu ol pikinini i wok long pilaim ol kain kain kas laki olsem kas laki, poka masin, loto na stres loto. Pilai kas laki i no gutpela samting tru.

Taim yu pilaim ol kas laki olgeta taim yu bai i nogat mani moa long baim kaikai long haus. Famili bilong yu bai go hangre. Yu bai dinau mani long planti lain long pilai kas laki. Wanpela bikpela samting inap kamap insait long famili i olsem, marit pasin i save bruk namel long ol man na meri. Sapos tupela i gat pikinini, ol tu bai lus olgeta.

Wanpela man o meri husat i wok long pilaim ol kas laki olgeta taim bai lusim planti mani. Em bai no inap long bekim mani em i dinau pinis na em bai traim ol narapela samting long bekim mani. Sapos i nogat rot bilong bekim mani, em bai tingting long stil. Sapos man i wok, em bai stilim mani bilong bos na pilaim laki. Taim em i mekim olsem, ol bai lukim na rausim em long wok.

Taim man na meri i pilai kas laki olsem i go i go na em i no inap bekim dinau mani kwik, em bai stilim mani bilong bos bilong em na sapos em i marit, em bai lusim meri na man na tu pikinini bilong em. Em bai i no inap wok gut na ol bai rausim em long wok. Nogat wanpela man o meri bai amamas long toktok wantaim em.

Taim ol dispela samting i wok long kamap long em, man na meri husat i save pilaim kas laki olgeta taim bai painim sampela rot long kilim em yet. Yu mas luk-save gut. I nogat wanpela we long lusim dispela kain pasin sapos yu man o meri bilong pilaim kas laki olgeta taim.

• Noken pilaim kas o ol laki. Wokim sampela gutpela samting olsem helpim na kukim kaikai long haus, samapim ol kolos na wokim gaden.

• Kisim famili bilong yu go aut long bikbus long sutim pinis o go wokabaut tasol na painim pis long wara na mekim sampela samting.

• Bungim famili na kukim gutpela kaikai na kaikai. Yu bai ino inap spendim mani moa long pilai kas laki.

• Lukautim ol pikinini. Taim yu stap wantaim ol, ol inap groa na kamap gut.


• Tingim gut. Sapos yu stat pilaim kas laki yu bai i no inap lusim dispela pasin.

Noken tingting moa long pilaim kas laki. Mekim sampela gutpela samting wantiam famili bilong yu.

YU GAT NID LONG STRONGPELA KOPI TRAK ? YU YET NIDIM TOYOTA DYNA 3.5 TAN TRAK !



WANTAIM DISPELA FRI BONUS OFA !



Long dispela hap taim tasol Ela Motors bai givim yu fri wanpela Kopi Palpa Masin i gat petrol mota wantaim 100 gutpela kwaliti Kopi Bek, tru prais bilong dispela antap long K2,000... taim yu baim wanpela nupela Toyota Dyna Kopi Trak.

LUKIM BAI YU KISIM WANEM SAMTING !

- ✓ Nambawan strongpela 3.5 tan trak insait long PNG
- ✓ 3700cc Diesel Ensin gat moa powa
- ✓ Longpela wil bes wantaim sait banis we isi long lusim i go daun
- ✓ Strongpela timba tre inap karim draipela hevi
- ✓ 100 lita tenk disel i bikpela tru
- ✓ Kab i op moa inap tripela man
- ✓ Ol lif spring i save hangamapim draipela hevi
- ✓ Sen long banis get i mekim isi long rausim kago
- ✓ Ol brek bilong trak i hevi duti na i save winim tru wok brek
- ✓ Toyota i no save bagarap na stap gut oltaim
- ✓ Kab i save go antap bilong mekim isi long taim bilong sevis long woksop

TOYOTA DYNA KOPI TRAK... I STAP REDI BILONG KISIM TUDE

Ela Motors
TOYOTA

GOROKA • PETER ANDERSON • JOE KOMBUK • PH 7321844
MT HAGEN • ERROL DAVIES • RICK LUCAS • PH 5421888
LAE • PERRY HOLLAND • JIM DENBY • PH 4722322

PNG noken sem long askim helpim long Australia

JOE KANEKANE i raitim

MINISTA bilong Komes na Industri lan Ling Stuckey i tok olsem ol pipel bilong kantri wantaim oposisen i noken sem long askim helpim long Australia sapos dispela askim bai helpim olgeta man-

meri. Mista Ling Stuckey i tok ol toktok we em i askim Austrelia long halivim PNG long toktok wantaim Wol Benk na IMF long kisim dispela dinau mani em samting we kantr olsem em i no klia long tingting bilong ol oposisen taim ol i wokim kainkain toktok.

Em i tok tru olsem planti lain i tok Wol Benk i askim olpela wokman

bilong ol na nau nambwan wan advaisa bilong kantri Dokta Pirouz Hamidian Rad long lusim wok pastaim long ol bai toktok gut wantaim PNG. "Mipela olsem gavman bilong dispela dei mas glasim wanem samting i gutpela bilong kantri bilong mipela pastaim long mipela wokim ol disisen.

Na long dispela taim mipela

ting bai i gat gutpela kaikai sapos mipela askim Australia long helpim mipela long toktok wantaim dispela tupela grup," em i tok.

Mista Ling Stuckey i tok PNG i mas noken stap long we long Australia na ting olsem ol yet inap long kamapim sampela wok long strong bilong ol.

Em i tok sampela taim em i gut-

pela long askim ol arapela lain long halivim mipela long wanem Austrelia i gat gutpela nem bilong na em i ken yusim dispela long halivim PNG.

Minista bilong Foren Afeas bilong Austrelia Alexander Downer i bin tok olsem Austrelia i sambai tasol long helpim PNG long dispela askim.



• loma komyuniti skul manki long Oro provins i bin go singsing long Morobe patrol pos las wik taim Praim Minista i go.

Pasin pamuk go bikpela na kamapim wari long famili na komyuniti

Wanpela man husat i go pas long Maborasa Tieta insait long Madang, Kevin Gibson i tok olsem pasin pamuk i wok long kamap bikpela na bagarapim gutpela sindaun bilong planti famili.

Em i tok planti man, meri na pikinini i luksave pinis long dispela hevi.

"Mipela ol famili husat i stap gut i wok long traim na askim mipela yet bilong wanem na sampela marit man na meri i wok long go insait na strongim dispela pasin nogut," Mista Gibson i askim.

Mista Gibson i wok nau wantaim ol asples manna meri husat i luksave olsem ol lain husat i wokim pasin pamuk i gat bikpela laik long amamasim bodi bilong ol na i no wari sapos famili bilong ol i karim sem, pen na wari.

"Pasin bilong bihainim gutpela kastam lo na kristen pasin i no stap moa olsem strongpela pos na bun bilong haus.

"Ol manmeri husat i save wokim pasin pamuk i longlong pinis na i no pret o luksave moa long ol yet olsem man na meri insait long gutpela sindaun bilong ol yet.

"Bipo ol marit i save bihainim gutpela kastam lo na kristen pasin.

"Planti strongpela na gutpela famili i wok long bruk bikos i nogat moa luksave na pret pasin. Ol meri i no luksave long man na man tu i mekim wankain," Mista Gibson i tok.

Kumbul pipel long Kabwum kisim wara saplai na sios opis

OL pipel bilong Kumbul long Yus Lokol Gavman Kaunsil eria long Kabwum distrik long Morobe provins i lukim nupela wara saplai na opis bilong kongrigesen bilong Keweng paris long Mei 29 1999.

Het bisop bilong Luteran sios, Dokta Wesley Kigasung wantaim Kabwum Distrik edministreta Ilai Kirau i bin kamap long witnessim dispela opening bilong tripela projek ya long las wik.

Insait long dispela amamas de, memba bilong Kabwum Ginson Saonu i tok amamas long ol pipel bilong em long hat wok bilong ol long pait hat long kamapim ol dispela samting we i ken givim helpim long ol yet.

Mista Saonu i tok em i save ol pipel i save wok hat na sapatim Gavman na sios long kamapim ol kain helpim ol. Tasol planti taim ol i no save kisim helpim i kam inap ol yet i go pas long kirapim sam-

pela wok we kaikai bilong en i kamap.

Yupela i no ken tingting long bikpela developmen olsem pawa saplai na hai skul bai i kam hariap tasol em bai i kam isi isi. Samting tru yupela inap kisim na sevim laip na sindaun bilong yupela olgeta de em samting olsem wara saplai na haus lotu nau yupela i gat tude, Mista Saonu i tok.

Em i tok long wara bai ol manmeri ken kisim klinpela wara bilong dring na kukim kaikai na wasim ol kolos olgeta de. Long haus lotu ol bai kisim gutpela tok bilong God long strong laip na sindaun bilong ol long ples.

Memba i tok em i gat bikpela bilip long ol dispela kain projek na em i bin givim helpim long planti bilong ol dispela projek pinis insait long Kabwum ilektoret.

Long dispela taim tu ELC-PNG het bisop Dokta Wesley Kigasung

i tokim ol pipel olsem wok lidasip em wanpela hatpela samting long holim. Bai yumi lusim tingting long famili bisnis na wok long sevim pipel.


Dokta Kigasung i tok wok bilong lidasip i no ken stap long opis tasol. Wok lidasip i mas go aut long ol pipel we ol i stap long en. Bilong wanem sios i no pepa na opis, sios em ol manmeri.

Insait long dispela open de bilong wara saplai na opis bilong haus lotu, ol pipel na lida i kam long ol ples olsem Isan, utaguga, Nokopo, Wandabong na Som.

Ol pipel i tok amamas long memba bilong ol Mista Saonu long helpim ol wantaim mani long kamapim ol dispela projek. Na tu ol i mekim tok amamas i go long het bisop Dokta Kigasung long mekimi namba wan taim visit bilong em i go long dispela hap eria bilong ol.



• ELC-PNG het bisop Dokta Wesley Kigasung wantaim Kabwum memba Ginson Saonu i sanap wantaim ol pipel bilong Kumbul long las wiken long opim nupela wara saplai na opis bilong hau.



Olgeta
kam na lukim ...

PORT MORBESBY SHOW '99!

Jun 5, 6, 7 1999



Bikpela Sponsor



PROUD SPONSORS OF PORT MORESBY COUNTRY SHOW
GOVERNMENT WARNING SMOKING IS DANGEROUS TO HEALTH



1999 PORT MORESBY SHOW

JUNE 5TH, 6TH & 7TH

Come and Enjoy the following highlights:-

- Cook Islands cultural exchange featuring United Rhythms Symphony
- Traditional Sing Sing groups
- Coca Cola Amphitheatre Super Sound
- Wheel of Death
- Boroko Motors Tug of War (6 man teams)
- Arthurs Pie Pie - Eating Contest
- Flame Flour Women's 25kg bag Flour Race
- New Guinea Vending Rural P.M.V Time trial
- Straits Marine - Defence, Police And C.I.S. Races
- Dation Water Bucket Rade
- Goodman Fielder Children's Flour Sack Race
- HI - Lift Wheelbarrow Race
- Channel 8 Touch Rugby
- Police Dog Unit display
- N.C.D.C. Parks & Gardens

**NO SELLING OF BETELNUT, ICE BLOCKS etc.,
OUTSIDE THE SHOW GROUNDS FENCES.
SELLERS WILL BE MOVED BY THE POLICE.**

"NO WEAPONS ALLOWED IN SHOW GROUNDS"

Thanks to our Major Sponsors
COCA COLA & MUTRUS



1999
Mosbi So



• Liklik Sebastine Michael tu i bin stap long dispela grup we ol i kamap long klinim so graun na rereim ol samting bilong so. Hia em i sanap na malolo liklik wantaim mama bilong em Mary.

Em So taim long Mosbi

BARBARA MASIKE i raitim

*Lukluk long gutpela
taim bihain*

EM taim bilong so gen long Mosbi na maski ples bai hat na pulap long das planti pipel bai kamap yet long lukim ol wanem kain samting i stap na kamap long Moitaka so graun long dispela Sarere, Sande na Mande Jun 5, 6 na 7.

Long sait bilong ol yangpela na ol pikinini em sans bilong ol long raun na lukluk long ol kain kain pilai bai kamap long so na tu long raun wantaim ol poro bilong ol. Tasol ol papamama bai mas brukim poket gen long painim liklik toea long salim ol pikinini i go raun long so.

As tingting bilong dispela so em long "Lukluk long gutpela taim bihain" olsem ol lain i go pas long stretim ol samting long kamapim dispela so i tokaut pinis. Tresara bilong So sosaiti Lester Symons i tokim *Wantok* olsem dispela em i wankain olsem as tingting bilong las yia. Em i tok olsem kantri i stap yet long taim nogut na dispela as tingting i stap long helpim ol pipel long kamapim ol samting bilong mipela yet insait long kantri na maski long painim helpim tumas long ausait.

Em i tok tu olsem kankain samting bai kamap long amamasim ol man meri na pikinini sait bilong kalsa (Cultural Arena), boksing (Boxing), rok ben (amphitheatre) na bikpela so graun (main arena).

Long sait bilong kalsa, ol kundu bai pairap, ol man bai kalap wantaim ol bilas long het bilong ol na ol meri bai danis na tanim wantaim ol kankain stail long gras sket na purpur bilong ol. Sapos yu nupela man long dispela Pot Mosbi so noken ting olsem yu stap long hailans o wanpela ples long nambis bilong Papua Niugini. Nogat yu stap stret long bik siti Mosbi, getwe bilong Papua Niugini na yu stap long Moitaka So graun.

Mista Symons i tok samting olsem 25-pela singsing grup i regista pinis long kamap long Pot Mosbi So. Em i tok olsem sampela long ol dispela grup bai kam long olgeta long Western hailans.

Long ampitiata i gat planti ben i putim nem pinis wantaim studio bilong CHM na ol bai kamap long soim stail bilong ol long dispela tripela de.

Ol biknem atis olsem Robert Oeka, Basil Greg, Willie Tropu, Leonard Kania, Hitsi Golou, Steve Lahui, Rabbie Gamenu, Wamsi Ilau na ol narapela bai stap tu. Ol planti grup husat i gat planti tausen fen insait long kantri olsem ol Saugas, Duaks, Higher

Vision, Dirty Beggars, Tramps, Helgas, na planti narapela tu bai kamap.

Wanpela Cook Island grup husat i bes long Australia tu bai kamap long soim ol stail danis bilong ol long so.

Nambawan samting bai kamap long bikpela so graun em long samting ol i kolim long Wheel of Death o wil bilong dai, dispela em wanpela man bai sanap na wokabaut long wil bai tanim. Dispela man bai kam long Australia.

Mista Symons i tok wanpela samting we i bin save kamap long so long ol yia i go pinis bai no inap long kamap. Dispela em long Rodeo o ol man i kalap long bulmakau. Em i tok dispela i no nap long kamap bikos planti man na bulmakau wantaim i kisim bagarap long ol yia i go pinis.

Em i tok long kisim ples bilong dispela pilai ol resis bai kamap. Em i tok Boroko Motors i sponsarim tug of war o pulim rop, ol resis wantaim wil baro, baket wara na wanpela resisi bilong ol meri we ol bai karim 25 kg beg plaua na ran wantaim. Ol narapela resis bai kamap namel long ol plis, ami na ol difens fos lain. Ol skai daiva tu bai kamap long so na planti kampani na ol bisnis manmeri insait long siti i putim nem pinis long kamap long so na soim ol kankain samting ol i save mekim. Ol lain long Cheshire Homes bai gat wanpela liklik hap we ol mama i gat ol liklik pikinini ba bebi i ken go sindaun na malolo na kaikai.



Ol Plis dog yunit tu bai kamap long so olsem tu ol salvesen ami wantaim ben bilong ol.

Ol bikpela kampani olsem Hohola Softdrinks, Big Rooster, Wills (PNG) TST Trading, Ramu Sugar na ol gavman dipatmen olsem Agrikalsa na Laivstok, Trensport na Environment bai kamap tu long so.

Bikpela helpim long dispela so i kamap long Coca Cola na Rothmans ol Pall Mall wantaim Mutrus.

Ofisel gest long dispela so em long Lady Carol Kidu husat i bin openim so long las yia na tu bikos em yet i save helpim sosaiti long wok bilong ol. Dame Rose Kekedo bai openim dispela 1999 so long Sarere na Gavana generel na petron bilong So Sosaiti bai givim tok-tok long pinis bilong so long Mande Jun 7. Las yia samting olsem 150,000 pipel i bin kamap long Pot Mosbi So na ol oganaisa i bilip olsem planti moa yet bai kamap long dispela yia

PORT MORESBY MAP



PORT MORESBY SHOW SOCIETY

Note: All transport to the showground on all (3) days (5th, 6th and 7th June) must enter at the (5) five mile traffic lights, towards Courts and onto the Freeway towards Erima and the Moitaka Showground.

This will be from 8:00 am - 2:00 pm.

Important: There will be no emerging traffic anywhere along the described route. This applies both ways, to and from the showground.

* This will all be under police supervision.

This message is from The President and Committee of the Port Moresby Show Society.

**Drive Safely and help make the
1999 Port Moresby Show
Accident - Free.**



1999 Mosbi So



• **SAMPELA** memba bilong dispela kalsarel grup bilong Kuk Ailan husat bai soim danis na pasin tumbuna bilong ol long Mosbi So long dispela yia. Long lephan i go em College, Marcia na Taki. Foto: JOE IVAHARIA.

Karai Sevis redi long pairap gen

KARAI Sevis bilong Nesenel Brodcasting Kopresen bai bringim gen olgeta toktok, singsing na wanem samting i kamap long 1999 Mosbi So i go long olgeta hap bilong Papua Niugini long Moitaka So Graun yet.

Ol bai mekim olsem stat long namba wan de bilong so, Sarere, i go inap long Mande.

Man husat bai go pas long ol program bilong NBC long Moitaka So Graun, Steven Gamini, i tok long aste olsem wankain tasol olgeta yia bipo yet i kam inap nau, ol lain bilong NBC bai sindaun gen antap long liklik mauntén antap long Moitaka So Graun.

"Mipela bai stat wokim ol redio program long 9 klok moning i go inap long 4 klok apinun," Mista Gamini i tok. Em i tok Nesenel Brodcasting Kopresen i mekim dispela bikos em i laik bringim redio i go long ol lain

pipel husat i go lukim so. Olsem bai ol yet inap lukim, pilim na amamas long wanem kain wok em redio i save mekim.

"Long planti taim wanem samting i kamap long redio na rot redio i wok i stap hait tasol insait long studio.

"Tasol nau em i sans bilong mipela long bringim redio i kam ausait na kisim i go long ol pipel, olsem bai ol yet inap pilim olsem ol i hap mak bilong redio na wanem samting anaunsa i save pilim taim em i sindaun na toktok long maikrofon," Mista Gamini i tok.

Em i tok ol wokman na wokmeri bilong Karai Sevis bai askim tu ol pablik long kamap long studio long Moitaka So Graun na salim ol griting bilong ol i go long ol famili memba, poro na arapela lain husat i stap harim redio long haus.

"Em i gutpela sans stret bilong ol lain husat i kamap long so graun.

Namba wan egrikalsa so long Mosbi

PAPUA Egrikalsa Sosaiti i bin kirap long 1953, aninit long lukaut bilong man Australia husat i lukautim Mosbi long dispela taim, Sir Donald Cleland. Long taim so i kirap long 1953 i kam inap long 1956, olgeta samting i save kamap long Sogeri haikul.

Long 1957, ples bilong holim so i senis gen. Wapela meri, Misis R. Sefton, i givim fri hap graun klostu long Minitaka Estet i go long so sosaiti. Long dispela taim i kam inap long 1963, Papua Egrikalsa So i wok long kisim planti sapot, na planti tausen man, meri na pikinini i save kamap long so.

Hevi bilong rot, ren na san i mekim na sosaiti i skruim ples bilong holim so i kam long Mosbi. Sampela taim bihain, so sosaiti i winim hap graun long Jun Veli na long 1964, ol i holim gen so.

Namba wan Mosbi So i bin kamap long mun Septemba, 1965. Dispela i kamap bikos long gutpela sapot na helpim i kam long ol bikpela na liklik kampani, wanpela dinau em sosaiti i kisim long Benk bilong Nu Saut Wels na bikpela wok em ol lain komiti bilong so wantaim ol pren bilong ol i mekim.

Nainpela so i bin kamap long Jun Veli graun, tasol bihain em i taim bilong lusim ples na painim narapela hap gen. Ples i liklik tumas, olsem na so graun i lusim Jun Veli na go antap long Moitaka long 1974.

Long 1973 sosaiti i senisim tu nem bilong en olsem Papua Egrikalsa Sosaiti na bungim wantaim tupela narapela hap toktok, Industriyel na Kalsarel. Orait, dispela Papua Egrikalsarel, Industriyel na Kalsarel Sosaiti gen i kirap na sapotim So Sosaiti olsem ol lain husat bai go pas long holim ol wan wan so long olgeta yia. Ol memba bilong komiti i no save kisim pe long mekim wok, ol i wok long laik bilong ol yet.

Bikpela helpim tu bilong ol bisnis kampani i go long sosaiti i bin givim strong long wok bilong holim so long olgeta yia i kam inap long dispela yia, 1999.

Long 1978 taim sosaiti i lukim olsem namba bilong ol man, meri na pikinini husat i kamap long lukim Mosbi So i wok long go antap, em i kirap na stat bringim ol kain kain stail man na meri bilong ovasis i kam long stap insait long so. Na ol dispela lain i save pulim planti lain tru.

Long 1965 taim namba wan so i kamap long Jun Veli, samting olsem 8000 pipel i bin kamap. Long 1974 dispela namba i sut i go antap long 27,000. Tupela yia bihain taim namba wan

Gavana Jenerel bilong Papua Niugini, Sir John Guise, i bin opim so, samting olsem 46,000 pipel olgeta i bin go insait long so graun. Long 1978 em 60,000 na long 1990 namba bilong ol pipel i abrusim olgeta 100,000. Bihain long dispela, namba i wok long stap yet long 100,000 na i go antap.

As tingting bilong so em long kirapim bel bilong ol pipel long wok didiman na lukautim ol bilip na pasin bilong ol tumbuna bilong Papua Niugini. Olsem na sosaiti i save kirapim bel bilong ol pipel long olgeta kona bilong kantri long kam bung wantaim na amamas long dispela so.

Sampela kain samting i save kamap long taim bilong so em ol singsing tumbuna, siti kaunsil gaden, ol wan wan lain, grup, bisnis na gavman grup i wokim ol liklik haus na soim na salim ol samting bilong ol, ples bilong soim ol kaving na bilum samting, bikpela emfi-tieta bilong ol laip ben i pilai, ol liklik haus olsem long ol ples kanaka, ol liklik famili bisnis, ol skul na komyuniti sevis na ol laip ben bilong Papua Niugini.

Taim yu bungim olgeta dispela samting wantaim, em nau yu inap kamap wantaim wanem samting em i so. I gat sans tu i stap yet bilong ol kain kain lain long kamap na soim ol stail bilong ol.

Wapela samting em planti lain i no save yet em olsem: long olgeta yia yia so sosaiti, em yet i no wapela bisnis grup, i save givim wanem liklik mani em i kamapim o i gat i go long ol trangu grup.

Mosbi So em i wapela kain bikpela bung we i save bringim olgeta lain pipel bilong ol kain kain ples i kam wantaim. Taim yu wokabaut raun insait long so graun, yu inap glasim ol kain kain nupela masin na kompyuta samting i kam daun inap long ol lain bilong wok didiman na stail bilong ples yet. Pasin tumbuna tu i narakain olgeta long wanem i gat ol Papua Niugini man na meri yet wantaim ol wantok bilong ol wansolwara kantri na ol arapela kantri long ovasis.

Ol gavman dipatmen tu i save kamap long taim bilong so na autim wanem kain helpim na wok em ol i save mekim insait long komyuniti.

Ol lain komiti memba bilong sosaiti i no ol waitman o Papua Niugini lain tasol, nogat. I gat ol PNG na ol waitman na meri i wokbung wantaim. Long olgeta yia, ol dispela lain i save wokbung na wokhat bilong kamapim na holim ol Mosbi So.

Tok bilong God stap tu long so

MOSBI So em i taim bilong ol kain kain bung, pilai na ol arapela samting bai kamap. Ol dispela samting bai sut long wok didiman, bisnis na ol arapela samting.

Namel long ol dispela wok bilong bisnis, pasin tumbuna na wok didiman, Baibel Sosaiti bilong Papua Niugini bai salim tu ol samting we i sut long wok bilong God - ol Baibel, Nupela Testamen na ol Baibel Stori Buk. Baibel Sosaiti bai salim ol dispela samting

ing insait long wanpela liklik haus bilong en long Moitaka So Graun.

Ol lain wokman na wokmeri bilong Baibel Sosaiti yet bai lukautim dispela liklik haus maket bilong ol. Na bai i gat ol sampela ausait lain tu bai helpim ol long dispela taim. Ol dispela lain em ol yangpela na ol arapela husat i nogat wok, tasol bihain long ol i sanap insait long dispela liklik haus maket, ol bai kisim liklik toea bilong helpim ol.

Taim ol i mekim olsem long givim helpim, ol i kisim tu liklik mani long helpim poket bilong ol. Liklik haus maket bilong Baibel Sosaiti i no bilong ol wanpela lain grup tasol, em i bilong olgeta kain lain. Long planti taim, ol dispela lain husat i no save go lotu o i no gat laik long bung wantaim wanpela lotu grup i save kamap long dispela liklik haus na kisim wanem samting ol i ting bai inap helpim ol long laip na sindaun bilong ol.

SINGSING NA AMAMAS



God, yu marimari long mipela na blesim mipela, givim mipela bel isi, bai dispela graun i save long pasin bilong yu, bai olgeta kantri i save long marimari bilong yu.

Ol pipel bai liptimapim nem bilong yu, O God. ol bai givim ona long yu,

Ol bai amamas long yu na singsing wantaim bikpela pairap, bikos yu jasim ol wantaim jastis na stiaim olgeta kantri long dispela graun.

Ol bai liptimapim nem bilong yu, O God. Ol bai givim ona long yu!

Graun i kamapim ol planti kaikai, God, yu God bilong mipela, yu blesim mipela, ol pipel long olgeta hap bai givim ona long em.

Presim God long Haus bilong em!
Presim strong bilong em long Heven!
Presim em long ol samting em i mekim.
Presim em bikos em i bikpela.

Presim em wantaim ol bigul.
Presim em wantaim ol gita na ol samting bilong singsing

Presim em wantaim ol dram na danis.
Presim em wantaim ol paio bilong mekim musik.
Presim em wantaim ol kapa bilong mekim musik.
Presim em wantaim ol moa yet
Presim Lord, olgeta samting
Presim Lord.



Psalms 67/150

Long Pot Mosbi So yu bai lukim planti kain kain samting i kamap long graun na i kamap long wok bilong ol pipel. Bai i gat kain kain bilas na kastom bilong olgeta pipel bilong dispela graun i kamap tu.

Painim taim long kam lukim Baibel Sosaiti Haus Namba 105D (hapsait bilong CHM Musik Haus) na lukim planti kain toktok i kamap long Gutnius long ol gutpela prais.

Baim wanpela So beg, wanpela poket Baibel, ol komik na ol narapela Baibel stori na ol singlis. Na kisim ol samting bilong rit bilong ol pikinini.

Baibel Haus Koki,
P.O. Box 335
Port Moresby,
Ph: 321 7893 Fax: 321 4544



Lae
6th Street
P.O. Box 1071,
Ph/ Fax 472 4849.

MUTRUS




TRUPNG

PROUD SPONSORS OF PORT MORESBY COUNTRY SHOW

GOVERNMENT WARNING SMOKING IS DANGEROUS TO HEALTH



1999 Mosbi So



Ol singsing rumba na

Moitaka so graun
 bai pulap long
 kainkain kaka
 bilong rapu
 Niugini
 dispen so
 wiken. Ho
 ol sampet grup
 husat bai
 kamap long s...



1999 Mosbi So



Kirapim stail bilong sindaun long ples

SO Sosaiti bilong Mosbi i tingting nau long kirapim wanpela skul bilong wok egrikalsa long Nesenel Kepitel Distrik.

Seketeri bilong Mosbi So Sosaiti, Collin Murray, i tokim ol niusman na niusmeri olsem sapos olgeta toktok i stret, dispela skul bai stap long Moitaka So Graun, ausait tasol long Mosbi Siti.

"Dispela em wanpela projek tingting so sosaiti i gat bilong kirapim long taim bihain, em i no samting bilong mekim nau tasol," Mista Murray i tok.

Tupela nesanel lida long Palamen husat i gat sampela save na sapatim dispela tingting em Memba bilong Mosbi Saut, Ledi Carol Kidu na Kairuku/Hiri MP, Moi Avei.

"As tingting bilong dispela kain skul em long helpim ol pipel long ol ples na setelmen i painim gutpela rot bilong bringim ol kaikai bilong ol gaden i go long maket."

Mista Murray i tok long wankain taim tu, dispela skul bai inap helpim ol lain bilong ples na setelmen i kisim liklik save bilong rit na rait.

"Mani na ol wok samting bilong kirapim dispela skul bai kam long ovasis. Na long nau yet, tingting tasol i stap na so sosaiti bai bihainim long ol taim i kam bihain."

Em i mekim ol dispela toktok bilong wanem long nau yet, Mosbi So Sosaiti i wok long redi long holim namba 47 so insait long bikpela siti bilong Papua Niugini.

Mosbi So i save kamap long olgeta yia long mun Jun, na so bilong dispela yia bai kamap gen long Moitaka So Graun long Sarere i go inap long Mande - Jun 5, 6 na Jun 7.

"Het tok bilong dispela yia i sut bihainim tingting bilong ol ples long Papua Niugini," Mista Murray i tok.

"Mipela laikim olsem moa Papua Niugini man, meri na pikinini i mas bringim ol pasin tumbuna, bilip na kastam bilong ol i kam soim long so bilong dispela yia.

"Mipela i laikim tu olsem ol pipel yet i mas kamap na stap insait long ol pilai na arapela bung em i kamap long taim bilong so. I no gutpela long lusim tasol ol arapela lain i soim ol samting bilong ol."

Olsem na long planti pilai na bung em bai kamap long neks wik Sarere, Sande na Mande, ol ogaisa bai askim ol man, meri na pikinini long stap insait na soim ol stail, strong na save bilong ol. Sampela bilong ol kain pilai em bai kamap long so em tupela ragbi tas resis - wan wan tim i mas gat 7-pela memba, resis bilong karim baket wara na ron, tupela PMV bai soim ol stail bilong ol, pulim rop (6-pela

man/meri long wan wan tim), ol ami, plis na woda bai ron resis, 6-pela man/meri bai karim baket wesana na ron, na resis bilong kaikai mit pai na dringim botol Coca-Cola. Tupela narapela bikpela samting em bai pulim planti man, meri na pikinini wanem samting ol i kolim long tok Inglis olsem Wheel of Death.

Wanpela man bilong Melbon long Australia, M. Grant, bai ronim motobaik bilong em insait long wanpela draipela bal em ol i wokim long ain. Em bai ron i go antap, i kam daun na i go i kam long sait sait. Na long olgeta taim, em i mas traim long holim em yet i stap antap long motobaik bilong em.

Ol lain wansolwara bilong yumi tu long Kuk Ailan bai soim tu ol stail danis na pasin tumbuna bilong ol.

Long bikpela Emfitieta, Chin H Meen Studio tu bai bringim

kamap namel long 15 na 20 laip ben long pilai long wan wan de, stat long Sarere i go inap long Mande.

Mista Murray i tokaut tu olsem so sosaiti i kisim pinis toksave olsem namel long 300 na 400 plisman na plismeri bai sambai long taim bilong so.

"Long wankain taim tu, so sosaiti yet bai sanapim ol sekuriti man na meri bilong em yet, em bai inap long 200 man na meri.


"Bai i gat tu ol saveman na wasman bilong ol marasin nogut olsem ol spakbrus na ol arapela.

"I gat bikpela tambu tu long bringim ol samting bilong pait, bia na arapela strongpela dring i go insait long banis bilong so."

Tupela bikpela sapota bilong so inap long 5-pela yia nau, Coca-Cola na Mutrus, tu bai putim kamap ol kain kain resis bilong ol man, meri na pikinini long winim ol samting.

1998 Stall Registered List

- No: 1. (Charlie Miller)
- 2.
- 3a. Hohola Softdrinks
- 3b. Big Rooster
- 4. Evercrisps
- 5. APEX Club
- 6. Rotary Club
- 7.
- 8 Wills (PNG)
- 9. Elizabeth Guri
- 10. John Paul
- 11. Chris Agai
- 12. Alphones Jagui
- 13. Joe Kiak
- 14. Anubi Arun
- 15. Anubi Arun
- 16. Josephine Bonny
- 17. David Kamong
- 18. Kunuku Tae
- 19. Luke Yangum
- 20. Moses Ako
- 21. Sayon Sawa
- 22. John Mariaki
- 23. Kotu - Bulum
- 24. Datev Family
- 25.
- 26 Janet & John Pat
- 27. St. Therese Primary School
- 28. Datev Family
- 29. Sam Bundal
- 30. Simbu Adventist Student Ass.
- 31. NSS Nakawa
- 32. Dickson Anil
- 33. Janet & John Pat
- 34. Christina Kora
- 35. Watson Bayama
- 36. Voskul Mavun Club
- 37. Loisuli
- 38. Caveman - UPNG
- 39. Margaret Yawape
- 40. Sopyy Arts Supply
- 41. Giwai-Mariaki
- 42. Monica John
- 43. Anubi Arun
- 44.
- 45. Morata Foundation
- 46. Leonie Joku
- 47. Yambo Kwake
- 48a. Maria Dept. Store
- 48b. Maria Dept. Store
- 48c.
- 48d.
- 48e.
- 48f. Michael Gigimal - NCDC
- 48g.
- 48h.
- 48i
- 48j
- 48k. TST Trading
- 48l. Mr & Mrs Kuringi
- 49. Dept of Works Trans. & Civil Aviation
- 50a. Lae Biscuit
- 50b. Consumer Affairs
- 51. Revival Centre of PNG
- 52. Sunlit Advertising
- 53a. STC
- 53b. STC - Miriam Holmes
- 55. Sunlit Advertising
- 56a. Joe Puri
- 56b.
- 56c.
- 56d.
- 56e.
- 56f
- 57. Metro Multi Services
- 58. Kamane Wamale
- 60.
- 69.
- 70.
- 71. Rini Semb
- 72.
- 73. Samb Bundal
- 74.
- 75.
- 101. Sunam Hockey Club
- 102a. Cheshire Homes
- 102b. St Johns for the Blind
- 103a. Police
- 103b. Police
- 103c. Police
- 103d. Land Utilisation
- 103e.
- 103f.
- 103g.
- 103h.
- 103i.
- 103j.
- 103k.
- 103l.
- 103m.
- 103n. Mrs Aruga
- 103o.
- 104a. St. Joseph Catholic Church
- 104b.
- 104c. SDA Student - PNG
- 104d. Post PNG
- 104e. Post PNG
- 104f. Telikom
- 104g. Telikom
- 104h. Rita Kipalan
- 104i. Christian Outreach Centre
- 104j. Boreboa Community School
- 104k. Narcotics Bureau
- 104l. PEA
- 104m. Salvation Army
- 105a. William Ipu
- 105b. Metro Multi Services
- 105c.
- 105d. Bible Society of PNG
- 105e. Discount Printers
- 105f. Elizabeth Bulli
- 105g.
- 105h. Maria Kaima
- 106a. Goiye Tei
- 106b. Jack Minig
- 106c. Amurt & Amurtel
- 106d. Eli Tongia
- 106e. Patrick Bae
- 106f. Kerry Agua
- 106g.
- 106h. Sitalewe & Noelene Group
- 107 Nestle
- 108. Dept. Of Health
- 109. Arts & Craft Pavilion
- 111a. Wasiam Toraso
- 111b. Augusta Samai
- 111c. Venom Trading
- 112a. Mercy Fabila
- 112b. Marisapurapia
- 112c. Agnes Raua
- 112d. Damangu Maul
- 112e. Beautifying Brigades
- 112f. Joyce Andrew
- 113. Linda Rau
- 114a.
- 114b.
- 114c.
- 115. Rei & Cathy
- 116. Rajah Trading
- 117. Roundhouse
- 120.
- 121.
- 122.



- 239. Mai Family
- 240a. Nelpok Mountain
- 240b. Rita Martin
- 240c. Mai Rona
- 240d.
- 240e. Jack Gori
- 241. Tei Kuno
- 242. Max Giubing
- 243. Watson Bayama
- 244. Joshua Kombap
- 245. YWCA
- 246. Mark Tine
- 247. James Yagari
- 248. Lower Wage Cultural Group
- 249. Max Ambone
- 250. Sussie Gareks
- 251. Jill Araho
- 252. Gigmai Kundun
- 253. Gideon Papik
- 254. John Mai
- 255. Teo Angana Eatery
- 256. Post Family
- 258. Anna Memapu
- 259. John Jim
- 260. Sine Mark
- 261. Mai Rona
- 262. Post Puma Rugby League Club
- 263. Sidi Laze
- 264. David Musal
- 265. Peter Wama
- 266. Peter & George A'afa
- 267. Orpah Unage
- 268. Wedau
- 271. Livestock Development Corporation
- 272. Horticultrual Section
- 273. Emmanuel
- 274. Laloki High School
- 275. CIS - Bomana
- 276. Dept. Of Environment
- 277. Mitre Homes
- 278. Pits Grand Stand
- 279. Childrens Playground
- 280. Childrens Playground
- 281.
- 283. Sports Stall
- 286. Committee Room
- 287. Committee Room
- 300. Committee Room
- 301. DAL - Oil Palm
- 123.
- 124.
- 125.
- 126.
- 129.
- 130.
- 135. PNG Recycling
- 136. Puka Nete
- 137.
- 138. Bob Sam
- 141. Koni Kiropas
- 142.
- 143.
- 145. Landa Family
- 147. Dick Tae
- 148. Wara Kalap Club
- 150. Matek Tuwut
- 201.
- 202. Red Cross
- 203. Sun Lit Advertising
- 204a. Oma Recording Studios
- 204b. Kohinon Enterprises
- 204c.
- 206a.
- 206b.
- 207. NBC
- 208. Scouts Association Of PNG
- 209a. Richard Bonibe
- 209b. Patricia Gideaia
- 209c.
- 210. Rothmans
- 211. Coke
- 212. Coke
- 213. Boral Gas
- 214. Yongos Trading
- 215a. Ramu Sugar
- 216.
- 217.
- 218. Kola Maima
- 219.
- 220.
- 221. De La Salle High School
- 222.
- 223.
- 224.
- 225.
- 226.
- 227. Steven Tapia
- 230. United Pentecostal Church
- 231.
- 232.
- 233. Dickson Anil
- 234. Mai Rona
- 235.
- 236. Tei Kuno
- 237. Wet Mambong
- 238. Tibut Rahun

OFFICIAL SPONSOR



Foapela opisa bilong Is Sepik greduet long kos bilong groim welpam

VERONICA HATUTASI
i raitim

IS SEPIK i lukluk nau long traime kirapim welpam projek long provins.

Wanpela bikpela as tingting long dispela em long givim wok na strongim ol Is Sepik pipel long go bek na sindaun long asples bilong ol yet. Dispela em ol Is Sepik pipel husat i bin lusim ples planti kismas i go pinis na ol i go wok long ol welpam projek insait long Wes Nu Briten provins.

Wes Nu Briten em dispela provins we i gat bikpela welpam projek long kantri. Taim em i kirapim dispela projek klostu long 40 kismas i go pinis long taim bilong koloniel gavman, em bin kamapim ol smol holda skim. Olsem na planti pipel long Is Sepik

em ol bin kisim ol long wok long ol smol holda blok long Kimbe na Hoskins. Ol dispela pipel tu i wokim bikpela kontribusen long ol wok developmen bilong Wes Nu Briten.

Nau ol Is Sepik pipel long ol welpam blok long Wes Nu Briten i kamap planti na i gat ol famili na ol bubu bilong ol i stap. Ol sosel hevi i wok long kamap namel long ol asples papagraun bilong provins yet bikos graun i sot na tu ol arapela hevi we ol yangpela bilong tude i kamapim na stap long en. Gavman bilong Wes Nu Briten i wok long toktok wantaim Is Sepik Provinsel Gavman long painim sampela rot long stretim dispela hevi na wanpela rot em long kism bek ol pipel bilong em. Na bikos ol i gat save long groim, lukautim na salim welpam sampela bikman bilong Is Sepik i laik helpim long traime kirapim ol welpam projek long provins.

Long mekim ol wok redi long dis-

pela samting, foapela yangpela man bilong Is Sepik i bin sindaun long tupela wik kos long skruim save bilong ol long pasin bilong groim na lukautim welpam.

Foapela i kam long ol eria olsem Sowom, Surumba, Swambakau na inlen Turubu. Ol dispela eria em ol i makim ol long kirapim ol welpam projek.

Oposisen Lida na memba bilong Wewak Bernard Narokobi i helpim long traime kamapim dispela projek. Las yia, em bin lukluk raun i go long ol dispela eria long Is Sepik na tu long Wes Nu Briten na tupela wik i go pinis taim foapela man i greduet long taim kos i pinis, em bin go long Kimbe long stap insait long greduesen bilong foapela man. Em bin stretim rot, balus, kaikai na peimen long tupela wik kos bilong ol.

Greduesen i bin kamap long Sarakolok, Mosa Lokol Level gavman eria.

Mista narokobi i tok bikos em bai

nidim bikpela mani long karimaut ol fisibiliti stadi bipo ol i kirapim projek, ol bai wokim projek ya long trail na era besis na sapos ol i lukim projek i go olsem wanem, ol bai kisim developa long skruim em (projek) i go moa.

Foapela i bin kisim skul long redim na lukautim ol neseri na ol sidling na taim ol i go bek long Is Sepik, ol bai wok wantaim ol klen lida long givim ol long graun na ol i ken groim welpam long ples bilong ol. Ol bin mekim wokabaut na lukluk raun i go long Mosa, Nu Briten Welpam limitit. na tu fektri na mil bilong welpam long en. Ol bin go tu long ol liklik smol holda projek eria na ol len setelmen skim long skruim save bipo ol i kirapim ol wankain projek long ol ples bilong ol long Is Sepik.


Wes Nu Briten Gavana Bernard Vogae i sapotim dispela projek na tu laik bilong ol Is Sepik pipel long go bek long asples bilong ol.

Tasol long wankain taim tu, em

i luksave long bikpela na gutpela wok ol i mekim long kamapim developmen na ikonomi bilong provins. Em i tok ol Is Sepik pipel i bin ol namba wan lain long kirapim ol smolholda welpam projek long Is Nu Briten long 1960's. Na ol i bin kontribut long wok kamap na ikonomi bilong provins. Tasol em i tok bikos long ol sosel hevi i moabeta long sampela bilong ol i go bek long asples bilong ol.

Ol lida i makim ol blok i bin givim sampela toktok tu long dispela greduesen na ol i tok ol laik go bek long ples tasol i mas gat wok taim ol i go. Olsem na Gavana Vogae i strongim toktok long ol arapela Is Sepik nesanel palamen memba long sapotim dispela projek we Mista Narokobi i statim.

Gavana i bin givim foapela bokis i gat 50 welpam sid long ol i go long Mista Narokobi. Ol dispelasid em ol bai statim dispela projek long foapela eria long Is Sepik long en.



• Nasing Opisa bilong Hailans Pasifik kompani, Michael, long Kuruumbukari main sait. Em i soim sempel bilong Nikel we ol i paimin long exploreesen na testim i stap. Piksa: Wenceslaus Magun.

Amerika givim K1 milien long sapotim na stretim ol wok long Bogenvil

GAVMAN bilong Amerika i wok long sapotim ol wok long painim gutpela sindaun na bel isi pasin long Bogenvil.

Long mekim kamap ol wok, Gavman bilong Amerika i wok wantaim Yuniatet Nesens Developmen Program (UNDP) na i putim bikpela sapot long ol developmen na restoresen projek we i givim sans long ol pipel long kamapim strong agrikalsa sekta, go insait long ol liklik bisnis projek we bai ol i pulim mani long en long sapotim laip na sindaun bilong ol na helpim ol long mekim ol disisen insait long laip, famili na komyuniti.

Stat long las yia, UNDP i karimaut wanpela agrikalsa projek wantaim helpim bilong Kakau na Kopra Bod na Dipatmen bilong Praimeri Industri long Bogenvil na ol komyuniti long ailan.

Dispela projek i wok long kamap gut tru long olgeta hap bilong Bogenvil na ol pipel i wok strong long planim na lukautim ol kakau gaden projek bilong ol. UNDP na Kakau na Kokoras Bod i amamas long gutpela go het long

projek na long las mun, i bin givim moa mani long skruim projek na tu givim ol moa teknikal na ol arapela helpim.

Nau Amerika i laik givim moa sapot long dispela UN Developmen Program long Bogenvil na long las wik Fonde, US ambaseda Arma jane Karaer wantaim UNDP residen kodineta Elizabeth Reid i bin sainim wanpela agrimen we US gavman i givim US\$ 450,000 (K1,035,000) long sapotim dispela restoresen na developmen program bilong UNDP long Bogenvil. Hap long dispela mani we mak bilong em i stap long US\$150,000 (K394,736.84) bai i go long helpim ileksen long Bogenvil we bai i kamap long sampela taim long dispela yia.

Helpim we Gavman bilong Amerika i givim bai sapotim ol Bogenvil program long ol dispela eria:


- Ol wok long stretim na strongim developmen long ol kakau projek long Bogenvil. Projek i sut long ol smol holda fama husat bai i kisim helpim long ol gutpela rot bilong planim na lukautim ol

kakau diwai na gaden na ol bai kamapim moa (kakau) put, helpim long ekstensen wok na ol trening sevis;

- Helpim ol wok na program i sut long yut developmen long ailan. Ol dispela yangpela man na meri em ol i kolim ol long "lost generesen" bikos pait i stapim na bagarapim skul na trening bilong ol.

- Helpim mani we Gavman bilong Amerika i givim bai kamapim ol trening na skil developmen program bilong ol yut na tu kamapim ol wok insait long olwok bilong stretim tingting, kamapim bel isis na stretim ples program;

- Komyuniti developmen. Bikpela samting long dispela em long sapotim ol komyuniti long kisim ol sevis olsem helt, edukesen, skruim save long ol liklik wok bisnis na strogim pasin bilong kamapim ol wok long helpim ol yet na i no lukluk long kisim helpim long ausait olgeta taim. UNDP i kirapim wanpela opis bilong em long Arawa, Sentrel Bogenvil na Fred Terry, Program opisa i wok long lukautim dispela opis ya.



YU GAT OL DISPELA HEVI O NOGAT?

- Nogat weahaus spes - Hevi long sekyuriti - Nogat kolstoa rum

Orait, Mipela i gat ansa bilong yu!

SIPING KONTENAS - DRAI NA I GAT FRISA

Contact:

Elizabeth Zarb, "THE CONTAINER LADY", Tradecorp International,
Ph: 05 617 4956 6162 Fax: 05 617 4956 6501, Email: tradeco@easynet.net.au

Ramu projek i no inap bagarapim ol samting ...Tasol ol NGO i no ting dispela em i tru

WENCESLAUS MAGUN i raitim

PLANTI toktok i kamap pinis olsem Ramu nikel na kobalt projek long Madang Provins bai bagarapim envairenmen. Highlands Pacific Limited (HPL) husat i go pas long dispela projek i tok, dispela em i no tru.

Insait long planti ol forum na miting HPL i holim wantaim ol papagraun, Madang Provinsel Gavman, Dipatmen bilong Envairnmen na Konsevesen, Dipatman bilong Minerel Risoses, ol siaholda, ol maining konferens na long ovasis, HPL i sanap strong tru long tok olsem projek bilong ol i no inap bagarapim envairenmen.

Long Mande long dispela wik, HPL i bung gen wantaim sampela mausmanmeri bilong ol non-gavman ogenaiesen long Mosbi ol i kolim ol yet long, 'NGO Environmental Watch Group' (NEWG) bilong putim ia long wanem ol toktok NEWG i gat long tokim ol.

Insait long dispela kibung, ol opisa bilong HPL i tokaut gen olsem kampani bilong ol i no inap bagarapim envairen taim Ramu nikel na kobalt projek i stat. HPL i bin askim NSR Envairnment Consultants Pty Ltd bilong Australia long karim aut ol wok painim long wanem kain ol hevi bai kamap long envairenmen, sosel laip bilong ol papagraun na pipel bilong Madang Provins, na kalsa bilong ol, taim Ramu projek i stat.

NSR na HPL i tokim ol NEWG memba olsem Ramu projek em wanpela bilong ol main we i gat inap risos na inap stap inap long 40 yia. Insait long dispela taim, projek bai givim planti helpim long sait bilong rolyalti, ekwiti, spesel sapot grant, infrastraksa, helt, edukesen na ol arapela sosel na ekonomik sevis.

Nau yet toktok i no klia amas pesen Orogen bai givim long ol papagraun tasol Madang Provinsel Gavman i kisim maus bilong ol papagraun long paitim toktok wantaim Orogen na tu HPL long luksave long tingting bilong ol papagraun.

Wara bai bagarap o nogat?

Dairekta bilong NSR, Stuart

Jones wantaim ol opisa bilong em i sanap strong tru long tok olsem Ramu projek bai i no inap bagarapim ol han wara long Kurumbukari bikos ol i no inap yusim ol minerel long brukim graun malmalum long main eria.

Ol i tok tu olsem kampani bilong ol bai i no inap troimoi pipia i go insait long ol wara na Ramu wara long wanem ol i save ol pipel bilong PNG i save yusim wara, bus, graun long stap laip.

HPL na NSR i tok kampani i painim aut olsem samting olsem 6 mita mak bilong ren i save pundaun long Kurumbukari eria long wanwan yia na dispela ren wara bai wasim planti graun malmalum i go long ol wara long main eria na i go long Ramu wara.

Wailbus bai bagarap o nogat?

Noki Makap bilong Makap Envairnment Konsalten husat NSR i kisim long helpim wantaim ol wok painim long Ramu projek i tok olsem kampani bai rausim 10 pesen bilong bikplea wailbus long Madang Provins, taim main wok i stat.

HPL Kampani bai wok insait long 50 hekta eria long wanwan yia long Kurumbukari na kampani bai digim nikel na kobalt long 1000 hekta graun. Bihain long wan yia, kampani bai putim bek graun i gat gris i go long hul ol i digim bilong kisim graun malmalum i gat nikel na kobalt na planim bek ol diwai na larim wailbus i kamap gen.

Insait long taim bilong wok, long Kurumbukari, kampani bai klinim bus, katim ol diwai bilong kisim plang, digim graun i gat gris na hipim long sait na bihain digim graun malmalum i gat nikel na kobalt we ol bai miksim wantaim wara na pamim long paip i go daun long Basamuk rifaineri long Raikos.

Paipain bai kamapim wanem kain hevi?

Mista Noki i tok, bikpela bilong dispela paip em i olsem 500 milimita raun na longpela bilong dispela paip em i olsem 134 kilomita, stat long Kurumbukari i go olgeta long Basamuk.

Em i tok, HPL bai klinim bus long mak bilong 20 o 30 mita namel long Kurumbukari main eria i go daun long Usino rot bung. Long Usino maus rot, paip bai bihainim Madang Ramu haiwe i go long maus rot bilong Raikos na katim i

go long Basamuk basis bihainim Raikos rot. Basamuk basis i stap samting olsem 50 kilomita saut long Madang taun.

Mista Noki i tok paipain bai i no inap bagarapim bikpela bus, na tu i no inap rausim ol ples. Tasol sapos em i bagarapim gaden, o ples, HPL bai baim kompensesen long ol papagraun. Long sampela eria we ol pipel i save yusim olsem rot bilong go long gaden o ples, HPL bai planim paip long graun bilong mekim isi long ol pipel i wokabaut.

Em i tok dispela paip bai i no inap karim wara i hat o i gat ol kainkain marasin nogut bilong kilim man, na ol bus o abus. Nogat. Paip bai karim graun malmalum i miksim wantaim wara i go long Basamuk basis we fektori bai stap.

HPL bai mekim wanem long ol masalai graun na wara?


Mista Makap i tok em wantaim ol wanwok bilong em i mekim planti wok painim long painim aut wanem ol graun, ol asples pipel long Kurumbukari na Basamuk i save tambuim ol pipel long go katim bus na wokim gaden, painim abus, o wanem ol wara ol i save tambu long go waswas na paim pis long en bikos em i ples masalai.

Wantaim ol kain graun, tais wara, wara, bus, Mista Makap i tok, HPL bai bihainim laik bilong ol pipel long wanem samting ol i laikim. Sapos ol i no laikim kampani i bagarapim masalai graun na wara bilong ol, HPL bai harim tok bilong ol na lukautim.

Sampela ol eria we ol asples i save yusim long pasin kalsa, ples masalai, em kampani i luksave pinis na bai i no inap long bagarapim taim wok i kirap. Tasol em i tok tu olsem insait long taim projek i kamap, kampani bai bagarapim sampela ol eria we ol pipel i gat bikpela luksave long ol o long tok Inglis 'archeological/cultural significant sites'.

Mista Noki i tok samting olsem 132 pipel i stap long Daunagari ples. Na ol i askim pinis HPL long larim Mt Kua na ol wail bus long dispela hap eria i stap olsem bipo.

Em i tok ol pipel i bilip olsem, Mt Kua em wanpela Masalai maunten. Long wankain taim, ol i laikim olsem, taim HPL i katim bus na digim graun long Kurumbukari, ol



• Eksploresen Menesa, Greg De Ross i tokaut long wok bilong Highlands Pacific Limited long Ramu nikel na kobalt main long Madang Provins.

wail abus, pisin na binatang i ken ronowe i go na hait long Mt Kua na ol bus klostu long en.

Ol i askim tu HPL long noken bagarapim wanpela tais wara i stap klostu long Mt Kua bikos em tu i wanpela masalai tais wara. Ol pipel long ples bilong ol tu i save go painim ol pis na ol abus bilong wara long dispela tais wara.

Kampani bai rausim amas ples na ol pipel long Kurumbukari?

Mista Makap i tok long Kurumbukari, Kampani i painim aut olsem ples Gaiji i gat 68 pipel, Morinau i gat 101 pipel, Miayi i gat 77 pipel, Kinimati i gat 26 pipel, Enekwai i gat 127 pipel na Folai i gat 15 pipel. Tasol tude moa pipel i wok long go sindaun long graun bilong ol, taim ol i harim olsem Ramu main bai kamap.

Em i tok kampani bai rausim tu ol pipel i stap long ol liklik ples bilong ol i stap insait long projek eria na putim ol i go long wanem ol eria i gat gutpela graun, bus biong painim wailabus, diwai bilong wokim haus, na kumu samting na ples we ol asples pipel yet i laikim.

Insait long ol dispela nupela setelmen, kampani bai wokim haus bilong ol pipel na tu putim gutpela wara saplai bai ol pipel i ken kisim gutpela wara bilong kuk, dring, waswas na stap laip. Dispela sevis bai kamap long taim, HPL i mekim wok, bihain long dispela HPL i no inap helpim ol papagraun.

Em tok taim main projek long Kurumbukari i pinis, em i laik bilong ol asples pipel long go bek na yusim graun kampani i mekim wok pinis long en o stap long nupela ples biong ol.

Mista Noki i tok bihain long 20 yia laip taim bilong Ramu main, ol wailbus bai kamap gen long ples kampani i kisim graun malmalum. Tasol em i tok, nupela bus bai kamap gen long main eria tasol i no wankain olsem wailbus we i bin stap bipo.

Em i tok HPL bai larim wanwan poket bilong ol wailbus i stap yet

long taim bilong main, olsem bai ol pikinini bilong ol wailbus, inap helpim nupela bus long kamap gen. Namel long Februari na Mas long 1999, wanpela tim bilong wanpela non-gavman ogenaiesen i bin karim aut wanpela patrol i go long ol ples we Ramu main bai kamap.

Dispela NGO i tok HPL i ting long putim ol asples pipel bilong Kurumbukari long Sepu ples insait long Usino Bundi ilektoret arere long wara Ramu. Ripot i tok ol pipel bilong Sepu i no amamas tumas long ol pipel bilong Kurumbukari i go sindaun long graun bilong ol.

Ripot i tok tu olsem ol pipel bilong Sepu i no save wanem nogut na gutpela samting dispela kain pasin bai kamapim long ol nau na bihain taim. Planti pipel i tokim ol wokmanmeri bilong dispela NGO olsem ol i gat bikpela pret tru long dispela taim long kain pasin kampani i laik mekim.

Wanpela mausman bilong dispela NGO i tok: "Dispela kain pasin bilong rausim ol asples na putim long narapela hap i wok long kamap nau long kantri bilong yumi.

Dispela kain pasin i no narakain long wanem, ol waitman i bin wokim long ol wan skin bilong yumi long kantri Saut Afrika, taim ol i go kisim kantri bilong ol na putim ol asples Afrika long ol blak taunsip."

Fektori long Basamuk bai bagarapim solwara o nogat?

Basamuk basis i stap olsem 50 kilomita saut long Madang taun long Raikos Distrik. Long baksait bilong en, yu inap lukim ol Finisterre maunten. Na samting olsem tu o tri mita long ples we HPL i gat tingting bilong wokim nikel na kobalt fektori long basamuk i gat karanas.

HPL bai yusim planti karanas long daunim strong bilong sulphur na acid long fektori taim ol laik mekim nikel na kobalt, bipo long ol i rausim dispela pipia na troimoi i go long solwara ol i kolim 'Vitiaz Moa i stap long pes 22



• Highlands Pacific Limited Madang branch manager, Mick Wilkes i putim ia long toktok bilong ol NEWG.

Ritim niuspepa o harim nius em bikpela samting long ol kalabus

FUZO PAUL i raitim

LONG las mun, Papua Niugini i bin amamasim Wol Pres Fridom De. Panti sapot na gútpela toktok i bin kamap long Praim Minsita, ol politisen, ol bikmanmeri insiat long media indastri na tu ol sampela biknem niusmanmeri bilong Papua Niugini.

Ol dispela toktok we i bin kamaut long niuspepa i bin givim plant gutpela na klia tingting long mipela ol grasrut manmeri long luksave gut long wok bilong mipela olsem ol niustman na meri, na tu givim klia luksave long ol pipel long raits bilong ol long save long wanem ol nupela senis na developmen i wok long kamainsiat long kantri.

Na tu luksave long raits bilong ol long autim tingting na wari bilong ol yusim televisen, redio na niuspepa.

Tasol nau mik no laik toktok long ol bikpela samting bilong fridom bilong nius. Mi laik sanapim toktok bilong mi antap long dispela hap tok we i tok, Rait bilong ol pipel long save long wanem nupela senis na ol developmen we i wok long kamap insait long kantri.

Lukluk long dispela hap tok i mekim mi gat wanpela kwesten. Mama lo bilong dispela hap tok i tok long ol pipel i mas gat dispela rait ausait long haus kalabus tasol o dispela rait i go tu long ol pipel insait long banis kalabus?.

Mi askim dispela askim bikos mi bin kalabs long Boram foapela

krismas olgeta na insiat long dipsela foapela krismas, mi bin luksave olsem Boram CIS taim em i bin kamap long 1952 i kam ianp nau 1999 i save tambu tru long ol kalabus lain i noken ritim niuspepa.

Long 1996 mipela ol kalabus lain bin wokim wanpela askim i go long komanda bilong Boram haus kalabus sapos mipela i ken kisim ol niuspepa na ritim.

Tasol komanda i tok Boram i no redi yet long kisim dispela senis.

Orait lng 1989 wanpela kalbus man ib in makim maus bilong mipela oleta na i bin go sindaun wantaim nupela komanda long mekim dispela askim gen. Komanda ya i bin tok orait tasol woda bilong banis kalabus i no oraitim olsem na dispela samting i no kamap gut.

Taim mi bin go stap insait long haus kalabus long Boram, mi bin luksave long dipsela hevi bilong i nogat sans long save long ol nupela senis na developmen we i wok long kamap long provins na kantri. Olsem na mi save bungim sans long harim o ritim nius, mi save traim long bek stori long ol brata kalabus lain long nait taim mipela i lai slip.

Bikos sampela taim mi save gat sans long go wok ausait na bihainim kam bek long banis long apinun.

Olsem na taim mi ritim wanpela niuspepa o harim nius long redio, em sans long mi go bek stori long ol boi insait long banis kalabus. Olsem na taim ples i go tudak, ol boi save kam bung na mi save

stori long ol wanem kain senis na developmen i wok long kamap long kantri na ovasis. Bkos mi gat sans long ritim niuspepa o harim redio nius.

Mi bin go stap kalabus long Boram 4-pela krismas olgeta stat long 1996 inap 1999. Na mi luksave olsem planti kalabus lain i nogat save tru long wanem kain liklik senis o bikpela senis i kamap long provins bilong ol o long taun na kantri na tu ausait long wol.

Planti husat bai kam aut long yia 2000 na i go bai paul olgeta na ol bai kisim longpela taim tru long luksave na save long wanem samting ol i mas mekim long mekim samting na stap insait wantaim senis ol i bungim long laip bilong ol.

Boram haus kalabus i mas larim ol kalabus i gat dispela sans long save long ol senis na developmen we i wok long kamap bai taim ol i kam ausait long kalabus, ol i ken save long wanem rot na pasin ol i mas mekim long lukautim na sapotim gut laip bilong ol bihainim ol nupela senis we i kamap.

Ol haus kalabus wokman i mas save olsem nius em bikpela samting long olgeta manmeri maski ol i stap kalabus o stap ausait.

Bikos dispela em save we ol i mas kisim long helpim ol yet long sindaun bilong ol.

Ol lain long ausait i save luksave long ol senis na developmen long nius na ol i save mekim ol senis ol i ken mekim long stretim laip na sindaun bilong ol o stretim wok na ron bilong bisnis bilong ol.


Olsem kalabus lain tu i wankain

lain olsem we ol tu i mas kisim save long stretim ol yet long laip we i hat o laip we ol i no save long

en bai ol i ken painim amamas na stretim sindaun bilong ol gut long famili na komyniti ol istap long en.



• Bikmeri ya em wanpela sapota tru bilong Wantok niuspepa, em i sindaun salim niuspepa long sait tasol.



KIBUNG BILONG KRAIS NA OL SAMTING GOD I WOKIM

"PAPUA NEW GUINEA"

Envairenmen o bus, graun, wara, solwara, wail abus, pisin, binatang, pis na olgeta samting God i wokim long graun na heven em i presen God i givim mipela. Em i soim bikpela laik bilong God long mipela. Wanem kain pasin yumi i gat long envairenmen i soim wanem kain laik yumi gat long God. Yumi mas lukautim envairenmen bilong yumi we God i wokim na i givim yumi olsem wanpela spesel presen.

Kam na harim singaut bilong baibel i go long ol pipel bilong PNG long lukautim nau ol samting God i wokim.

Wokabout bilong Reveren Peter Illyne long ol provins i go olsem:

- Goroka - Jun 7 na 8
- Mosbi Sir John Guise Stadium - Jun 12 na 13

Yu ken ringim ol dispela lain sapos yu laik save moa

| | | | |
|----------|----------------|----------|----------|
| • Goroka | YWCA | Telepon: | 732 1516 |
| • Mosbi | EDDIE SAUNDERS | Telepon: | 325 4873 |
| | | Fax: | 325 6955 |
| o | JOHN MOTISI | Telepon: | 325 8063 |

I kam long pes 21

Basin' long mak bilong 150 mita daun. Dispela sulphur na acid em ol marasin nogut we inap kilim man sapos man kaikai o dringim.

Eksplorasen Menesa bilong HPL, Greg De Ross i tok, long taim bilong wokim nikel na kobalt, kampani bai yusim planti karanas long daunim strong bilong acid na sulphur bipo ol i pamim i go insait long solwara. Insait long dispela pasin, ol bai pulim solwara bilong bikdaun i go antap na miksim wantaim olgeta pipia long fektori, long rausim win bipo long ol i pamim i go long bikdaun. Em i tok taim ol i rausim olgeta win na pamim pipia i go daun long solwara, nogat pipia bai kam antap.

Mista Ross i bilip taim pipia i go daun long bikdaun, tait bai pulim i go daun moa na i nogat bikpela sans bilong tait, na win i kisim ol pipia i kam antap na pusim i go long ol nambis bilong Madang o ol arapela hap.

Wantok i kisim narapela ripot i kam long Minerol Polisi Institut long Ostrelia na tu long Papua Niugini Fiseris Otoriti, na tupela ripot wantaim i soim olsem Vitiaz Basin em ples bilong strongpela win na tait.

Ripot i tok, long taim bilong Talio na Rai, dispela strongpela win inap karim ol pipia long mak bilong 200 mita daunbilo long solwara i kam antap na pusim i go long ol nambis bilong Madang Provins na tu long ol arapela hap bilong kantri.

Ripot i tok, dispela ol pipia nogut bilong Ramu main inap kilim planti ol pis, rip, na bikpela tru tuna pis we inap bringim US\$400 milien long wanpela yia long PNG. Ol pipel bilong Manam, Boem, Ruprup, Kadawar, Bagabag, Karkar, Long Ailan, Arop, na Siassi tu i gat planti bel hevi long pasin kampani i gat tingting bilong troimoi pipia long solwara. Ol ailan pipel bilong Is Sepik, Madang na Morobe Provins i save kisim planti kaikai long solwara olsem pis, rip, kumu, solwara bilong kuk, waswas na sol na planti arapela samting. Olsem na ol i no save tok

bilong HPL i tru o i no tru tasol sapos i no tru, ol bai bungim bikpela hevi.


Menesa bilong HPL long Madang Mick Wilkes i tok, HPL i no inap long yusim Yongki pawa bikos strong bilong Yongki pawa i no inap long ronim fektori long Basamuk. Em i tok tu olsem taim fektori i kamap na wok, ol i no laikim blek aut. Olsem na HPL bai ronim pawa stesin bilong em yet.

Em i tok dispela pawa stesin em bai wankain olsem Kanudi disel pawa stesin long Mosbi. Long paul tingting olsem fektori bai kamapim ol acidik ren, Mista Wilkes i tok em i no tru. Em i tok, PNG i nogat lo bilong 'emission' o smok bilong ol fektori, olsem na HPL i yusim 'emission' lo bilong Amerika na Australia long Basamuk fektori.

Mista Makap i tok HPL bai yusim samting olsem 160 hekta tasol bilong graun long Basamuk long mekim fektori, ples bilong ol wokmanmeri long slip na bisnis senta. Em i tok bikpela eria long Basamuk em i gat kokonas plentesen na bikpela eria bilong dispela plentesen em bilong Evanjelikol Luteran Sios bilong Papua Niugini. Em i tok tu olsem ples Mindere i stap klostu long ples kampani i gat tingting long mekim fektori. Nau yet HPL i wok long paitim toktok wantaim ELCPNG na ol papagraun bilong Mindere long baim ol. Basamuk graun i gat planti ol liklik maunten long baksait, planti kunai gras na liklik bus, we ol pipel i no save yusim tumas long mekim gaden, na planti wara we HPL bai yusim long fektori. Em i tok ol ples masalai we HPL i no inap larim i stap em, kampani i paitim toktok wantaim ol papagraun long baim ol kompensesen.

Siaman bilong ol NEWG, Wep Kanawi i tok NEWG i gat laik long sekim wok bilong HPL na tu bilong ol arapela maining kampani long PNG. Ol bai singautim ol NGO, Sios, Divine Word Univesiti sumatin na ol saveman bilong ol ogenaisesen ol i save wok wantaim long kam long PNG na sekim envairenmental plen bilong HPL bipo long wok i go het.

Liklik susa tromoi masalai man antap long tulip



LONG bipo bipo tru insait long Kapore distrik, (Aitape eria) i gat tupela susa i stap long wanpela maunten na nem bilong dispela maunten em Maunten Willie. Long dispela hap tupela tasol i stap. I nogat wanpela man, meri o pikinini moa i stap. Tupela yet i wokim wok bilong painim abus na wok gaden.

Wanpela taim, taim san i lait strong na em i gutpela taim bilong painim pis, tupela i kisim basket na painim pis i go antap long het bilong Wara Kimbu.

Tupela i no pilai long kisim ol pis, kindam na malio, basket bilong tupela i pulap na ol i pasim sampela long lip bilong diwai.

Mamige em wanpela masalai man. Em i gat kela na bikpela bel bilong em. Mamige i wok long supim Apuo ston tamiyok bilong em antap long Wara Kimbu i stap. Taim em supim antap bilong tamiyok? Tamiok i no sap tasol taim em sapim aninit bilong tamiok em nau tamiok i sup olsem na em bihainim wara Kimbu i go daun.

Em i go daun na lukim tupela susa i painim pis i kam antap. Hariap tru em katim lip bilong diwai Pindu na spredim olsem met arere long wara.

Em daunim tamiyok bilong em i go daun long bel bilong em pinis orait em slip antap long dispela lip.

Em tanim olsem wanpela bebi na slip ka - ol i stap. Tupela

susa harim na ting em bebi tru i karai olsem na tupela i go hariap long lukim. Taim masalai man ya lukim olsem tupela i kam em bikhet na karai moa yet. Tupela lukim na sori long em. Liklik susa tokim bikpela susa olsem. "Bai mi kisim em na lukautim em."

Tupela i no moa tingting long painim pis tupela kisim bebi na go bek long haus bilong tupela. Long haus tupela kukim pis, tanim saksak na givim liklik masalai bebi. Tupela katim saksak i go liklik inap long maus bilong bebi na laik givim tasol bebi i no kaikai na taim tupela givim bikpela saksak na bikpela pis em nau boi wokim save stret long kaikai. Bikpela susa lukim olsem na em save nau olsem dispela em i no bebi tasol em masalai ya.

Long nait taim ol i slip bikpela susa i no slip tasol em opim wanpeal ai na luk stil long bebi i stap. Em lukim bebi kirap long nait, tanim olsem masalai man, tromoim tamiyok bilong em na laik kilim tupela tasol em save

olsem bikpela susa i lukim em olsem na em daunim tamiyok gen, tanim olsem bebi na go slip.

Long moning taim bebi masalai i slip yet na tupela susa i kirap pas long kuk, bikpela susa tokim liklik susa long wanem samting i kamap long nait. Em nau tupela pasim tok long kilim masalai bebi long rot bilong painim tulip.

Taim bebi kirap liklik susa givim em kaikai pinis na tokim em olsem. "Mipela nogat kmu olem na bai yumi go painim kumu o tulip long het bilong maunten Wokopu. Dispela hap em long we olsem na yu noken karai long kaikai."

Tupela susa yu dabolim 20-pela bilum string na putim bebi masalai i go insait. Taim ol i wokabaut i go bebi masalai i katim fiftipela bilum pinis long tit bilong em. Ol i kamap pinis orait liklik susa karim masalai bebi wantaim em long bilum na go antap long diwai tulip. Taim liklik susa wok long katim han bilong tulip, masalai bebi i

brukim pinis namba naintin bilum. Em tanim olsem masalai man na i laik kilim liklik susa tasol nogat bikpela susa lukim na singaut olsem na liklik susa tromoi masalai man antap long tulip i go daun long maunten na em (masalai man) i dai.

Bihain long sampela taim wanpela man bilong ples Biagu insait long Kapore distrik i painim abus i kam na em kisim wanpela liklik sikau.

Em kamap long dispela ples o hap we bun bilong masalai man i stap. Em wari long lukim ol dispela bun bikos em ting ating wanpela man tru i mas dai long dispela hap. Bik man ya kisim ol bun bilong masalai man ya na putim long wanpela basket limbun ol i kolim man. Em karim sikau wantaim bunara/spia bilong em long lep han na bun bilong masalai man long rait han i go bek long ples.

Long ples em rausim spia/bunara na sikau i go daun pinis orait em laik rausim bun bilong masalai man ya tasol nogut bun ya i pas strong tru long rait sait bilong em.

Meri bilong em i wokim pas-pas (long tokples em Owl) i stap lukim na traim long pulim ol dispela bun long man bilong em. Man i pilim pen na tokim meri long larim. Tasol pikinini bilong man ya lukim na saye pinis olsem masalai i holim papa bilong em pinis.

Em kisim papa bilong em putim antap long garamut na katim nek bilong papa bilong em wantaim bun bilong masalai long wnpeal hol tasol. Em na mama bilong em tasol i stap long dispela ples (Biogu) namel long ol arapela famili. Na dispela em stori bilong nau liklik susa i kilim maalai na bun bilong em ol planim long ples Biogu wantaim wanpela man.

Titus Mau (Sal. B)
Alkula, Kapore Distrik
Aitape.



Nem: Dabie Ali

Krismas: 20 (man)

Adres: Las Mala Estate, P.O. Box 916, Kimbe, WNB.

Save laikim: Pilai gita, singsing lotu na laikim wankain tasol olsem mi yet bilong serim gutpela na stret tingting i go na kam. Mi bai amamas tasol long lukim na bekim hariap tru.

Nem: Gharthey Gomond

Krismas: 19 (man)

Adres: C/o Mr Gharthey Emmanuel, Supermarket (Ghana) Ltd, P.O. Box 151, New Town, Tema.

Save laikim: Pilai volibal, futbol, basketbal, tenis na senisim ol presens olsem poto, postim kat na ol arapela samting na laikim penpren long wol.

Nem: Patrick Alko Keltepu

Krismas: 17 (man)

Adres: Homeland Timber, P.O. Box 1583, Mt Hagen, WHP.

Save laikim: Kanage stori, stori wantaim ol wantok na olgeta bal gems.

Nem: Steven Wauwe

Krismas: 16 (man)

Adres: Wiawia Airstrip, C/o By MAF Goroka, P.O. Box 1080 Wiawia, Goroka, EHP.

Save laikim: Mi kaikai popo, painapel na ol planti kain kumu na mi wari long wanpela pren bilong mi long helpim mi.

Nem: Kamilus Kuni

Krismas: 18 (man)

Adres: Tokiawa Plantation, P.O. Box 76, Kokopo, East New Britain Province.

Save laikim: Laikim pilai spot na mi amamas tasol bekim pas bilong husat meri i salim pas i kam long mi.

Nem: Jacob Joe

Krismas: 31 (man)

Adres: Kimbe Town Authority, P.O. Box 127, Kimbe, WNB Province.

Save laikim: Raitim pas long penren na mi laik painim wanpela meri long bai mi tupela marit stret tasol. Na i no bilong raitim pas. Na senisim ol poto i go i kam. Bai mi amamas tasol long bekim ol pas bilong husat lain i rait i kam long mi.

Nem: Owa Emmanuel

Krismas: 14 (man)

Adres: Gasuke Community School, P.O. Box 42, Kiunga, W/P.

Save laikim: Go long skul olgeta de, go long lotu, mi save laik ritim laiberi buks.

Nem: Emmanuel Halman

Krismas: 12 (man)

Adres: Gasuke Community School, P.O. Box 42, Kiunga, W/P.

Save laikim: Go long lotu, pilai soka, helpim papamama long wokim gaden, na harim pop musik.

Nem: Francis Michiel

Krismas: 19 (man)

Adres: Kiunga MCM, P.O. Box 42, Kiunga, W/P.

Save laikim: Harim PNG Top 20 musik, save daiv na kisim pis, tok pilai na toktok wantaim ol pren, mi save painim gutpela meri long maritim.

Nem: Wilson Mario

Krismas: 18 (man)

Adres: Gasuke MCM, P.O. Box 42, Kiunga, W/P.

Save laikim: Go long sios, pilai tas ragbi, basketbal, harim PNG Top 20 musik, painim gutpela meri long marit na sindaun.

Mi wari long tupela lapun papamama bilong mi

Dia Laiplain,

Tupela papamama bilong mi i lapun tru na ol i nogat strong moa long wok long gaden, planim ol kaikai, brukim paiawut o kisim kopi na salim. Tasol i nogat man i stap long helpim ol.

Mi na ol arapela brata bilong mi i lusim ples na mipela i save wok long ol arapela provins. Ol susa i marit na ol i bisi lukautim ol famili na ol man bilong ol. Ol no save lukluk moa long tupela lapun papamama.

Mi wok long sikspela krismas pinis na nau mi laik trense i go bek long ples na lukautim tupela lapun papamama bilong mi. Tasol bos bilong mi i no luksave long askim bilong mi. Maski hamas taim mi raitim pas na pulumapim aplikesen long dispela samting, em no wokim wanpela samting tasol em i tromoim ol pas samting we raitim long kisim tok orait long en. Mi no amamas long dispela kain pasin tasol mi no laik risain. Long wankain taim tu, mi pilim strong olsem em i wok bilong mi long lukautim tupela lapun papamama ya.

Loyal Son

Dia Pren,

Wari yu gat long tupela papamama bilong yu i soim olsem yu wanpela gutpela pikinini



man husat i lavim tupela lapun bilong em. Bipo yu lukluk long rot we yu ken helpim tupela lapun long en, mipela i askim yu sapos i gat sampela samting we ol arapela famili memba tu i ken wokim long helpim long dispela situesen. Inap wanpela long ol arapela brata i kisim trense na wok klostu long ples we tupela lapun i stap long en na lukautim ol?

Namba tu em sampela susa bilong yu we i marit pinis i save stap klostu long tupela lapun ya? Inap yu askim ol sapos ol ken kisim sampela kaikai i go long tupela lapun long sampela taim? Na ol arapela hauslain bilong

yu olsem ol amkel, ol kandere? Inap yu toktok wantaim ol na askim ol tu long helpim tupela lapun ya. I gutpela sapos yu helpim ol wantaim liklik mani insait long wanpela mun long wokim dispela wok.

Yu mas kisim hatpela taim long stap long-we long tupela lapun husat yu laik helpim tumas tasol wok bilong yu i pasim yu long mekim dispela. Sapos yu trense, yu ken helpim tupela gut.

Yu wok long kampani long sikspela krismas na mipela i ting olsem em bai isi long yu long kisim trense. Tasol noken givap. Sapos bos i no givim gutpela ansa long askim bilong yu, orait go long narapela man husat i stap antap long bos.

Long wankain taim, inap yu salim mani i go long tupela lapun long helpim ol? Sapos yu singel man i moabeta long sevim sampela potnait pe na long wan wan mun na salim sekmani o postel oda i go long papa bilong yu.

Tuepal lapun i ken yusim dispela mani long baim rais na tinpis long stua na tu kaukau long ol ples lain. Dispela bai helpim ol na ol i no inap tingting long wok hat long gaden na ol arapela samting. Na tu yu no inap long wari tumas long ol.

Laiplain



Bik Bro REBO



HOI! IGAT SPES IGO BEK VANIMO?

NEKSD E OI GETA GO WET LONG WOF!!!



NAU OL I KALAP LONG WANPELA KRUIZ SIP NA OL I GO BEK LONG VANIMO!!!



SAPOS YUMI KAMAP LONG VANIMO, REDIM OL KAGO BILONG YUPELA.. BAI YUMI GOBEK LONG MOSBI.. OPIG LONG HIA BAGARAP PINIS!!!


TRU YAH! MIPELA LAKI STRET LONG GO RAUN LONG JAKARTA BIRD SUNAMI I KAM!



ATING OI GETA SAMTING BILONG YUMI MAS LUS PINIS LONG DISPELA SUNAMI HAIWARA.. OLOMAN! BAI YUMI MEKIM KIANEM?

REBO, HAU YU SANE OLSEM MIPELA I STAP RAUN LONG JAKARTA NA YU KAM PAIYIM MIPELA LONG HAP?

OL SOLDIA WOK LONG HAP NA OL I TOKSANG LONG MI



NAU OL I KAM KAMAP LONG VANIMO TAUN!!!



NEKSD E OL I STRETIM OL KAGO BILONG OL NA KALAP LONG WANPELA BALUS BILONG AMI NA OL I GO BEK LONG MOSBI!!!

FIT NATING! SSS!!!

IGO MOA NEKS WIK!



SIPAK MAIKY



NAU TUPELA BROKIM MAUNTEN LONG GO SOTKAT LONG ERIMA!!!



OL INOSANE OLSEM OL RASKOL I WETIM OL I STAP!!!

OL KAM!



(PUFF! PUFF!) KLOSTU NAU!

(PUFF! PUFF!) OLSEM MAUNT WILHEM STRET



PUFF! PUFF!

AH, BRO! AT LAST! YUMI KAM KAMAP PINIS.. TAIM LONG GO DAUN EM ISI TRU!!



TASOL NOGAT... TUPELA KAMFES TU FES WANTAIM BEROL BILONG GAN..

DON'T MUV!!



AAAHH RASKOL!!!

MAI, TUPELA TANIM TASOL NA SIKSTI KAMDAUN BEK!!!

IGO MOA NEKS WIK!



OPEN LETA I GO LONG OL MEMBA BILONG NESENEL PALAMEN LONG RURAL DEVELOPMEN TAKIS INSENTIV LONG 10 YIA TAKIS HOLIDE LONG OL PROJEK WE I ORAIT INSAIT LONG OL RURAL ERIA.

Dia ol Memba,

Ol pipel bilong yumi i makim yumi long bringim sosioekonomik developmen igo long ol ilektoret yumi makim. Em i tru olsem yumi wanwan i no inap long kamapim ol senis ol pipel bilong yumi i laikim. Tasol yumi ken wok strong long bringim ol gutpela invesmen igo long ol bus na longwe ples insait long provins bilong yumi. Developmen tasol i ken bringim tru fridom, ekonomik fridom, fridom we ol pipel i noken sot long ol samting, fridom bilong kisim gutpela laip na fridom long ol hevi bilong lo na oda.

Dispela open pas em bilong tokaut klia long ol sampela gutpela takis we i stap long pulim ol gutpela bisnis invesmen i kam long ol eria bilong mipela. Em i klia na i nogat wanpela hait pasin. Long dispela open leta, mi laik mekim klia long ol memba na bisnis investa long dispela samting we i stap insait long ol wok bilong takis long bisnis


developmen insait long PNG.

WANEM AS BILONG RUREL DEVELOPMEN INSENTIV?

Long kirapim invesmen long wanwan rurel eria.

WANEM EM RURAL DEVELOPMEN ERIA?

Ol rurel eria we bai i kisim luksave tasol i no ol eria we i stap long Petroleum Developmen Laisens we Petroleum lo (Chapter 198) i makim o Spesel Mainign Lis eria aninit long Maining lo (Chapter 195).



OL WANEM ERIA I STAP ANINIT LONG DISPELA RUREL DEVELOPMEN ERIA?

Ol dispela Distrik em rurel developmen eria:-

| DISTRK | PROVINS | DISTRK | PROVINS | DISTRK | PROVINS |
|-----------|-----------|----------|-------------|-----------|---------------|
| Amanab | Wes Sepik | Kandep | Enga | Nuku | Wes Sepik |
| Ambunti | Is Sepik | Kandrian | WNBP | Okapa | Isten Hailans |
| Angoram | Is Sepik | Karimui | Simbu | Pangia | Sauten HP |
| Bogia | Madang | Kikori | Galp | Pomio | Is NBP |
| Finsafen | Morobe | Koroba | Sauten HP | Rabaraba | Milen Be |
| Gollala | Sentrel | Lagaip | Enga | Rai Kos | Madang |
| Gumine | Simbu | Lek Mari | Westen | Ramu | Madang |
| Henganofi | EHP | Losuia | Milen | Tambul | Westen HP |
| Ialibu | SHP | Lufa | EHP | Tari | Sauten HP |
| Jimi | WHP | Lumi | Wes Sepik | Telefomin | Wes Sepik |
| Kabwum | Morobe | Maprik | Is Sepik | Wabeg | Enga provins |
| KaguaSHP | Menyamy | Morobe | Wapenamanda | Enga | |
| Kaiapit | Morobe | Mumeng | Morobe | Wonenara | Isten Hailans |
| Kaintiba | Galp | Nipa | SHP | | |

WANEM OL RAIT INDUSTRI?

Ol industri we i sut long Sevis, Praimeri o arapela industri. Tasol ol i noken:

- i noken industri bilong kamautim ol samting long graun na bus, fektor o transpotesen long ol naturel risos bilong Papua Niugini we i no inap groa gen; o
- industri we i nogat fiks beis long dispela hap eria, na i karim bisnis i go het yet long dispela hap eria.

WANEM OL DISPELA RUREL DEVELOPMEN INDUSTRI?

Ol dispela industri em ol rurel developmen industri:-

- agrikalsa prodaksen, prodaksen we i kamap stret long:
 - wok antap long graun o
 - stretim gen ol enimol o banis kalaruk long salim o kamapim wok long ol,
- komesel o industri wok we i pundaun insait long eria bilong Intanesenel stend ed Industri long oigeta Ekonomik Ektivitis bin kamap long 1990 aninit long Revison 3:

| Grup | Activity |
|------|----------------------------------|
| D | Manufeksaring |
| F | Konstraksen |
| H | Hotels na Resturens |
| I | Trenspot, Stores na Komyunikesen |
| J | Fainensel Intamediesen |

- Ril Estet, Renting na Bisnis Ektivitis na
- Arapela Komyuniti, Sosel na Pesenel wok

Toksave: Maa ripot long wanwan eria bilong ol wok, yu ken kisim long opis bilong mi o long Intenal Revenue Komisin opis.

WANEM TAKIS INSENTIV I STAP REDI?

Mipela i givim ol dispela insentivs

1. TAX HOLIDAY (TAKIS HOLIDE)

Inap 10 yia takis holide long ol nupela bisnis insait long ol dispela rurel eria.

2. DOUBLE DEDUCTION

Dabol didaksen long ol Export Maker Developmen Kos na Staf Trening Kos.

3. ACCELERATED DEPRECIATION

Depreciation i wanpela liklik bilong takis olsem bisnis inap kalim hevi bilong takis long wanwan yia. Dispela accelerate depreciation i larim kampani long hariapim rot bilong katim hevi bilong takis long wanwan yia.

4. WAGES SUBSIDY

Ol kampani husat i kamapim ol nupela prodak we i nogat kota o banis bilong takis long ol i ken kisim subsidi pemon i go inap 50-pela krismas bihainim pesentes bilong minimum wejes long wanwan fultaim wokman.

5. NON TAX INCENTIVES

Dispela i karamapim Credit Guarantee Scheme we treseri na komesel beng na Feasibility Study Scheme i save menesim na go pas long en long opis bilong IPA.

Wantaim dispela rot bilong rurel developmen skim, arapela rot tu i stap long ol rijon insait long Papua Niugini.

Ol wanlain memba, mipela i mas pusim long kamapim ol developmen long rurel eria bilong yumi. Dispela i no politiks. Dispela em wok bilong yumi long ol pipel bilong yumi. Larim yumi joinim han wantaim ol bisnis sekta long painim gutpela sindaun, gutpela sanap bilong mekim samting i kamap na kamapim developmen we i ken lukautim kantri bilong yumi.

HON. PASTO JACOB WAMA, MP
Minista bilong Fainens na Intenal Revenu

Long moa toksave na helpim, ringim Yogi Srikhanta long Ministri opis long 3226929.

KANAGE

"Em nau, narapela wik bilong mi ken"



Kanage em man bilog raun raun, olsem na em i no save long pasin bilong ples (pasin bilong tumbuna). Na tu em i nogat wanpela aidia long singim ol sori singsing long tokples. Na em i save stap long Mosbi na em bilong Okapa, EHP. Long lapun mama bilong em i dai na ol lain brata bilong en i ringim em na toksave long en olsem lapun mama hia indai pinis. Olsem na Kanage kalap long balus na kam antap long ples. Taim em kam long haus kraai. Em bikmaus wantaim na karai i kam, em i go insait long haus em lukim olsem ol nilim maus bilong bokis pinis na hat long lukim pes bilong mama olsem na em stat long paitim balus na kraai, semtaim em singim dispela singsing. Some body is knocking at your door, Oh o "mama why don't you answer, somebody is knocking at your door, na kraai nogut tru. Taim ol manmeri harim Kanage singim dispela lotu singsing olgeta paul nabaut bikos ol painim hat long lap. Yu save Kanage hia em wokim nating long lotu singsing ya.

J. Wanea Kainantu

Kanage go long Angoram haus sik long tam bilong imunasesen sut. Taim Kanage kamap stret long haus sik em lukim ol mama wantaim ol liklik pikinini i pulap tru long haus sik. Trangu Kanage sik tu na ol mama kirap tokim em, ori Kanage taim bilong yupela papa i pinis, em taim bilong ol pikinini long kisim immunisesen sut. Kanage tingim sik bilong em tu na boi tro-moi hap tok pisin long ol mama na nes, yupela olgeta harim, dispela olgeta pikinini yupela karim kam long haus sik ya, masin bilong wokim ol husat holim? Olgeta indai pinis long lap na bihain Kanage hatim ol, Kamon stretim dispela misin nau. Ol nes painim hat long dispela tokpisin na ol stretim Kanage na manki ya wel nating i go long haus.

Trestic Kakare Angoram

Kanage bilong Simbu long Bomai tasol ron bilong em raun long Mosbi i go na lapun na em go long ples. Em tingting long maritim wanpela meri long ples olsem na em go long olgeta hauslain na askim ol meri long maritim ol. Tasol paps Kanage stap longpela taim long hotples Mosbi olsem na olgeta gras long het bilong em lusim em pinis na kamap olsem liklik ples balus bilong em yet olsem Kundiawa ples balus na liklik tsol sanap arere i stap olsem na ol meri les long em. Trangu paps Kanage wari nogut tru. Tasol kain stail tingting bilong em tingim wanpela aidia pinis olsem na em go kisim mira bilong em na go sanap arere long wara i stap. I no long taim olgeta kum katim resa ya laik waswas na pulim lain i kam. Man paps Kanage hait na spai i go na em lukim wanpela gutpela meri tru paps Kanage belsut long meri ya na em save olsem em bai maritim em. Paps Kanage lusim ples hait bilong em na kisim mira bilong em na isi go sanap long pes bilong meri ya putim mira long pes bilong resa na lukim pes bilong em pinis long mira paps Kanage kisim Mira kwik taim tasol na putim long liklik bilong em na tokim meri ya olsem mi kisim tewel bilong yu pinis olsem na yu bai maritim mi nogat yu bai dai. Paps Kanage tok olsem pinis em das pinis long haus trangu meri ya les long maritim paps Kanage tasol em pret long dai olsem na em salim em yet long paps Kanage. Yu save samting tru em



paps Kanage giamanim em long mira na kisim meri nating. Na maritim em.

Tura Sine Pot Mosbi

Junia Kanage i no save gut long tok Inglis na papa i putim em long skul. Wanpela taim Junia Kanage i pait wantaim narapela skul mangi na em i paitim em na kraai stap. Orait hetmasta kisim tupela i go long opis na askim ol husat tru i asua, na boi ya tok Junia Kanage paitim em. Junia Kanage harim i no wanbel na kirap tokim hetmasta olsem! No teacher, it's him! He first throw his hands to me. When I want to bek it nau, he cry.

Ansphil Kadum Kimbe

Kanage i go raun long Kens (Ostrelia) na wanpela nait em i go long wanpela klab long dring. Insait long klab em ol waitman tasol na wanpela man Kerema tu i dring stap. Kanage i no bisilong man Kerema ya na i go saitim arere long ol waitman stap. Em wok long harim ol waitman laikim dring bai tokim baman olsem! Baman! "Ice on the roks." Man Kerema lukim Kanage nau kam askim em, Bro yu bilong wanem hap bilong PNG? Na Kanage bekim olsem! Never heard of it, na tokim baman, baman! Mi tu, ice on the roks. Em kisim na Yangoru drop long en, na tokim baman long wanpela moa "ice on the rock tasol. I go na taim em pinisim namba 4 glas em olgeta bun bilong em slek na ai bilong em i raun. Em nau kirap tokim baman! Baman wara na pundaun antap long wanpela tabol. Taim man Kerema lukim olsem kam askim em! Bro yu orait? Na Kanage bikmaus na tok lusim mi ya! Mi laik slip ya!

Ansaphil Kadum Kimbe

Kanage wantaim poroman bilong em. Tupela i raun i go long Buvusi maket. Nau poroman bilong Kanage i tokim em. Yu laikim waitpela o blakpela. Nau poroman bilong Kanage kaikai buai na em i spak. Em i tok unakapiauro. Tupela meri tanim na lukim poroman bilong Kanage i pasim ai long tupela. Tupela meri i tok. Ai bilong yu olsem Kau-o. Poroman bilong Kanage i bekim olsem, olsem wanem, mi pa-pa ya. Samting yu wari wari long en. Mi kisim pinis.

John Kanagi Kimbe

Kanage wantaim foapela poroman bilong

en. Ol i save pilai long holim as bilong ol yet. I go inap tudak, tudak nau, Kanage i pilim bel bilong en i pen. Nau Kanage i go toilet long bus. Kanage i pekpek wara pinis. Na em i kam ausait long bus. Poroman bilong Kanage i singaut long Kanage. Yu we, na Kanage bekim, mi ya, nau Kanage i nildaun na i apim laplap. Poroman bilong Kanage askim gen. Yu we! Na Kanage i bekim, mi ya, em nau poroman bilong Kanage i kam klostu klostu nau. Nau poroman bilong Kanage i laik tasim as bilong Kanage. Taim poroman bilong Kanage i holim as bilong Kanage na i laik rausim bek han, man. Em smelim, i smel pekpek na i tokim Kanage, yu paking tewel. Poroman bilong Kanage i ron wantaim pekpek na singaut wantaim, olsem pekpek mi holim pinis na mi smelim pinis. Kanage i askim poroman bilong em. Yu putim namel stret o arere. Nau Kanage i tokim poroman bilong em, C- Pik nogat poin - Tolai i gat poin.

Alois Yawa Kimbe

Kanage wantaim Misis na pikinini bilong en i stap long Bali Ailan, long liklik ples Penataboto. Nau Misis Kanage i tokim Kanage olsem, bai ol i go long bikpels, tasol Kanage i no harim tok bilong en, bikpela win i kirap long solwara i go insait long bikples na brukim olgeta samting bilong ol. Em nau, Kanage wantaim meri na pikinini bilong en, ol i hait long bikpela ston. Nau Kanage tokim meri. "Olsem," solwara i kirap yet. Orait Kanage i askim meri na pikinini biong en. Yutupela putim tingting wantaim mi. Em nau Kanage i beten. Olsem, papa yu stopim dispela solwara. Bai mipela go long bik ples. Nau Misis Kanage i kirap na tok, papa noken harim beten bilong en. Pestaim mi tokim em long go long bikples.

em giaman. Noken harim beten bilong em.

Babitumu Igoat Kimbe

Kanage bilong Wamo long Vanimo distrik, Sandaun provins. Wanpela taim em wantaim pikinini, na anti bilong em ol i go long gaden. Anti bilong em i save skul long Vanimo provinsal hai skul, na em i gat. 19 krismas. Taim ol i go kamap long gaden, junia Kanage i kraai long anti bilong em i mas karim em na tupela i go, anti bilong em i laik pispis, orait em i putim junia i sanap long sait bilong em na em stat long pispis. Taim em i pispis liklik junia i askim anti bilong em. Hey anti olsem wanem na pispis bilong yu i digim graun. Taim anti

bilong em i harim olsem, em bekim. Yu save wara bilong anti i no miks yet, olsem na em i gat moa strong bilong digim graun.

Gerald K. Klepx Vanimo

I bin gat wanpela dai man long ples bilong mipela na ol manmeri i bin go long dispela dai long haus boi. Bihain long olgeta manmeri i bin go ausait pinis, wanpela lapun man i kam na na sindaun maket i go stret long kofin na i karai i stap. Man 3-pela brata hia i hangamap ples klia stret, na turangu hia mekim save stret long karai. Wanpela meri i kam insait tu bilong karai, lukim 3-pela i hangamap i stap na i no moa karai i go long kofin. Em i save lukluk saut tasol i go long lapun, rabim ai bilong em na karai olsem i ... i ... i hanagamap. i-i-i-i. Hangamap na lapun i bin ketsim ai bilong em na i save stret olsem meri hia i wok long tok hangamap long em, na em. Tu i bekim wantaim karai olsem i...i...i. Larim i stapi.....i larim is tap. Tupela i pilai tasol wantaim maket i op.

Judy Ruthy Namatanai

Kanage em wanpela yangpela na gutpela strongpela blut bilong Sepik na i save wok wantaim wanpela Misis long sait bilong lukautim mani samting. Em nau, san i go daun, apinun i bungim graun na wok i pinis, tasol yangpela i abrus long kisim bas na go wantaim Misis long haus bilong em. Eyo! Long haus gen Masta i givim arapela het asua gen long Misis long givim em sampela mani long go painim sotpela meri Buka ol i kolim SP. Na Misis i tokim Masta long askim mani boi Kanage na hariap tanim na pasim ai long Kanage mas tok nogat mani. Sori ya! Trangu manki ya i no klia gut long sain Misis i soim. Em nau, Masta i stailim long tok mani em tok Muli na askim Kanage olsem Hey yangpela! Is there any Mulis for me? Yangpela blut nau ya i bekim. Yes Sir, I've got some Mulis for you na givim siti stret i go long haus kuk. Ol o man! Insait long Misis em bel kaskas stret, long wanem em i ting Kanage bai kamautim mani long poket. Tasol nogat Bha Bros i givim stret long basket na kisim tupela Muli ol i baim long maket na sut stret i go bek long Masta. Masta i lukim, Misis i lukim Kanage i holim. Masta bai tok wanem, Misis bai tanim olsem wanem, Kanage i ting wanem. Olgeta samting i paul.

Rhonda Nasombi Boroko

Yusim het na rait long Kanage na pas

Mi wanpela man mi save ritim oltaim ol pas na Kanage tok pilai na mi no save amamas long sampela man i rait long Kanage na pas i go long edita. Sampela toktok em ol i toktok long liklik samting we inap man yet i stretim long hap bilong ol yet.

Nau mi laik bekim sampela pas i kamap long Wantok Niuspepa long Epril 15, 1999.

Namba wan pas em bilong brata Stanley Kuma, Wewak. Het tok: "Traim na holim wok strong olsem pris, brata na sista." Tasol mi laik helpim tingting bilong olsem. Pre em i wanpela rot tasol yu mas helpim ol long en long sanap strong. Na tu i gat atoriti bilong ol i stap yu mas bungim ol na toktok wantaim ol. Em tasol Stanley Kuma.

Namba tu pas long bekim em i bilong Roy Andy, Kokopo, ENBP. Het tok: "Ol marit meri noken mekim pasin pamuk."

Yu brata bilong mi yu westim taim bilong yu long rait long Wantok Niuspepa. Yu yet yu save long ol dispela ol marit meri. Na i gutpela yu mas go klostu long ol na toktok gut long ol long gutpela pasin.

Dispela em i gutpela rot long yu mas bihainim taim yu lukim ol. Na maski long tok baksait long ol. Na tu yu mas kolim stret meri em i bilong wanem ples. Mosbi karamapim. Em tasol Roy Andy.

Namba tri pas long bekim em i bilong Jacob Lili, Kimbe. Het tok: "Katikis i asua long rait long Wantok." Yes, brata bilong mi. Yu stap long Kimbe na yu no save long wanem samting i wok long bagarapim hap bilong ol wok manmeri bilong sios.

Na tu yu wanpela Wes Niu Briten man, yu mas toktok long ol wantok bilong yu na maski go kam nabaut long Rabaul. Stap gut long ples na wokim wok bilong ol long komyuniti bilong ol yet.

Namba faiv pas long bekim em bilong John Dama long Kanage tok pilai. John Dama i rait long Kimbe, WNBK long Kanage tok pilai long wanpela wok meri bilong God papa na long holi baibel bilong tok bilong God papa.

Mi laik tokim yu John Dama olsem, "wokmeri bilong God na tok bilong God yu yusim long tok pilai Kanage em wanpela mining tasol yu bagarapim wok meri bilong God na tok bilong God long Mt 7:7."

Toktok we yu yusim, em toktok long pasin bilong pre. "Askim God na bai givim yu. Em mining bilong tok. Em tasol John Dama. Na husat i laik bekim o sapatim, rait tasol long Wantok Niuspepa bai mi ken lukim. God i blesim yu.

**Steven Sealom
Kokopo, Rabaul
ENBP**

Ramo na Barupu i noken pait long graun

Mi WANPELA manki long Aitape, Arop Wes Kos. Mi no amamas olsem ol Ramo i wok long kros pait wantaim ol Barupu long graun.

Mi laik askim brata Hergernas Aro husat i go pas long ol Ramo. Plis yu noken traim long pasim nating ol Ramo na pait kros wantaim ol Barupu. Yu yet yu save olsem yu nogat graun long dispela hap we ol Barupu i stap long en.

Brata! Yu gat wanem kain tingting na yu laik pusim ol Ramo long kros pait wantaim ol Barupu. Hergernas Aro, mi laik askim, yu save long wanem hap tumbuna bilong yu i bin kirap i kam olsem wanem nau na yu stap.

Sapos yu no save, plis yu manki nating tasol olsem na strongim skin olsem yu papagraun. Aro, Sapos yu papagraun, mi laik bai yu tok klia long mi long nem

Ramo. Ramo em wanem samting?

Sapos yu no save, plis noken traim long kros or pait long graun. Mi lukim yu olsem, nogat stori long het bilong yu. Hergernas Aro, Harim! Barupu i was long yupela ol Ramo, na givim yupela ples Ramo nau yupela i stap.

Ol Barupu i no laik larim yupela ol Ramo na mipela ol Arop i kilim na pinisim yupela Ramo pastaim.

Ol i was long yupela na givim graun long yupela, olsem na nau yupela i ting yupela i papagraun. Nogat tru.

Yu husat i laik rait na agensim mi o sapatim mi, rait tasol long Wantok Niuspepa.

**Gabriel Waille
Aitape, Arop
Sandaun provins**

Gavman na sios i wanpela bodi tasol

YUMI MAS amamas na tok tenkyu long God papa i helpim gutpela kantri bilong yumi PNG na i blesim ol lida bilong yumi long mekim kantri bilong yumi i gat amamas oltaim.

Dispela toktok i bihainim tasol ol wanem kain hevi nau kantri bilong yumi i laik stretim long ol toktok bilong Asbisop Brian Barnes i bihainim na autim long Ista selebren long Mosbi.

Yumi mas tok tenkyu long God papa long wanem kain hevi i soim ol lida bilong yumi bai ol i mas luksave long en na traim na stretim.

Singaut tu long olgeta gavman lida na ol sios lida long sanap bung wantaim na daunim dispela ol kainkain hevi i wok long bagarapim ol gutpela pipel bilong PNG.

Maski daunim narapela long wok bilong yupela na sanap bilong yupela yet. Karim

hevi bilong pipel bilong God na wokabaut wantaim. Nau klostu yumi putim lek long yia 2000 na bai wokabaut bilong pipel bilong God bai i olsem yet o bai gat liklik senis long en.

Olsem na gavman na sios i mas kamap bung wantaim long daunim ol kainkain hevi i wok long bagarapim ol gutpela pipel bilong PNG long dispela taim.

Dispela pasin bilong kamap bung wantaim em i wanpela gutpela rot long paitim toktok long daunim ol kainkain hevi.

Olsem na yumi mas tenkim God long Praim Minista Bill Skate na ol bisop bilong PNG i bung wantaim long paitim toktok long Vunapope ENBP long daunim ol dispela ol hevi i stap.

**Yut Lida
Rabaul, ENBP**

Bikhet pasin bikpela long Lae

Mi WANPELA mama bilong tripela pikinini na mi wantaim man bilong mi save i stap long Eriku insait long Lae siti yet.

Mi laik autim liklik wari bilong mi i go long bikbos o komanda bilong mobail skwat plis bilong Lae na tu long bikbos o PPC long Morobe provins wantaim ol bikbos bilong plis long Papua Niugini.

Wari bilong mi olsem; mipela ol pipel o komyuniti long Lae siti nau i no i stap gut olsem bipo. Mipela ol mama i stap wantaim bikpela pret. Mipela i save pret long go aut long maket, stua, benk, haus sik na go lukim ol pren.

Ol kainkain bikhet pasin olsem, paitim ol manmeri nating long strit, stilim ka na sut long en, repim ol meri, brukim haus na stil na spak long pablik ples i wok long kamap bikpela nau long Lae siti. Mipela ol

komyuniti i stap wantaim bikpela pret stret.

Ol plis long Lae olsem ol Tas Fos na CIB ol i no moa wok strong nau bikos i nogat inap plisman long helpim ol. Ol i draivim ka raun nating long Lae siti i stap.

Nau yet mi save olsem ol mobail skwat plis bilong mipela long Lae nau i stap yet long bikpela operesen long Bogenvil wantaim ol ami. Taim ol mobail skwat i stap, mipela i save amamas na raun gut na mekim wok bikos mipela save olsem ol i save wok hat stret. Ol raskol o bikhet manki long Lae i save pret long ol mobail skwat na mipela ol komyuniti i save i stap gut.

Nau yet ol mobail skwat i stap long Bogenvil na Lae siti i go bagarap olgeta long kainkain bikhet pasin na mipela pret

Sapos yu laik salim ol pas bilong yu i kam long dispela nuispepa. Salim i kam long dispela adres:

THE EDITA
WANTOK NIUSPEPA
PO BOX 1982
BOROKO, NCD.

Nogat wanpela sevis i go insait long Kawaina

Mi wanpela manki Kawaina insait long Kainantu Isten Hailens Provins. Mi laik autim tingting na wari bilong mi i go long memba bilong mipela long Obura Wanenara, Muki Taranupi.

Mipela ol pipel bilong yu i stap yet long tumbuna pasin. Mipela i no save kalap long wanpela ka long ples na i go long Kainantu. I nogat tru.

Mipela save brukim traipela bus na i go kamap long Aiyura na kisim ka na i go daun long Kainantu.

Olsem na yu inap senisim tingting na helpim ol pipel bilong yu na stretim olpela bris bilong mipela long Oera. Em bikpela wara tait na i rausim. Olsem na yu i stretim dispela ka i ken go i kam na helpim ol pipel bilong yu long ples.

Kempen bilong yu i brukim traipela bus na wara na maunten i kam long Kawaina na mipela i givim pul sapos long yu na yu kisim bikpela namba long kaiwaina. Olsem na mipela laikim yu stretim rot na bris tasol.

Em tasol na yu husat i laik sapatim mi o egensim mi, rait i kam long Wantok Niuspepa na bai mi lukim.

**Saipo Naiaro
Kawaina**



PNG HIT

Parade
1999

**SPONSOR -
TRADEWINDS**

| W/B | L/W | T/W | SONG | ARTIST |
|-----|-----|------|-----------------------|------------------|
| 8 | 6 | 1 | 16 x 4 | Connections Band |
| 2 | 2 | 2(4) | Wok Masin | Kanai Pineri |
| 1 | 1 | 3 | Oh Tingting | Demas Saul |
| 4 | 4 | 4(4) | Aunty Jane | Honai Rhythm |
| 11 | 8 | 5 | Suspect | Connections Band |
| 7 | 5 | 6 | Brendy | Blue Mates |
| 3 | 3 | 7 | Kopex Lewa | Kamezz band |
| 5 | 7 | 8 | Namaliau | Tamadogs |
| 6 | 9 | 9 | Sit Mi Bogia | Kulsun Taritos |
| 0 | 16 | 10 | Lalos Yo | Blues |
| 0 | 15 | 11 | Iduan Bay | Kulsun Taritos |
| 9 | 10 | 12 | Mango Uposi | Kulsun Taritos |
| 0 | 0 | 13 | Tuleple | Honai Rhythm |
| 14 | 14 | 14 | Tahiti Summer | Maruia |
| 0 | 0 | 15 | Blu Ais Blong Sentani | Kamezz Band |
| 0 | 0 | 16 | Wanfela Girl | Demas Saul |
| 10 | 11 | 17 | Sweet Darling | Maruia |
| 12 | 12 | 18 | Kayama | Maruia |
| 13 | 13 | 19 | Biguine A Gogo | Rod Dannys |
| 17 | 19 | 20 | Name Soda | Steve Lahui |

| | | |
|------|------------------------|----------------|
| IN: | Tuleple | Honai Rhythm |
| | Blu Ais Blong Sentani | Kamezz Band |
| | Wanfela Girl | Demas Saul |
| OUT: | Daigwai | Lia Osborne |
| | Te Rupe Rupe Natura | Rod Dannys |
| | I Rotó I To'u Ora Ra'a | New Generation |



PNG FM PTY. LTD.
Trading as
NAU FM
and
YUMI FM

P.O. Box 774,
Port Moresby
Papua New Guinea
Ph: (675) 320 1996
Fax: (675) 320 1995

**Fredah Kepkul
Eriku, Lae City**

Blue Kumuls bai testim Yunivesti gen

BLU Kumuls bilong Lae Futbol Asosiesen (LFA) i redi tasol long soim kala bilong en gen long dispela foapela de Nesenel Klab Sempionsip long Lae.

Blu Kumuls i no bin tingting long pilai insait long dispela tonamen tasol PNG Futbol Asosiesen i bin putim wanpela toksave kam olsem ol A sentas i mas i gat ol maina primias na rana ap tu i mas kik insait long dispela pilai resis. Olsem na ol i kilim skin tru long trening i stap.

Asisten Kosa Iso Matthew i bin tokim *Wantok* olsem ol i amamas tasol long kik. Olsem na ol i kilim skin long trening.

Ol i bin lus long Yunivesiti bilong Pot Mosbi long wankain taim bilong Nesenel Klab Sempionsip. Ol i bin lus 1-nil.

Matthew i tokim *Wantok* olsem em i gat olgeta manki husat i pilai long las yia i stap yet. Tasol em i tok em i lusim tupela mangi tasol i go long ol narapela klab.

"Mipela i lusim winga Clancy John i go long Barra na swipa Robin Jojo i go long Buresong. Tasol sem taim tu mipela i kisim narapela tripela mangi

long kisim ples bilong ol. Olsem na mipela i orait tasol," Matthew i tok.

Em i tok James Kuri bilong Lahi United na Jef Jeffrey Kasuka bilong Wewak bai kisim posisen long midfil-da. Em i tok tu olsem Kasuka em wanpela rep pilaia bilong Wewak skwat tu olsem na em bai yusim sampela save bilong em long pilai.

Em i tok olgeta mangi bilong em i redi nau long rausim dispela taitol we i bin lusim ol. "Mi gat gutpela pilaia. Long fowat bai ekspirien Brian Sikolai, Noel Sangrove, bai ron namel na long wing bai PNG rep Ken Gule na Maori Wasi bai lukautim. Mi yet (Iso) na olpela pilaia Michael Yagum bai stap long midfil na kontrol ol fowat long mekim ol umben bilong birua i pairap golkipa em Watson Gabana bai bosim," Iso i tok.

Em i tok tu olsem Isacc Paulo husat em wanpela gutpela golkipa em i bin lusim Blu Kumuls bilong Pot Mosbi.

I gat narapela tripela tim bilong man na meri bai joinim ol long makim sait bilong LFA long dispela Nesenel Klab Sempionsip. Ol tim ya em ol Blu Kumuls bilong ol meri, Barra bilong ol meri, na Mopi bilong ol man.

LFA redi long rausim ol klap i no baim fi

FRANCO NEBAS i raitim

LAE Futbol Asosiesen (LFA) bai stat long saspenim ol klap husat i no baim pilaia rejistresen fi wantaim afiliesen fi bilong ol.

Dispela em toktok i kam long ol eksekutyuv bilong LFA bihain long ol klap opisel na menesmen i no harim toktok long stretim dispela tupela samting hariap bihainim taim.

Jenerel Sekretari bilong LFA Augustine Guarim i mekim dispela toktok bihain long singaut bilong eksekutyuv i go long ol klap menesmen long kamap long wanpela miting long Mande long

LFA SOKA RIPOT

lukluk long dispela hevi.

Guarim i tok olsem i bin nogat wanpela bilong ol klap opisel i kamap long dispela miting.

Long dispela as, ol dispela klap husat i no baim fi bilong ol bai saspen bihain long dispela wiken, em i tok.

Em i tok dispela wiken em las sans bilong ol klap long wanem nesenel klap sempionsip bai kamap na bihain long dispela wiken bai ol eksekutyuv i stat long karimaut dispela eksen.

Ol klap husat i baim pinis fi bilong ol bai go het wantaim

kompetisen na husat i nogat bai i no inap pilai long wik i go.

Long wankain taim yet, tok i kam long Papua Niugini Futbol Asosiesen (PNGFA) olsem PMSA, Pablik Sevans na Lahi tasol i afiliet long resis long nesenel klap soka resis long dispela wiken.

LFA husat i no bin afiliet i luk olsem bai ol i no inap resis. Arapela klap bilong LFA husat bai resis tu long dispela wiken i no stretim ol fi we i luk olsem bai i no nap stap long dispela nesenel klap sempionsip.



• Tarangau ragbi lig tim bilong Wewak lig resis i amamas long kisim poto long *Wantok*. Poto: Fuzo Paul.

Orogen National Youth Soccer Challenge

5th July to 10th July 1999

Sir John Guise Stadium Port Moresby

Age Groups U7 to U17

Round Robin/Knockout Tournament

For Cup and Plate Trophys.

Age Group National Titles to be won.

Teams from all provinces are challenged to attend.

Port Moresby Schools Soccer Regulations apply with FIFA rules.

Register your team for 1999 or book your place for 2000 by filling in the form below and return complete with registration fee on a first come first served basis. Visiting teams shall have high priority. Registrations to close on the 12th June 1999.

Entry Form
Orogen National Youth Soccer Challenge

| | |
|--------------------|-----------------|
| Contact Name | Address |
| School Club | Fax |
| Phone | |
| Sponsors Name | Address |
| Teams to Attend | U7 - U12 |
| age as at 1 Jan 99 | U13 - U17 Girls |

Total Registration Fee
(K30 per team)

| | | |
|--------------------|------|------|
| Year of Attendance | 1999 | 2000 |
|--------------------|------|------|

Further informationa will be provided only upon receipt of both Entry Form and Registration Fee.

Post/Fax form to: The Chairman
Orogen National Youth Soccer Challenge
PO. Box 35
Waigani, NCD
Fax 3202209
Ph: 3217600
Attn: John Mogi / Joe Turia

Mumeng Roosters meknais long Morobe Kantri lig

MOROBE KANTRI LIG

MUMENG Distrik insait long Morobe provins i kamapim wanpela ragbi lig tim bilong em long stap insait long Morobe Kantri ragbi lig resis long Lae.

Mumeng Roosters i no nupela nem long ragbi resis bikos em i bin pilai ragbi bipo yet long Wau Bulolo lig na i gat sampela luksave na aidia long pilaim dispela spot. Aninit long olgeta nem, Zenag Roosters we ol i save pilai long Wau Bulolo lig resis, ol i go joinim Morobe Kantri lig long Lae dispela yia aninit long nupela nem Mumeng Roosters.

Wantaim sampela pilaia husat i save pilai bipo long ol taun na tu long ol hailans lig, ol i bung wantaim na skulim ol yangpela manki Mumeng tu long pilai ragbi we ol i kamapim tupela tim na i save go pilai long Lae olgeta wiken.

B gred bilong Mumeng Roosters nau i stap antap long poin lata bilong Morobe Kantri lig resis bikos ol i wok long winim olgeta pilai bilong ol i kam inap nau.

A gred bilong ol i wok long putim kamap sampela naispela pilai long olgeta wiken tasol em i gat bikpela salens yet long pilim presa na strong bilong A gred resis insait long taun.

Ol klap insait long Morobe Kantri lig em Angras, Bion Dogs, B14 Pirates, Mumeng Roosters, KL Tigers na Mosquitoes. B14 Pirates em ol sempion tim bilong las yia.

Mumeng Roosters i gat ol pilaia i kam long Zenag Fam, Parakris na Patep viles. Ol i tingting long bungim moa pilaia long neks yia we bai i kam long ol ples na stesin insait long Mumeng distrik.

Wanpela olpela pilaia na opisel bilong Mumeng Roosters, Sony Sandre i tok dispela spot bilong ragbi lig i go strong nau insait long planti distrik na ol yangpela insait long Mumeng distrik tu i gat dispela interes long pilai

ragbi lig.

Sony i tok planti taim ol manmeri i save tok Morobe provins na ol distrik wanwan em ol lain bilong pilai soka. Tasol em i tok dispela tingting i no moa wankain long tude. Sampela lain i pilai soka na sampela i laik pilai ragbi olsem na long dispela as, interes bilong pilai ragbi tu i go bikpela long ol yangpela.

Sony i tok wanpela driman bilong ol em long traim mekim nem i go insait long Cambridge Kap wanpela taim. Na sapos ol i mekim long Cambridge Kap, bai ol i mas soim tru olsem ol boi Mumeng i no lain bilong pilai soka tasol. Ol i ken slekim bun tu long dispela strongpela na hatpela gem bilong ragbi lig.

Sony i tok liklik taim bai anda 19 salens i kamap na ol i wok long redim ol yangpela bilong ol long go insait long Morobe Kantri anda 19 salens.

OL SP GEMS RIPOOT I KAM LONG

MRDC

wantaim Henry Morabang

PNG gat sans long winim ol medal long SP Gems

SEMPION kikkoksa na Karate pilaia, Stanley Nandex i gat bikpela tingting tru long winim gol medal long dispela sempionsip.

Nandex husat i gat namba long kikkoksa i wok tren hat tru long winim wanpela medal bilong PNG bihain long em i brukim han long las Saut Pasifik Gems long Tahiti long 1995.

Sempion Karate man i tokim WANTOK olsem em i gat bikpela long em yet na em i no wari long wanem ol pilaia bilong arapela kantri.

Nandex em i namba seven pilaia long wol na em i kamapim strongpela salens long ol arapela pilaia bilong wan solowara.

Jenerel Menesa bilong PNG tim

Numa Alu i tok olsem PNG i gat gutpela sans tru long winim sampel medal.

Em bai kisim gutpela salens tru i kam long Fiji, Nu Kaledonia, Tahiti na asples tim, Guam.

Alu i tok olsem Nandex i gat gutpela sans. Ol arapela spots i gat sans long winim medal em atletik we ol rana i wok long kamapim gutpela rekot long Darwin na long Grand Prix.

Gutpela nius em Clement Abai husat i winim 4-pela gol nau long Arafura na Grand Prix long Palau bai kamapim strongpela salens long 400m na 800m.

Arapela pilaia em Angela Way husat i winim gol medal long hai jump, Lyn Pokou gol medal long

1000m, David Kania gol medal long 3000m na Monica John gol medal long 100m.

Monica tu i winim wanpela silva long 200m, Morris Manai winim arapela silva long 3000m na Rachel Kapera i winim silva long 1000m na Mary Unido winim silva long 400m. PNG netbal tim em wanpela tim spot we i gat gutpela sans tru. Bikpela birua bilong em nau em Fiji. Ol arapela tim olsem Norfolk Island na Vanuatu. Alu i tok sofbal em wanpela tim we bai gat sans. Ol bai difendim taitel we ol i autim Guam long 1991 Saut Pasifik Gems.

Asples tim em wanpela strongpela tim tasol husat bai givim hat taim tru long PNG tim.

Lapun Parapa i karim flak bilong PNG

KEPTEN na mama bilong PNG basketbal tim, Salape Parapa i bin winim wok bilong karim flak bilong PNG long opening seremoni long John F Kennedy Hai skul oval long Sarere las wiken long Guam.

Sekretari Jenerel bilong PNGSF Sir John Dawanincura i tok Salape i winim dispela wok bihain long tim menesmen bilong PNG i tingim eksperiens bilong em long ol Saut Pasifik Gems bipo inap nau.

Meri Kereama insait long Galp provins i makim PNG long planti Saut Pasifik Gems. Long namba wan yia bilong em long 1983 long Westen Samoa, em i kepten bilong tim na ol i winim silva medal. Na dispela i mekim em i wok strong long pilai basketbal yet.

Salape i bin go pas long PNG tim long ol arapela intanesenel tonamen olsem Saut Pasifik Gems long 1987 long Nu Kaledonia we ol

i winim brons medal, 1991 SPG long PNG we ol i winim gol medal, 1997 Arafura Gems Darwin we PNG i pinis namba foa na long las yia Melanesian Basketbal tonamen long Vanuatu we PNG winim gol medal.

Em i tok em i no ting em bai winim dispela wok, na em i tok amamas long PNG Spots Federesen long luksave long em.

Salape i tok PNG i gat gutpela sans long winim gol. Em i tok PNG i mas winim gol long bungim Nu Silan long Olympik kwalifaia salens long pilai long Olympik Gems long Sydney 2000.

Em i tok olsem PNG bai yusim spit na ol mas sut gut long winim ol arapela kantri. PNG i no olsem ol arapela kantri we ol i gat longpela ol pilaia, tasol em i ting sapos ol pilaia bilong em i putim tingting long win bai ol i gat sans long pilai

long fainel bilong Saut Pasifik Gems.

Em i tok em i putim bikpela bilip long ol palaia na tu papa God long helpim tim long win.

Salape i tok em i bin kisim dispela kain helpim long 1991 Saut Pasifik Gems na em i ting dispela em wanpela rot tasol long winim gem.

PNG meri i stap long Pul A wantaim Fiji, Guam, Cook Island na Palau. Na long Pul B em Tahiti, Nu Kaledonia, Vanuatu, Amerika Samoa, CNMI na Solomon Islands.

Ol kantri i holim Saut Pasifik Gems em Fiji (1963), New Caledonia (1966), PNG (1969), Tahiti (1971), Guam (1975), Fiji (1979), Western Samoa (1983), New Caledonia (1987), PNG (1991), Tahiti (1995) na Guam (1999).

Gavana Gutierrez opim Saut Pasifik Gems

MOA long 5000 pipel i bin kamap long John F Kennedy Hai skul oval long lukim bikpela opening bilong namba 11 Saut Pasifik Gems long Guam long Sarere las wiken.

Bikpela samting i kamap long opening em ol asples pipel bilong Guam, Chamoro, i mekim liklik drama pilai long namba wan pipel i kamap long ailan bilong Guam.

Olgeta 21 kantri husat i bin kamap i mas long yunifom bilong ol. Papua Niugini olsem olgeta taim i save mekim, i winim tru olgeta kantri long gutpela kala bilong yunifom blak, gol na ret.

Gavana Carl TC Gutierrez i opim dispela gem bihain long ol skul manki i mekim liklik singsing tumbuna bilong ol asples Chamoro.

Presiden bilong Saut Pasifik Gems na Jenerel Sekretari bilong PNG Spots Federation Sir John Dawanincura i mekim bikpela tok amamas i go Gavana Gutierrez na Gavman bilong Guam long holim

dispela gem.

SP Gems em bilong kamapim gutpela prensip o poroman namel long ol kantri long wan solowara, em i tok.

I tru ol kantri i painim hevi long mani, Sir John i tok Gavana na komiti bilong em i mekim bikpela wok tru long painim mani long holim namba 11 Saut Pasifik Gems.

Sir John i mekim bikpela tok amamas i go long 350 voluntia husat i givim taim bilong ol long sapotim ol memba bilong ogenaising komiti long putim kamap dispela mini Olimpiks bilong Saut Pasifik. Olsem siaman bilong SP Gems Kaunsil, Sir John i tok welkam long ol kantri husat i kamap long stap long dispela gem.

Sir John i tok i tru planti kantri i gat hevi long mani tasol em i amamas tru long lukim 21 kantri olgeta i kamap long Guam.

Gavana tu i mekim bikpela tok

amamas i go long siaman bilong SPG Komisnin Randall Cunliffe long olgeta wok i mekim na dispela gem i kamap gut.

Em i tok long makim maus bilong olgeta pipel na Gavman bilong Guam em i welkamim olgeta spotman na meri long kam long Guam. Dispela gem i save kamap bihain long olgeta 4-pela yia we ol top pilaia i save resis long kamap top spot man na meri insait long Saut Pasifik rijon, Gavana i tok.

Eksekutyut Dairekta bilong SP Gems Kaunsil Clifford Cuzmon i tok amamas long Gavana long gutpela sapot bilong em, Gavman bilong Guam, Guam Nesenel Olympik Kaunsil, voluntia na olgeta kantri long kamap long Gem.

Em i tok Guam i brukim rekot insait long 4-pela mun tasol long redim olgeta wok bilong dispela bikpela Gems bihain long sampel hevi bilong wok politiks i bin kamap.

MRDC SPOT RIPOOT

SOFTBALL: TIM MENESA bilong PNG Sofbal Panue Uralia i gat bikpela tingting stret olsem ol boi bilong em i redim long winim bek gol medal long Saut Pasifik Gems.

PNG i winim medal long 1991 Saut Pasifik Gems long Pot Mosbi egensim Guam. long grenfainel.

Uralia i mekim dispela toktok taim PNG i wilwilim stret Amerika Samoa 11-0. Dispela gem em li olsem trening we kosa Arthur Kinakava i yusim ful tim long pilai.

Kosa i no inap mekim toktok bihain long jenerel menesa bilong PNG, Numa Alu i putim tambu long ol kosa long mekim toktok.

Alu i askim ol kosa long noken mekim toktok na larim ol long mekim wok. Em i givim pawa long ol tim menesa.

Uralia i tokim Wantok bihain long gem olsem PNG i gat gutpela sans.

Tasol em i tok tim bilong em bai i no inap lukdaun long ol birua tim.

Kinakava i yusim namba wan pita Patrick Pilak na em i soim olgeta pawa long nekim birua long Amerika Samoa.

Taim em i pits, nogat wanpela

samoia i paitim bal bilong em.

Gem namel long Amerika Samoa na PNG i strong tru long namba wan na tu ining. Amerika i mekim wanpela gutpela dabol-pilai we i mekim ol PNG i guria stret.

Tasol stail bilong i stap sotpela taim tasol

Insait long namba tri ining, PNG i opim get na Daniel Mong i paitim wanpela gutpela bal na bringim Robin Lambert, Tony Daple na em i yet i kam hom long go pas wantaim skoa.

Orait long namba foa ining, Allan Tomang i paitim wanpela gutpela bal na bringim Peter Urari na Robin Lambert i kam long surikim skoa i go long 5-0.

Dispela taim nau kosa Kinakava i senisim kosa na larim namba tu pita Anselam Bunbun i holim stia. Bunbun i rekotim 9-pela K2 olgeta we em i no givim sans stret long ol Amerika long skoa.

Ol Amerika Samoa i gat wanpela sans we wanpela pilaia bilong ol i stap long namba tri bes tasol em i no hom.

Ol arapela pilaia bilong i kam hom na surikim skoa i go long 11 poin em Allan Tomang, Tony Daple, Jerry Albert, Cornelius Bunbun na Dick Bart Jnr.



• Sofbal skevat bilong PNG bai pait hat long lidim bek taitel bilong ol long SP gems long Guam.

VOLLEYBALL: Ol ogenaia bilong SP Gems i mekim sampel senis na PNG i bin statim gem bilong em long Tunde. Ol i salensim Wallis Futuna na winim ol 3-2.

Volibal i statim gem bihain lik-

lik bikos Amerika Samoa i rausim tim bilong em na ol i wokim nupela pul.

Ol tim i stap long dispela pul em Tahiti, Fiji, Tonga na Federated State of Micronesia.

BASKETBALL: PNG mens basketball tim i kamapim wanpela strongpela pilai tru egensim long Tahiti.

tru PNG i lus 56-43, ol pilaia

olsem Baxter Travertz, Morris Asiba na Avue Parapa i kamapim gutpela gem stret.

LAWN TENNIS: Tupela biknem pilaia bilong PNG Lawrence Tere na Nathan Okeefe i kamapim gutpela gem tru egensim ol birua bilong ol long

Tonga.

Nathan i winim birua bilong em Angiaga Tenisi 6-3, 3-6, na 6-0. Na Tere i wilwilim stret birua bilong em Vaiea Fatai 6-1, 6-2.

NETBALL: Bikpela ren i bagarapim fainel kwata bilong netbal gem namel long ol susa bilong Vanuatu na PNG.

Long skoa long namba tri kwata, PNG i go pas wantaim

bikpela skoa tru 47-17 na bikpela ren i bagarapim skoa. Tupela tim wantaim i pasim tok long pinisim gem long tumora moning

Nem bilong tupela tim husat bai pilai long namba tu Stet ov Origin gem long Stadium Australia.

Nu Saut Wels - Blues tim em: Robbie Ross (Melbourne), Matt Geyer (Melbourne), Ryan Girdler (Penrith), Terry Hill (Manly), Adam MacDougall (Newcastle), Laurie Daley (Canberra), Andrew Johns (Newcastle), Brad Fittler (capt) (Sydney), Nik Kosef (Manly), Bryan Fletcher (Sydney), Mark Carroll (Souths), Geoff Toovey (Manly), Rodney Howe (Melbourne).

Reserves: Anthony Mundine (St George-Illawara), Luke Ricketson (Sydney), Ben Kennedy (Canberra), Michael Vella (Parramatta).

Kwinslen - Maroons tim em: Robbie O'Davis (Newcastle), Mat Rogers (Cronulla), Matt Sing (Sydney City), Darren Smith (Canterbury), Wendell Sailor (Brisbane), Kevin Walters (Brisbane) Adrian Lam (Sydney City, captain), Shane Webcke (Brisbane), Jason Hetherington (Canterbury) Craig Greenhill (Penrith), Gorden Tallis (Brisbane), Chris McKenna (Cronulla), Jason Smith (Parramatta).

Reserves: Ben Ikin (North Sydney), Steven Price (Canterbury), Tonie Carroll (Brisbane), Martin Lang (Cronulla).

• Paul Green (North Queensland) bai go olsem sedo pilaia bilong Adrian Lam.

-AAP

MINJ LIG RIPOT

Pait bruk namel long Bulldogs na West

BIKEPela pait i bin bruk namel long ol pilaia na sapota bilong Bulldogs and West taim ol i pilai long las Sarere.

Dispela pait i kamap taim skoa i sanap, West 16 na Bulldogs 6. Pilai i go rap sampela taim liklik na pait i kirap.

Ol pilaia na sapota i bin ronim narapela narapela insait long pilai graun. West na Bulldogs klab em bilong wanpela Kondika haus lain. Bes bilong West Klab em i stap long Gapnagl, klostu long Minj stesin na ol bulldogs i kam long het bilong Wara Minj.

Ripot i kam long Minj i tok olsem ol man tu i bin tromoi han long ol lains man. Referi long dispela gem em Kevin Yuants.

Wanpela lig opisal i kisim hap plang long skin bilong em taim em i laik helpim long stapim pait.

I bin gat liklik taim tasol i stap long kilok taim pait i kirap na i luk olsem gem ya bai ol i awodim i go long West.

Long narapela gem long Sarere, Spiders i dro wantaim Kubor United 16-16. Brothers na Cowboys i no bin pilaim gem bilong tupela bikos em apinun pinis na ples i tudak. Dispela gem bilong tupela bai ol i pilaim long narapela taim. Haiwe Raiders i bin stap bai.

Long las Fraide, ol klabs i bin pilaim ol gems ol i lusim long wik i go pinis. Dispela gems em ol i surikim i kam long las wiken bikos wanpela bikman long ples i bin indai.

Long Fraide, Bulldogs i bin wilwilim Brothers 14-12, Cowboys i kisim tu poin nating long Haiwe Raiders. Ol Raiders i no peim pilaia rejistresen na i no kisim fil. *Wantok* i save olsem Minj Lig bai rausim ol bihain long raun wan sapos ol i no hariap long peim rejistresen fi.

Spiders i givap namel na givim gem nating i go long West. Ol Spiders i sot long ol pilaia long dispela taim na wokabaut i go ausait long fil.

Kubor United i bin stap bai long dro na pilai long neks de, Sarere.

Long dispela Sarere, West bai pilai egenisim Brothers, Kubor United bai skelim bun, wantaim Cowboys na Bulldogs bai giamanim Haiwe Raiders na kisim nating tu poin.

Spiders malolo long dispela wiken dro.

Bipo long SP Kap gem namel long Waghi Tumbe na Simbu Angras long Sande, Brothers bai traim long banisim ol Cowboys. Dispela gem i bilong las wik, tasol tupela tim i no pilai bikos ples i tudak. Gem ya em keten reisa gem. Tupela tim bai i no laik kisim sem long ai bilong ol longwe man, husat i kam lukim resis bilong SP Kap.

Lahanis go pas long SP Kap resis

PETER MAIME i raitim

BIHAIN long raun 8, Cambridge Lahanis i stap namba wan long SP Kap ragbi lig resis.

I gat 5-pela moa gem i stap bipo long ol tim husat i stap antap long poin leda i go long fainels.

Lahanis i go pas wantaim 13 poin. Namba tu long Lahanis em Mendi Muruks husat i gat 12 poin arere long nem bilong em. Cambridge Hagen Eagles i stap namba tri wantaim 10 poin.

Faipwela top tim tasol bai i go insait long fainels bihain long raun 13 bilong ol SP Kap gems.

Maina semi fainel em long Julai 18, mesa semi fainel long

25 Julai, plimineri fainel long Ogas 1, na gren fainel long Ogas 8, 1999.

Ol narapela tim long poin leda em:

Spear Waghi Tumbe long 8, Spear Rabaul Gurias tu i gat 8, Cambridge Port Moresby Vipers i stap long 7 poin, Toyota Enga Mioks i stap long 6 poin, Spear Simbu Angras i holim pasim 6 poin, LBC Lae Bombers i poroman wantaim 6 na NBPOL Kimbe Bulls i stap las wantaim 4-pela poin tasol.

De bilong fainel i kamap klostu na ol gem bai i go strong tru. Olgeta tim i gat sans long stap long fainel sapos ol i pilai gut na winim ol dispela faipwela gems.

Ol tim husat i stap antap long poin leda i no min olsem ol i stap long fainel pinis.

Sapos ol i no mekim gut long ol gems i kam bihain, em i isi long mekim rot long ol tim husat i stap daunbilo long poin leda.

Long dispela yia, planti tim tu i save lus long hom graun bilong ol. Ol sapotas i save bel kaskas taim ol tim bilong ol i no save pilai gut long asples.

Dispela em nogut bikos sapos ol i no inap long win long hom graun, i gat bikipela sans long lus long graun bilong narapela tim.

Long dispela wiken, Tumbe bai pilai wantaim Angras long Minj. Tumbe i bin lusim 4-pela gems pinis na sapos em lus long dispela wiken, em bai nogut olgeta.

Muruks bai skelim strong bilong Lahanis long Mendi. Dispela bai wanpela strong-

pela pilai bikos tupela taim wantaim i stap long pes na seken long poin leda.

Gurias bai kisim balus long Rabaul i go long Hagen na pilai wantaim Eagles. Gurias bai lukluk long mekim aigir long Eagles.

Bombers bai wetim Vipers long Lae. Bombers i bin winim Simbu Angras long Lae las wiken, na kosa Steve Malum bai strongim ol manki bilong em long winim Vipers.

Mioks bai lusim Wabag na go olgeta long wel pam kantri long Kimbe na traim nil bilong NBPOL Bulls. Bulls i gat nem long bagarapim ol tim taim ol i stap long banis bilong smelim fainels. Sapos ol Enga Mioks i no was gut, bai ol i kisim taim long ol manki Wes Nu Briten.



• Wanpela pait i bin kamap long ragbi lig resis long Madang las mun taim *Wantok* i bungim na kisim poto. *Poto: Sape Metta.*

Eagles i palai antap gen

ROBERT BOMA i raitim

CAMBRIDGE Mt Hagen Eagles i holim pas strong rekot long win bilong ol taim ol i hamarim Spear Waghi Tumbe 27-22 poin long ai bilong bikipela sapotas long Rabiamul Oval long las wiken.

Dispela em i namba fo taim ol Tumbe i lus insait long resisbihain long ol i bin stat strong long 4-pela win long stat bilong resis. Eagles i bin daunim Tumbe 42 - 12 tupela wik i go pinis. Dispela i no bin luk olsem sans ol i bin win taim ol i bin pasim dua long ol wan lain Western Highlands na i no bin givim sans bilong ol long stap.

Long kik of tupela tim wantaim i bin soim olgeta stail bilong pilai. Ol i putim ol strongpela difens na bun bruk takol we i bin pulim ol planti sapot i go long ol.

Tupela tim wantaim i no bin skoa long stat bilong pilai tasol i bin wok long go strong long namel bilong fes hap bilong pilai taim Eagles i bin lid 14 -12 long fes hap.

Long seken hap bihain long ol Jiwaka lain (Waghi Tumbe) i bin kisim sampela gutpela toktok long kosa bilong ol i stat wok hat na mekim sampela rot i go insait long banis bilong ol Eagles tasol ol Kange i bin pait hat na sanap strong na strongim banis long ol Jiwaka.

Ol Eagles i bin go pas long winim wanpela isi 27 poin lid na was tasol long win taim ol Tumbe i bin hariap long kalapim lain bilong ol wantaim tupela trai we bin bringim skoa i go 22 - 27 na ol i bin stap long trai lain bilong ol Eagles tasol taim i bin pinis.

David Gomia, James Kops, Robert Benny, Albert Paka na Rex Ray i bin soim ol gutpela pilai long sait bilong ol Eagles taim Malcolm Nombri, Tobias Wakit, Jackson Mond, Frank Kaman na Daniel Ape i bin kilim skin long pilai strong long ol Jiwaka. Top pilaia bilong Tumbe i no bin go long fil long wanem em i bin kisim bagarap.

Tumbe namba 9, Malkom Nombri i bin tokim Ragbi Lig Nius olsem ol i bin pilai gut na mekim sampela gutpela wok tasol i nogat gutpela sapot insait long pilai we i bin mekim ol i pundaun. Em i tok bai ol i traim long wok long ol asua blong ol na mekim ol pilai bilong ol i kamap gut long narapela gem. Ragbi Lig Nius i bin traim long kisim toktok long Tumbe kosa Gabriel Keluwa na trena Andy Tumun tasol ol i no bin inap long kisim.



Wiken Spot Dro

PORT MORESBY RUGBY FOOTBALL LEAGUE INC. DRAWS

Round 9
Saturday June 5, 1999.
 Game
 1 09.00 C Hawks vs Kone Tigers
 2 10.30 B Defence vs West
 3 12.00 A Hawks vs Kone Tigers
 4 13.00 A Defence vs West
 5 15.00 A Post Puma vs Tarangau

Sunday June 6, 1999.
 Game
 1 09.00 C Waliya vs Gerehu United
 2 10.30 A D.Warriors vs Brothers
 3 12.00 A Waliya vs Gerehu United
 4 13.30 A Royals vs Souths
 5 15.00 A Paga Panthers vs Magani
PRL Oval 2

Saturday June 5, 1999.
 Game
 1 09.00 C Defence vs West
 2 10.30 B Waliya vs Gerehu United
 3 12.00 B Hawks vs Kone Tigers

Sunday June 6, 1999.
 Game
 1 09.00 C D.Warriors vs Brothers
 2 10.30 C Royals vs Souths
 3 12.00 B D.Warriors vs Brothers
 4 13.30 B Royals vs Souths
PRL Oval 3

Sunday June 6, 1999.
 Game
 1 09.00 C Paga Panthers vs Magani
 2 10.30 C Post Puma vs Tarangau
 3 12.00 B Paga Panthers vs Magani
 4 13.30 B Post Puma vs Tarangau

KOIARI RUGBY LEAGUE - SOGERI

Round 1/9
Date: Sunday June 6, 1999
Venue: Iarowari Sports Oval
 09.00 B S.Bears vs IBS Pukpuks
 10.00 B East Kongos vs H. Tigers
 11.00 B Sirinumu Owls vs T. Warriors
 12.00 B Ice Panthers vs C.Lakers
 Bye: Sogeri Choice
 01.00 A S.Bears vs IBS Pukpuks
 02.00 A East Kongos vs Hooks Tigers
 03.00 A Sirinumu Owls vs T. Warriors
 04.00 A Ice Panthers vs C.Lakers
 Bye: Sogeri Choice

RESULTS For Round 1/8 as Sunday May 30, 1999.

A grade
 East Kongos 20 def Sirinumu Owls 8
 Ice Panthers 30 def Sapphire Bears 8
 Hooks Tigers 20 drew IBS Pukpuks 20
 Sogeri Choice 16 def Trek Warriors 10
 Bye: Crystal Lakers

POINTS LADDER

| Club | P | W | D | L | F | A | Pts |
|---------------|---|---|---|----|-----|----|-----|
| S.Choice | 8 | 6 | 1 | 1 | 131 | 74 | 13 |
| Ice Panthers | 7 | 5 | 2 | 1 | 104 | 62 | 10 |
| IBS Pukpuks | 8 | 4 | 1 | 3 | 140 | 84 | 9 |
| C.Lakers | 7 | 3 | 1 | 3 | 101 | 30 | 7 |
| Trek Warriors | 7 | 3 | 4 | 66 | 95 | 6 | |
| Hooks Tigers | 7 | 1 | 3 | 3 | 78 | 86 | 5 |
| East Kongos | 7 | 2 | 5 | 51 | 60 | 4 | |
| S.Owls | 7 | 2 | 5 | 90 | 124 | 4 | |

OROGEN SCHOOLS SOCCER LEAGUE WEEK 13 DRAW (05.06.99) SATURDAY

Under 7 - Oval 8
 8.00-8.40 Murray A vs Bambi Primary
 8.40-9.20 St. Josephs vs Pomis
 9.20-10.00 Korobosea vs Murray B
 10.00-10.40 Ela Beach vs Gordons Int

Under 8 - Oval 3
 8.00-8.40 Korobosea vs Sacred Heart
 8.40-9.20 Ela Beach vs Murray
 9.20-10.00 Gordons Int vs Noblette
 10.00-10.40 St. Josephs vs Pomis

Under 9 - Oval 5
 8.00-8.40 St. Josephs vs Bambi Primary
 8.40-9.20 Noblette vs Ela Beach
 9.20-10.00 Korobosea vs Gordons Int
 10.00-10.40 Pomis vs Murray

Under 10 - Oval 4
 8.00-8.50 Murray vs Gordons Int
 8.50-9.40 Pomis vs Sacred Heart
 9.40-10.30 St. Josephs vs Korobosea
 10.30-11.20 St. Peters vs Ela Beach

Under 11A - Oval 11
 8.00-8.50 De La Salle vs Murray A
 8.50-9.40 Gordons Int vs Sacred Heart
 9.40-10.30 St. Josephs A vs B.Murray
 10.30-11.20 Pomis A vs St. Peters

Under 11B - Oval 11
 11.20-12.10 Korobosea vs St. Josephs B
 12.10-1.00 Ela Beach vs Wards Strip B

Oval 4
 11.20-12.10 Wards Strip A vs Butuka
 12.10-1.00 Murray B vs Pomis B

Under 12A - Oval 2/1
 8.00-8.50 Pomis vs Murray
 8.50-9.40 Holy Rosary vs KilaKila Prim
 9.40-10.30 Coronation Pri vs St. Josephs
 10.30-11.20 Korobosea vs Wards Strip

Under 12B - Oval 2/2
 8.00-8.50 St. Francis vs Gerehu C.A
 8.50-9.40 St. Peters vs Goldie River
 9.40-10.30 Korobosea B vs Bomana Com

Under 13A - Oval 6
 10.30-11.20 Ela Beach vs Gordons Int
 11.20-12.10 Bomana Com vs Korobosea
 12.10-1.00 St. Josephs vs Pomis

Under 13B - Oval 6
 12.00-1.00 Coronation Prim vs Waigani Prim
 1.00-2.00 Wards Strip vs Goldie River

Oval 7
 12.00-1.00 Bambi Primary vs Philip Aravure
 1.00-2.00 St. Peters vs KilaKila Prim

Under 14A - Oval 7
 8.00-9.00 Bomana Com vs Korobosea
 9.00-10.00 Gerehu C. A vs KilaKila Prim
 10.00-11.00 MM Lawyers vs Bavaroko
 11.00-12.00 Philip Aravure vs Holy Rosary

Under 14B - Oval 2
 12.00-1.00 Moitaka vs Butuka Com
 1.00-2.00 St. Francis vs Waigani Prim
 2.00-3.00 Ted Diro vs Pomis
 3.00-4.00 Wards Strip vs St. Peters

Under 15A - Oval 1
 8.00-9.00 Holy Rosary vs Ted Diro
 9.00-10.00 MM Lawyers vs Wards Strip A
 10.00-11.00 Pomis vs KilaKila
 11.00-12.00 Hohola Youth vs De La Salle

Under 15B - Oval 1
 12.00-1.00 St. Peters vs Pom Grammer
 1.00-2.00 Philip Aravure vs Gerehu Prim
 2.00-3.00 Coronation Prim vs St. Francis
 3.00-4.00 Sacred Heart vs Wards Strip B

Under 16A - Oval 1/S
 8.00-9.00 Moitaka vs Pomis
 9.00-10.00 De La Salle vs Sacred Heart
 10.00-11.00 KilaKila Sec vs Ted Diro
 11.00-12.00 Wards Strip vs Tokarara

Under 16B - Oval 1/S
 12.00-1.00 Don Bosco vs Laloki
 1.00-2.00 Holy Rosary vs Hohola Youth
 2.00-3.00 St. Peters vs Gerehu High
 3.00-4.00 Gordons Sec vs Gerehu C. A.

Under 17A - Oval 1
 8.00-9.00 Pomis vs Badihagwa
 9.00-10.00 KilaKila Sec vs Korobosea
 10.00-11.00 Don Bosco vs Pom Grammer
 11.00-12.00 Maino Heduru vs H.Youth

Under 17B - Oval 1
 12.00-1.00 De La Salle vs Sacred Heart
 1.00-2.00 Coronation vs Tokarara
 2.00-3.00 Gordons Sec vs Gerehu High
 3.00-4.00 Butuka Com vs Ted Diro

Under 17A Girls - Oval 2
 8.00-9.00 Laloki vs Badihagwa
 9.00-10.00 KilaKila Sec vs Ted Diro

10.00-11.00 Korobosea vs Pomis
 11.00-12.00 Maino Heduru vs Holy Rosary.
Under 17B Girls - Oval 2
 12.00-1.00 Gordons Sec vs Bavaroko
 1.00-2.00 Sacred Heart vs St. Peters
 2.00-3.00 Gerehu High vs Hohola Youth
 3.00-4.00 Coronation vs Pom Grammer
Note: Games to start and finish strictly in accordance with programme.

OROGEN SCHOOLS SOCCER ASSOCIATION - 1999 LEAGUE POINTS LADDER

(AFTER WEEK 2)

| TEAM | P | W | L | D | F | N | F | A | PT |
|----------------|----|---|---|---|---|---|----|----|----|
| Under 7 | | | | | | | | | |
| Gordons Int | 12 | 8 | 1 | 3 | 0 | 0 | 23 | 6 | 27 |
| Murray A | 12 | 8 | 2 | 4 | 0 | 0 | 10 | 9 | 22 |
| Korobosea | 12 | 5 | 4 | 3 | 0 | 0 | 13 | 8 | 18 |
| Ela Beach | 12 | 4 | 6 | 2 | 1 | 0 | 13 | 19 | 14 |
| Murray B | 12 | 2 | 4 | 6 | 0 | 0 | 13 | 21 | 12 |
| St. Josephs | 12 | 2 | 4 | 6 | 1 | 0 | 10 | 13 | 12 |
| B.Primary | 12 | 2 | 5 | 5 | 0 | 0 | 10 | 18 | 11 |
| Pomis | 12 | 1 | 4 | 7 | 1 | 0 | 7 | 10 | 10 |

Under 8

| | | | | | | | | | |
|-------------|----|---|---|---|---|---|----|----|----|
| Noblette | 12 | 9 | 0 | 3 | 0 | 0 | 39 | 5 | 30 |
| Korobosea | 12 | 9 | 1 | 1 | 0 | 1 | 39 | 7 | 28 |
| S.Heart | 12 | 8 | 2 | 1 | 0 | 1 | 25 | 10 | 25 |
| Pomis | 12 | 5 | 5 | 0 | 0 | 0 | 19 | 20 | 17 |
| Murray | 12 | 4 | 7 | 1 | 0 | 0 | 20 | 21 | 13 |
| St. Josephs | 12 | 2 | 6 | 3 | 0 | 1 | 9 | 25 | 9 |
| Ela Beach | 12 | 1 | 9 | 2 | 0 | 0 | 7 | 42 | 5 |
| Gordons Int | 12 | 0 | 6 | 3 | 1 | 1 | 4 | 22 | 3 |

Under 9

| | | | | | | | | | |
|-------------|----|----|---|---|---|---|----|----|----|
| Noblette | 12 | 11 | 1 | 0 | 0 | 0 | 29 | 5 | 33 |
| Ela Beach | 12 | 10 | 1 | 1 | 0 | 0 | 44 | 5 | 31 |
| Pomis | 12 | 6 | 4 | 2 | 0 | 0 | 21 | 13 | 20 |
| Bambi P | 12 | 3 | 4 | 4 | 0 | 1 | 11 | 22 | 13 |
| Korobosea | 12 | 3 | 6 | 3 | 0 | 0 | 12 | 24 | 12 |
| Gordons Int | 12 | 1 | 6 | 5 | 0 | 0 | 7 | 23 | 8 |
| Murray | 12 | 2 | 7 | 2 | 0 | 1 | 7 | 27 | 8 |
| St. Josephs | 12 | 0 | 7 | 5 | 0 | 0 | 8 | 20 | 5 |

Under 10

| | | | | | | | | | |
|-------------|----|----|---|---|---|---|----|----|----|
| Korobosea | 12 | 10 | 2 | 0 | 0 | 0 | 22 | 3 | 32 |
| Gordons Int | 12 | 7 | 1 | 4 | 0 | 0 | 14 | 6 | 25 |
| St. Josephs | 12 | 6 | 4 | 2 | 0 | 0 | 22 | 14 | 20 |
| St. Peters | 12 | 4 | 4 | 4 | 0 | 0 | 16 | 12 | 16 |
| Ela Beach | 12 | 3 | 5 | 2 | 0 | 2 | 9 | 15 | 11 |
| Murray | 12 | 2 | 5 | 4 | 0 | 1 | 17 | 23 | 10 |
| Pomis | 12 | 2 | 7 | 1 | 1 | 2 | 14 | 7 | 14 |
| S.Heart | 12 | 1 | 0 | 1 | 3 | 1 | 1 | 18 | 4 |

Under 11A

| | | | | | | | | | |
|-------------|----|----|----|---|---|---|----|----|----|
| Pomis A | 12 | 10 | 10 | 0 | 0 | 0 | 26 | 4 | 32 |
| Gordons Int | 12 | 8 | 3 | 1 | 0 | 0 | 21 | 6 | 25 |
| St.JosephsA | 12 | 5 | 4 | 3 | 0 | 0 | 18 | 19 | 18 |
| Murray A | 12 | 5 | 2 | 0 | 0 | 0 | 23 | 26 | 16 |
| St. Peters | 12 | 4 | 6 | 2 | 0 | 0 | 17 | 16 | 14 |
| S.Heart | 12 | 2 | 6 | 4 | 0 | 0 | 9 | 14 | 10 |
| De La Salle | 12 | 1 | 6 | 5 | 0 | 0 | 4 | 17 | 8 |
| Bambi P | 12 | 1 | 8 | 3 | 0 | 0 | 6 | 26 | 6 |

Under 11B

| | | | | | | | | | |
|-------------|----|---|---|---|---|---|----|----|----|
| Korobosea | 12 | 6 | 3 | 3 | 0 | 0 | 19 | 11 | 21 |
| Ela Beach | 12 | 4 | 1 | 7 | 0 | 0 | 22 | 9 | 19 |
| St. Josephs | 12 | 5 | 2 | 5 | 0 | 0 | 13 | 18 | 17 |
| Murray B | 12 | 5 | 6 | 1 | 0 | 0 | 25 | 27 | 16 |
| WardsStripA | 12 | 4 | 4 | 4 | 0 | 0 | 16 | 15 | 16 |
| Butuka | 12 | 4 | 4 | 3 | 0 | 1 | 11 | 16 | 15 |
| Pomis B | 12 | 3 | 6 | 2 | 0 | 1 | 14 | 22 | 11 |
| WardsStripB | 12 | 3 | 7 | 2 | 0 | 0 | 13 | 21 | 11 |

Under 12A

| | | | | | | | | | |
|-------------|----|----|---|---|---|---|----|----|----|
| Korobosea | 12 | 10 | 2 | 0 | 0 | 0 | 50 | 5 | 30 |
| Pomis | 12 | 9 | 2 | 1 | 0 | 0 | 26 | 11 | 28 |
| CoronationP | 12 | 6 | 4 | 2 | 0 | 0 | 25 | 18 | 20 |
| Holy Rosary | 12 | 5 | 3 | 3 | 0 | 1 | 15 | 11 | 18 |
| Wards Strip | 12 | 5 | 6 | 1 | 0 | 0 | 10 | 15 | 16 |
| St. Josephs | 12 | 3 | 5 | 4 | 0 | 0 | 8 | 20 | 13 |
| KilaKila Pr | 12 | 0 | 8 | 4 | 0 | 0 | 5 | 19 | 4 |
| Murray | 4 | 0 | 2 | 1 | 0 | 1 | 2 | 7 | 1 |

Under 12B

| | | | | | | | | | |
|--------------|----|----|---|---|---|---|----|----|----|
| St. Peters | 12 | 11 | 0 | 1 | 0 | 0 | 45 | 5 | 34 |
| Ela Beach | 12 | 8 | 2 | 2 | 0 | 0 | 23 | 6 | 28 |
| Gordons Int | 12 | 6 | 3 | 2 | 0 | 1 | 18 | 14 | 20 |
| Bomana C | 12 | 4 | 4 | 4 | 0 | 0 | 13 | 13 | 16 |
| St. Francis | 12 | 4 | 6 | 2 | 0 | 0 | 13 | 23 | 14 |
| Goldie River | 12 | 3 | 7 | 2 | 1 | 0 | 6 | 14 | 11 |
| Gerehu C.A | 12 | 2 | 7 | 2 | 0 | 1 | 0 | 26 | 8 |
| KoroboseaB | 12 | 0 | 6 | 1 | 1 | 2 | 3 | 26 | 1 |

Under 13A

| | | | | | | | | | |
|-------------|----|---|---|---|---|---|----|----|----|
| Bomana C | 12 | 7 | 4 | 1 | 1 | 0 | 23 | 17 | 22 |
| Pomis | 12 | 6 | 4 | 2 | 1 | 0 | 28 | 18 | 20 |
| Ela United | 12 | 6 | 4 | 1 | 0 | 1 | 25 | 21 | 19 |
| Korobosea | 12 | 6 | 2 | 1 | 1 | 3 | 18 | 11 | 19 |
| Gordons Int | 12 | 5 | 4 | 3 | 0 | 0 | 14 | 15 | 18 |
| S.Heart | 12 | 4 | 6 | 2 | 0 | 0 | 13 | 21 | 14 |
| Ted Diro | 12 | 3 | 5 | 2 | 0 | 2 | 9 | 16 | 11 |
| St. Josephs | 12 | 1 | 9 | 0 | 2 | 2 | 8 | 18 | 3 |

Under 13B

| | | | | | | | | | |
|-------------|----|---|---|---|---|---|----|----|----|
| P.Aravure | 12 | 9 | 1 | 2 | 0 | 0 | 23 | 10 | 29 |
| KilaKila P | 12 | 8 | 3 | 1 | 1 | 0 | 33 | 17 | 25 |
| CoronationP | 12 | 6 | 3 | 3 | 0 | 0 | 12 | 9 | 21 |
| St. Peters | 12 | 5 | 2 | 0 | 0 | 0 | 26 | 21 | 17 |
| Wards Strip | 12 | 3 | 6 | 3 | 0 | 0 | 17 | 25 | 12 |

| | | | | | | | | | |
|--------------|----|---|---|---|---|---|----|----|----|
| Bambi P | 12 | 3 | 6 | 2 | 0 | 1 | 14 | 31 | 11 |
| Goldie River | 12 | 2 | 6 | 3 | 3 | 1 | 10 | 15 | 9 |
| Waigani P | 12 | 2 | 6 | 0 | 4 | 2 | 5 | 12 | 6 |




Under 14A

| | | | | | | | | | |
|-------------|----|----|---|---|---|---|----|----|----|
| MMLawyers | 12 | 11 | 0 | 1 | 0 | 0 | 39 | 3 | 34 |
| Bomana C | 12 | 6 | 2 | 4 | 0 | 0 | 22 | 14 | 22 |
| Holy Rosary | 12 | 7 | 4 | 1 | 0 | 0 | 18 | 16 | 22 |
| Gerehu C.A | 12 | 4 | 5 | 3 | 0 | 0 | 15 | 26 | 15 |
| P.Aravure | 12 | 3 | 4 | 5 | 0 | 0 | 13 | 21 | 14 |
| Korobosea | 12 | 3 | 7 | 1 | 1 | 1 | 13 | 18 | 10 |
| Bavaroko | 12 | 2 | 6 | 3 | 1 | 1 | 10 | 18 | 9 |
| KilaKila P | 12 | 1 | 9 | 0 | 2 | 2 | 4 | 20 | 3 |

Under 14B

| | | | | | | | | | |
|------------|----|---|---|---|---|---|----|----|----|
| St. Peters | 12 | 8 | 1 | 3 | 0 | 0 | 10 | 8 | 27 |
| Pomis | 12 | 7 | 3 | 2 | 0 | 0 | 21 | 12 | 23 |
| Moitaka | 12 | 6 | 2 | 3 | 0 | 1 | 20 | 9 | 21 |
| Waigani P | 12 | 6 | 3 | 2 | 0 | 1 | 23 | 11 | 20 |
| T | | | | | | | | | |

WANTOK SPOT



PNG Kumuls i stap pinis

PETER MAIME i raitim

PAPUA Niugini Ragbi Ful Lig i makim pinis PNG Residen Kumuls skwat long pilai engensim Nu Silan Maoris long dispela mun.

I gat 20 pilaia i stap long PNG Kumuls tim.

Tim ya bai ol i kolim PNG Cambridge Kumuls. Bikpela simok kampani, Rothmans ov Pall Mall (PNG) aninit long simok bilong em Cambridge i sponsarim PNG Kumuls tim wantaim K12,000.

Hagen i go pas na winim 5-pela spes long dispela Kumul skwat. Nem bilong ol pilaia em Davjd Gpmia, James Kops, Peter Noki, John Waka na Max Tiri.

Lae, Mosbi na Mendi i gat tripela pilai long tim. Ol narapela senta i gat 1 o tupela pilai.

Wanpela pilaia husat bai i no inap amamas em Max Meia bilong Kimbe. Ol selekta i makim em pinis long stap long Kumuls, tasol ol i dropim em gen bikos em i kisim bagarap long SP Kap gems. Ivan Mosaka bilong Goroka i kisim ples bilong en.

Dispela Kumuls tim em bilong ol pilaia husat i stap na pilai long PNG. Ol ovasis pilaia olsem Marcus Bai, Andrian Lam na Stanley Gene bai i no inap kam insait.

Nambawan gem bilong Cambridge Kumuls wantaim Nu Silan Maoris bai kamap long Lae long Jun 13, 1999. Bihain bai ol i brukim bun long Wabag long Jun 16 na las gem bai ol i kirapim das long Mosbi long Jun 20.

Ful skwat PNGRFL i autim long aste em:

Ruben Ruing (Mendi), Joe McConnor (Goroka), Andrew Norman (Lae), David Gomia (Hagen), James Kops (Hagen) Leonard Tarum (Mosbi), Mark Mom (Mosbi), Lucas Solbat (Rabaul), Willie Gabriel (Mendi), Peter Noki (Hagen), Tony Dai (Lae), Simon Kundi (Lae), Chris Lome (Mosbi), David Ako (Mendi), Andrew Kanamon (Wabag), Ivan Mosaka (Goroka), Ben Ezekiel (Minj), Radal Kaupa (Kundiawa), John Waka (Hagen), Max Tiri (Hagen).

Maus man bilong Rothmans ov Pall Mall (PNG), Thomas Korua i tok kampani bilong em i amamas long kamap mesa sponsa bilong PNG Kumuls.

Em i tok kampani bilong em i bin sapotim PNG Kumuls long planti yia na dispela sponsasip aninit long Cambridge i soim bikpela laik kampani i gat long nesanel tim.

Jenerel Menesa bilong PNGRFL, Martin Adamson i makim maus bilong PNGRFL Bod na mekim bikpela tok tenkyu i go long Rothmans ov Pall Mall (PNG) long sponsarim PNG Kumuls wantaim K12,000. Em i tok dispela simok kampani i bin sponsarim Kumuls long 1992 i kam inap nau.

Em tok kain sponsasip i ken helpim ol PNG Kumul long makim kantri wantaim bikpela amamas.



• Ragbi tim bilong Wewak Eels husat i save laitim paia long Wewak lig resis long olgeta wiken. Lukaut long ol long dispela yia salens. Foto: Fuzu Paul.

Lae Sobou na Blue Kumuls putim ai long rausim klap taitel

YAKAM KELO i raitim

LAE na Mosbi bai kirapim gen bikpela pait bilong soka long dispela wiken taim ol sempion klap long tupela senta ya i bung long traime winim nesanel klap sempionsip taitel.

Nesanel klap sempionsip we i save kamap olgeta yia bai bungim ol top klap olsem Rapatona na Yunivesiti man na Telikom na Yunivesiti meri bilong Mosbi. Long Lae bai ol boi nogut husat i bin wokim das long Mosbi long 1997 em Blue Kumuls na ol bai testim gen strong bilong Yunivesiti Mosbi long asples bilong ol yet long Lae. Long Lahi em Sobou na Guria tu bai traime long kamapim planti kirap nogut na bel pen long ol boi bilong Mosbi.

Narapela susa asosiesen bilong Mosbi em Publik Sevans Soka Asosiesen na em bai salim NPF tim bilong ol man na Defence tim bilong ol meri. Ol dispela lain meri Defence em ol hatpela meri na ol inap mekim kirap nogut long salens bilong ol meri long dispela nesanel klap sempionsip. Opisa bilong Papua Niugini Futbol

NESENEL K LAP TAITEL

Asosiesen (PNGFA) Cathy Davani i tok PNGFA i luksave long ol tim bilong Mosbi, LFA, Lahi na Kimbe bikos ol i bin baim nominesen fi bilong ol pinis long stap insait long dispela klap sempionsip resis.

Davani i tok ol i no laikim ol klap na tim i kam long tude (Fonde) na givim nem bikos dispela em bai leit tru na PNGFA opisel i no laikim dispela kain pasin long kamap.


Davani i tok PNGFA i lukluk long kamapim 10-pela tim bilong man na 10-pela tim bilong ol meri long dispela sempionsip we ol i ken staim pilai long Fraide tumoro na pinisim wantaim gren fainel long Mande.

Em i tok ol klap long hailans senta i no bin nominet yet na dispela i luk olsem bai pilai istap namel long ol tim bilong Lae, Mosbi na Kimbe. Ol senta husat i save wokim nem long kain soka taitel olsem Madang, Wewak, Kaiapit, Hagen na Wabeg i no kam aut klia long dispela yia long dispela tonamen.

Presiden bilong Lahi, Mosbi Demas i tok Lahi i redi long lukautim dispela tonamen


we ol bai opim pilai long Fraide tumoro na pinisim long Mande. Demas i tok long Fonde (tude) apinun bai ol menesmen bilong olgeta klap i sindaun long wanpela bikpela bung na stretim olgeta wok bilong program na dro na arapela wok bilong lukautim na ronim gut tonamen inap long Mande.

Wantok i no inap putim dro bilong dispela tonamen bikos eksekutiv bung long nau apinun bai ol i wokim dro. Kimbe i salim wanpela tim bilong ol man i go pinis long Lae las wiken na ol i wok long redim ol yet long pilai. Rapatona bilong Mosbi tu i go pinis long Lae long Tunde dispela wik long redim em yet long tonamen long dispela wiken. Ol sempion tim bilong dispela tonamen em Yunivesiti man na Telikom meri bilong Mosbi. Na tupela bai pait strong gen long holim taitel bilong tupela egensim ol arapela hangre tim husat i laik nekim ol na winim taitel long dispela yia. Ol feveret tim bilong dispela nesanel klap sempionsip em, Mosbi Rapatona, Yunivesiti, LFA Blue Kumuls na Lahi Sobou. Long ol meri em Mosbi Telikom, PSSA Defens na Bara LFA.



Catch the Action of the SP CUP

The No. 1 game



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.